

تفسير سورة الإسراء

لسيدنا يوسف بن المسيح
عليه الصلاة والسلام

إعداد وتقديم الخادم يوسف بن نون ٢٠٢١



درس القرآن و تفسير الوجه الأول من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه الأول من أوجه سورة الإسراء ، و أجاب على أسئلتنا بهذا الوجه ، و أنهى نبي الله الحبيب الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأول من أوجه سورة الإسراء ، و نبدأ بأحكام التلاوة و مروان :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .
و مد لازم حرفي أو كلمي : الحرفي هو في أوائل السور ، و الكلمي مثقل و يُمد بمقدار ٧ حركات مثل (و لا الضالين) .
و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمتد بمقدار حركتين و هي مجموعة في جملة (حي طهر) ، و حرف تمتد بمقدار ٦ حركات و هي مجموعة في جملة (نقص عسلكم) .

و بعد مروان قالت الأحكام رفيدة ثم أرسلان .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذه السورة العظيمة المباركة ، سورة الإسراء التي سُميت على رؤيا عظيمة للنبي محمد ﷺ ، يقول سبحانه :

{بسم الله الرحمن الرحيم}

{سُبْحَانَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَى الَّذِي بَارَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ} :

(سبحان الذي أسرى بعبده ليلاً من المسجد الحرام إلى المسجد الأقصى الذي باركنا حوله لنريه من آياتنا) ، (سبحان) أي تنزيهه لله سبحانه وتعالى ، و (سبحان) أي أن الله منتشر في كل مكان وأنه لا يحده مكان ولا يحده زمان ، ليس كمثله شيء ، (سبحان الذي أسرى بعبده ليلاً من المسجد الحرام إلى المسجد الأقصى) النبي محمد ﷺ في ليلة من الليالي ، كان نائم في الحطيم اللي هو ما يسمى تجاوزاً أو مجازاً جبر إسماعيل ، الحطيم اللي هي القبلة بتاعت الكعبة باتجاه الشام ، باتجاه فلسطين ، اللي هو الجزء إيه؟ النص دايرة ده ، نائم جواه ، عادي مريح يعني ، في الوقت دوت/ هذا ربنا أرسل عليه إيه؟ هذا الكشف المبارك العظيم ، تمام؟ ، رأى جبرائيل و تفاصيل إيه؟ الإسراء ، معروفة ، و هي كانت رؤيا و ليست على الواقع بل على الحقيقة ، و الواقع و الكشف الإثنان نسميهما حقيقة و لكن هذا كان كشفاً ، تمام؟ ، (سبحان الذي أسرى بعبده ليلاً من المسجد الحرام إلى المسجد الأقصى الذي باركنا حوله لنريه من آياتنا) و الإسراء ده كان في عام الحزن قبل الهجرة ، تمام؟ ، لكن المعراج اللي فرضت فيه الصلوات الخمس ، كان في السنة الثانية للبعثة ، تمام؟ طيب ، (سبحان الذي أسرى بعبده ليلاً من المسجد الحرام) من المسجد الحرام اللي هو مسجد الكعبة (إلى المسجد الأقصى) المسجد الأقصى الأصل المعنى فيه ، التمثيل الروحاني ، أعلى تمثل روحاني و وصول روحاني للأنبياء ، هو ده المسجد الأقصى أي أقصى خشوع و أقصى طاعة و أقصى روحانية ، مين إمامها؟ الرسول محمد ﷺ ، لذلك في الإسراء كان هو إمام الأنبياء و صلى بهم ، صح؟ مش في الكشف كان كده؟ صح؟ ، (إلى المسجد الأقصى الذي باركنا حوله لنريه من آياتنا) يبقى ربنا هنا قرن الآية و رؤية الآية و تحقيق الآية و تحقق الآية بالرؤيا و بالكشف ، تمام؟ ، تحقق النبوءات ، دي أصل الآيات ، أصل الآيات و الكشوف و الرؤى و تحقق النبوءات ، و الرد من الله عز و جل و الإجابة على الإستخارات ، تمام؟ ، فهذه هي أصل الآيات ، أنها تكون آيات روحية و يكون لها تمثلات مادية بالطبع ، (سبحان الذي أسرى بعبده ليلاً من المسجد الحرام إلى المسجد الأقصى الذي باركنا حوله لنريه من آياتنا) إنه هو السميع البصير) الله سبحانه و تعالى سميع و يُعطي السمع ، سمع الوحي للمؤمنين و الأطهار ، و هو البصير ، البصير أي المطلع و كذلك يُعطي من هذه الصفة لعباده المؤمنين فيكون عندهم إيه؟ بصيرة و شفافية و روحانية عالية و إحساس و شعور ، و تعظم فيهم و تنمو الحاسة السادسة اللي هي القوة القدسية ، تمام؟ .

{وَاتَيْنَا مُوسَى الْكِتَابَ وَجَعَلْنَاهُ هُدًى لِّبَنِي إِسْرَائِيلَ إِلَّا تَنَحَّضُوا مِنْ دُونِي وَكَيْلًا}

{ذُرِّيَّةَ مَنْ حَمَلْنَا مَعَ نُوحٍ إِنَّهُ كَانَ عَبْدًا شَكُورًا} :

(و آتيناه موسى الكتاب و جعلناه هدى لبني إسرائيل) موسى اللي هو سيدنا محمد مثيله ، ربنا آتاه الكتاب ؛ الرسالة يعني ، (و جعلناه هدى لبني إسرائيل) سبب في هداية بني يعقوب لأن إسرائيل هو يعقوب -عليه السلام- ، الوصية الأولى و العظيمة : (ألا تتخذوا من دوني وكيلاً) يعني لا تشركوا إيه؟ معي أحداً في العبادة ، و ما تتوكلوش على حد غيري ، غير الله عز و جل يعني ، لأن هو ده إيه؟ التوحيد يعني ، ربنا أعطى النصيحة دي لمين؟؟ لموسى و بالتالي لأتباع موسى اللي هم ذرية من حملنا مع نوح ، اللي هم خيار من خيار ، الخيار كانوا إيه؟ أتباع نوح ، اللي هم ركبوا السفينة ، الموحدين المؤمنين ، و خيار من خيار كانوا مين؟ بني إسرائيل وقتها يعني ، و بعد كده المسلمين و بعد كده الأحمديين و بعد كده اليوسفيين ، هم دول/هؤلاء خيار من خيار ، خيار من خيار ، (إنه كان عبداً شكوراً) نوح كان عبد ، عابد لله عز و جل ، مطيع ، متواضع ، شكور أي شاكر لنعمة الله عز و جل ، تمام؟ .

{وَقَضَيْنَا إِلَىٰ بَنِي إِسْرَائِيلَ فِي الْكِتَابِ لَتُفْسِدُنَّ فِي الْأَرْضِ مَرَّتَيْنِ وَلَتَعْلُنَّ عُلُوقًا كَبِيرًا} :

(و قضينا إلى بني إسرائيل في الكتاب لتفسدن في الأرض مرتين و لتعلن علواً كبيراً) كانت شمعات فيصلة على الطريق معنونة ، إن هو بني إسرائيل يحكموا فلسطين مرتين ، أول مرة وقت مملكة داود ، و علواً كبيراً و بعد كده فسدت المملكة و دبّ الشرك فين؟ في بني إسرائيل ، فربنا بعث عليهم مين؟ البابليين ، نبوخذ نصر ، كسر الهيكل بتاعهم اللي هو مكان العبادة و سرقوا التابوت ، تابوت العهد اللي فيه الألواح ، و أخذ بني إسرائيل أسرى و سبوا إلى العراق ، تمام؟ ، إتبهدلوا أوي بني إسرائيل في المرة الأولانية/الأولى دي ، بذنوبهم ، حتى أن كان في أنبياء هناك في الأسر ، و جدوا و بعثوا في الأسر زي دانيال -عليه السلام- ، زي ججي ، و زكريا بن عدو... و أنبياء كثر ، و عزرا اللي هو بنسميه العزيز ممكن نعتبره برضو نبي ، ماشي؟ اللي هو أعاد كتابة إيه؟ التوراة مرة أخرى .

{فَإِذَا جَاءَ وَعْدُ أُولَاهُمَا بَعَثْنَا عَلَيْكُمْ عِبَادًا لَّنَا أُولِي بَأْسٍ شَدِيدٍ فَجَاسُوا خِلَالَ الدِّيَارِ وَكَانَ وَعْدًا مَّفْعُولًا} :

(فإذا جاء وعد أولاهما بعثنا عليكم عباداً لنا أولي بأس شديد فجاسوا خلال الديار) اللي هم مين؟ البابليين ، نبوخذ نصر ، (فجاسوا) أي إيه؟ انتشروا بقوة ، و انتشروا عارفين الطرق لأن هم عندهم عيون و متجسسين ، (فجاسوا) أي إيه؟ انتشروا بقوة نتيجة علم سابق و علم مخابراتي سابق ، نتيجة التجسس ، (فجاسوا خلال الديار) أي فلسطين يعني ، (و كان وعداً مفعولاً) ده كان قدر مقضي ، تمام؟ ، إن هم لما يشركوا بني إسرائيل ، ربنا إيه؟ يكسر كبريائهم من خلال أناس آخرين ، خلي بالك .

{ثُمَّ رَدَدْنَا لَكُمُ الْكُرَّةَ عَلَيْهِمْ وَأَمْدَدْنَاكُمْ بِأَمْوَالٍ وَبَنِينَ وَجَعَلْنَاكُمْ أَكْثَرَ نَفِيرًا} :

(ثم رددنا لكم الكرة عليهم و أمددناكم بأموال و بنين و جعلناكم أكثر نفيراً) إزاي بقي؟ (رددنا لكم الكرة)؟ رجعناكم تاني تعلقون في فلسطين و تحكموا فلسطين من خلال قورش -رضي الله عنه و أرضاه- ده أحد ملوك الفرس ، كان عبد صالح مؤمن تقى و مُحَدَّث ، ساعد بني إسرائيل إن هم يرجعوا فلسطين تاني ، و فكهم من الأسر البابلي ، تمام كده؟ ، (ثم رددنا لكم الكرة عليهم و أمددناكم) من خلال قورش (بأموال و بنين) أي قوة يعني ، تمام؟ ، (و جعلناكم أكثر نفيراً) كنتم أكثر نفير من المرة الأولى ، من على عهد داود ، يعني إنتو كتير ، كترتوا أوي يعني ، رجعتوا فلسطين بس مش كلكم رجعتوا طبعاً ، تمام؟ ، في اللي بقي منكم في بابل و في إيه؟ و في بلاد فارس و في بلاد ما وراء النهرين .

{إِنْ أَحْسَنْتُمْ أَحْسَنْتُمْ لِأَنفُسِكُمْ وَإِنْ أَسَأْتُمْ فَلَهَا فَإِذَا جَاءَ وَعْدُ الْآخِرَةِ لِيَسُوءُوا وُجُوهَكُمْ وَلِيَدْخُلُوا الْمَسْجِدَ كَمَا دَخَلُوهُ أَوَّلَ مَرَّةٍ وَلِيُتَبِّرُوا مَا عَلَوْا تَتْبِيرًا} :



(إن أحسنتم أحسنتم لأنفسكم و إن أسأتم فلها) يعني لو أحسنتموها لتحسنوا لأنفسكم و لن يضركم شيء و لن يُسلط عليكم أحد ، (و إن أسأتم فلها) يعني إذا أسأتموها مرة ثانية (فلها) فالإلى التشرّد يعني ، و إلى أناس يسيطرون عليكم و يستعبدونكم ، تمام؟ ، و يأسرونكم و يُذلونكم ، (و إن أسأتم فلها) أي لهذا الطريق يعني ، طريق إن إيه؟ يتسلط عليكم إيه؟ أناس آخرون بأمر الله عز و جل ، عقاباً لكم و عذاباً في الدنيا قبل الآخرة ، طيب ، يبقى إنتوا دخلتوا فلسطين تاني أهو و حذرهم ربنا (إن أحسنتم أحسنتم لأنفسكم و إن أسأتم فلها) هترجعوا تاني إلى إيه؟ للتشرّد تاني ، ماسمعوش الكلام ، كفروا بعيسى ، المرة الأولانية/الأولى كانوا أشركوا ، أشركوا بالله عز و جل و ادخلوا بعض الإيه؟ الآلهة الوثنية في العبادات و ما اهتماموش بالتوحيد ، فربنا غضب عليهم و سلّط عليهم نبوخذنصر و البابليين ، حلو أوي ، قعدوا شوي في الأسر و بعد كده ربنا سخر لهم قورش و رجعهم تاني فلسطين ، طيب مش يقعدوا حلوين؟ لا ، أتى عيسى و كفروا به ، و كفروا ببيحيى و كفروا بزكريا ، طيب و بعدين ، حصل إيه؟ (فإذا جاء وعد الآخرة) المرة الثانية يعني ، اللي هي كانت على عهد عيسى ، (ليسوؤوا وجوهكم و ليدخلوا المسجد كما دخلوه أول مرة) في ناس هسلطهم عليكم تاني ، (ليسوؤوا وجوهكم) هيسودوا وشكم/وجهكم ، و يلحقوا بكم السوء و اللعنة ، مين دول/هؤلاء؟ الرومان ، تيتوس دخل القدس و كسر الهيكل تاني اللي هم أعادوا بناءه في الدخول التاني ، كسره و إيه؟ و شردهم و عذبهم ، (و ليدخلوا المسجد) اللي هو الهيكل يعني ، مكان العبادة ، (كما دخلوه أول مرة) مين اللي دخلوه أول مرة؟ البابليين ، طيب مين اللي دخلوه تاني مرة؟ الرومان ، حلو؟ ، (و ليتبروا ما علوا تنبيرا) يعني هيكسروا كل اللي علي به بني إسرائيل ، يتكسر تاني ، (و ليتبروا ما علوا تنبيرا) ، (و ليدخلوا المسجد كما دخلوه أول مرة و ليتبروا ما علوا تنبيرا) بظلمهم و بفسادهم و بشركهم ، لأن هم لما رفضوا الإستخارة في عيسى و يحيى و زكريا ، كده هم أشركوا أنفسهم مع الله عز و جل و تكبروا على الأنبياء ، فوقعوا في الشرك ، فربنا سلّط عليهم مين ، بذنوبهم؟ الرومان ، تيتوس ، تمام؟ طيب .

{عَسَىٰ رَبُّكُمْ أَن يَرْحَمَكُمْ وَإِنْ عُذْتُمْ عُدْنَا وَجَعَلْنَا جَهَنَّمَ لِلْكَافِرِينَ حَصِيرًا} :

(عسى ربكم أن يرحمكم) ربنا ادالهم/أعطاهم القاعدة إن إنتوا لما تحسنوا و توحّدوا و تمتنعوا عن الشرك و عن معاداة الأنبياء ، (عسى ربكم أن يرحمكم) لو لاقى فيكم الإخلاص يمكن يرحمكم ، يعني نتيجة نظر الله عز و جل و إرادته سبحانه و تعالى ، لما ربنا يقرر ، ممكن يرحمكم و ممكن لا ، (و إن عدتم عدنا) هذه/ده قاعدة ، لو رجعتوا للإيمان ؛ عُدنا لكم بالخيرات ، و إن كفرتم ؛ أتينا عليكم باللعنة و العذاب ، (و جعلنا جهنم للكافرين حصيراً) تهديد من الله عز و جل ، أن جهنم تحصر ، أي تحصر الكفار ، تحصرهم حصر ، محدش يعرف يخرج ، كذلك (حصيراً) يعني يبقوا فرشة جهنم ، يبقوا في إيه؟ في قعر جهنم ، إذاً (حصيراً) لها معنيين : حصيراً أي محصورين في جهنم ، جهنم تحصرهم ، كذلك حصيراً أي أنهم فرشة ، فرشة جهنم ، طيب دلوقتي يقولي إيه؟ طيب ما اليهود دلوقتي هم اللي بيحكموا فلسطين ، مش دي المرة الثالثة؟؟ أقولك لا ، ليه بقى؟ لأن اليهود اللي هم الموجودين دول/هؤلاء مش هم أصلاً على شريعة موسى ، ده أولاً ، ثانياً ده عقاب من الله عز و جل للمسلمين ، لأن المسلمين كفروا بالإمام المهدي ميرزا غلام أحمد القادياني -عليه الصلاة و السلام- ، فربنا سلّط مين؟ شذاذ الآفاق إن هم يذلوا المسلمين ، اللي هم كانوا مشردين أصلاً في أوروبا و هتلر بيعذبهم ، بريطانياء لمتهم/جمعتهم و حطتهم في فلسطين عشان إيه؟ يذلوا المسلمين ، شفتوا؟؟ يبقى سبيل الأمان إيه؟ الإيمان ، سبيل الأمان : الإيمان بالله و بالرسول . حد عنده سؤال تاني؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ،
أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن
المسيح صلوات تلو صلوات طيبات مباركات ، و على أنبياء عهد محمد الآتين في مستقبل
قرون السنين أجمعين . آمين .  

درس القرآن و تفسير الوجه الثاني من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام المد , ثم قام بقراءة الوجه الثاني من أوجه سورة الإسراء ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثاني من أوجه سورة الإسراء ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و بعد أحمد قال الأحكام مروان ثم رفيفة ثم أرسلان .

○ و ثم طلب سيدي يوسف بن المسيح ﷺ من أحمد قراءة آية الكرسي ، و صحح له قراءته .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب ، هذا الوجه العظيم فيه عديد من الحقائق العظيمة و الجميلة جداً ، عندما نتبصرها و نتأملها و نخشع فيها و نتدبرها من لدن الله عز و جل ، الله سبحانه و تعالى مُعلم ، و الله سبحانه و تعالى طيب ، فهو المعلم الأول و هو الطيب الأول ، و هو الناصح الأول و هو الباعث .

{إِنَّ هَذَا الْقُرْآنَ يَهْدِي لِلَّتِي هِيَ أَقْوَمُ وَيُبَشِّرُ الْمُؤْمِنِينَ الَّذِينَ يَعْمَلُونَ الصَّالِحَاتِ أَنَّ لَهُمْ أَجْرًا كَبِيرًا} :

(إن هذا القرآن يهدي للتي هي أقوم) القرآن ، تعاليم القرآن ، آيات القرآن ، مجرد تلاوة القرآن بخشوع ، تُرجع الإنسان لفطرته الأولى ، تُرجع الإنسان لفطرته الأولى ، و تُعالج أمراض النفوس ، تلك القراءة و ذلك التدبر ، و تمحو ما في الإنسان من فيروسات ، فيروسات فكرية يعني ، و تقي الإنسان من الخبائث ، و تُرجع الإنسان إلى فطرته الأولى ، زي ما الموبايل كده لما يتلخبط أو يهجنج ، نعمله ديفولت أو إيه؟ بيقولك إعدادات المصنع ، اللي عاوز إعدادات المصنع الإنسان الفطرية الأولى ؛ يقرأ القرآن ، مجرد قراءة خاشعة و تدبر و إلتزام تعاليم القرآن و تعليمات القرآن ، و نصائح الله و مواعظه في القرآن ، لأن الله هو الواعظ الأول ، (إن هذا القرآن يهدي للتي هي أقوم) كتالوج ، القرآن ده كتالوج للحياة ، تمام؟ ، (و يبشر المؤمنين الذين يعملون الصالحات أن لهم أجراً كبيراً) المؤمن يجب أن يعمل عملاً صالحاً ، فيجد البشري ، فيجد البشري بِنَصِّ إِيهِ؟ نبوءة القرآن ، لازم يجد بشري ، (أن لهم أجراً كبيراً) أجراً عظيماً .

{وَأَنَّ الَّذِينَ لَا يُؤْمِنُونَ بِالْآخِرَةِ أَعْتَدْنَا لَهُمْ عَذَابًا أَلِيمًا} :

(و أن الذين لا يؤمنون بالآخرة أعتدنا لهم عذاباً أليماً) أصل الكفر هو عدم الإيمان بالآخرة ، (و أن الذين لا يؤمنون بالآخرة أعتدنا لهم عذاباً أليماً) أي أعتدنا لهم عذاباً يُطهرهم مما كانوا فيه .

{وَيَذِّعُ الْإِنْسَانُ بِالْإِشْرَارِ دُعَاءَهُ بِالْخَيْرِ وَكَانَ الْإِنْسَانُ عَجُولًا} :

(و يدع الإنسان بالشر دعاءه بالخير) يعني إيه بقى الكلام ده؟؟ يعني واحد بيبقى حابب حاجة و نفسه تتحقق ، نفسه تتحقق و يسعى إليها بكل قوته و بكل التدابير الدنيوية التي يملكها ، حتى أنه أيضاً يدعو الله عز و جل مراراً و تكراراً ، و ثم لا يحدث ، و هو لا يعلم أن في حدوث هذا الأمر هو شر له ، كأن الإنسان عندما يدعو بهذا الأمر أو يريد هذا الأمر ، كأنه يقول -و العياذ بالله- : يا رب إهلكني ، يا رب إهلكني ، و لكن الحكمة أن تُسلم لأمر الله عز و جل و أن ترضى بقضاء الله عز و جل و أن تستخير الله ، تُخَيِّر الله و تسأله و تطلب منه إيه؟ الْخَيْرَةُ و الْخِيَار ، تطلب منه الْخَيْرَةُ أي الخير ، و الْخِيَار أن يُشير عليك بما هو أصلح لك و أنفع لك في الدنيا و الدين ، فتقول له : يا ربي إن كان هذا الأمر خير لي في ديني و دنيائي و عاقبة أمري ؛ فاقدره لي و يسره لي ، و إن كان هذا الأمر شر لي في ديني و دنيائي و عاقبة أمري ؛ فاصرفه عني و اصرفني عنه ، ثم أقدر لي الخير حيث كان ثم رضني به ، دائماً كده مع أي حاجة ، عادي ، كي لا تيأسوا على ما فاتكم و لا تفرحوا بما آتاكم ، لازم المؤمن بيبقى كده ، يعني الأمور الدنيوية عنده تبقى سيّان ، مفيش مانع تحب حاجة معينة أو إنك تطلب شيء معين تتمناه ، لا بأس في ذلك ، لأن نيتك طيبة و حسنة و لكن تُقدم الإستخارة ، فإن حدث الأمر ؛ كان بها و نعمة ، و إن لم يحدث فلا تأسى و لا تحزن ، هذا يجب أن يكون سلوك المؤمن و وجدان المؤمن ، تمام؟ ، (و يدع الإنسان بالشر دعاءه بالخير و كان الإنسان عجولاً) يعني الإنسان بيبقى عاوز حاجات ممكن تبقى فيها هلاكه ، يظنها خير ، (و يدع الإنسان بالشر دعاءه بالخير) يعني هو فاكر إن الأمر ده بيبقى خير له ، و لكن في حقيقة الأمر هو شر عظيم ، يصرفه الله عنه ، (و كان الإنسان عجولاً) دائماً الإنسان كده مستعجل ، صح؟ ، خُلِقَ الإنسان من عجل ، دائماً كده فيه صفة التعجل ، الواحد يحاول إيه؟ يحاول يُهذب هذه إيه؟ الصفة ،

صفة الإيه؟ التعجل ، إنه يصبر ، دائماً كده يصبر بقانون سورة العصر (إلا الذين آمنوا و عملوا الصالحات و تواصلوا بالحق و تواصلوا بالصبر) لأن الصبر هو إيه؟ الإحتكاك اللي هيقول سرعة العجلة بتاعت الإنسان ، مش الإحتكاك بيقول السرعة؟؟ بيقول الحركة؟؟ خلاص ، يبقى إيه؟ هو الصبر ، صح؟ .

{وَجَعَلْنَا اللَّيْلَ وَالنَّهَارَ آيَتَيْنِ فَمَحَوْنَا آيَةَ اللَّيْلِ وَجَعَلْنَا آيَةَ النَّهَارِ مُبْصِرَةً لِّتَبْتَغُوا فَضْلاً مِّن رَّبِّكُمْ وَلِتَعْلَمُوا عَدَدَ السِّنِينَ وَالْحِسَابَ وَكُلَّ شَيْءٍ فَصَّلْنَاهُ تَفْصِيلاً} :

(و جعلنا الليل و النهار آيتين) خلي بالك بقى في المثال اللي جاي ده ، الليل و النهار آيتين أي دليلين على قدرة الله ، (فمحونا آية الليل و جعلنا آية النهار مبصرة) خلي بالك ، أصل الكون كان ظلمة ، الكون الحالي ، بتاعنا ده ، ظلمة ، و بعد كده ربنا قال فليكن نور فكان نور ، اللي هي إحنا بنشوفها إيه؟ الانفجارات النووية و الاندماجات الهيدروجينية في النجوم و الشمس ، فظهر النور اللي إحنا بسببه نشوف ، طيب خلي بالك ، خلي بالك ، ربنا أول حاجة خلق المكان ، اللي هو إيه؟

الكون المظلم ، ده كان مكان ، خَلَقَه ، صح؟ و إحنا عارفين إن ربنا هو قبل المكان و لا يُحَدُّ في مكان ، طيب ، و بعدين ، كان في مكان بس ، بس ماكنش في زمن ، فتقول لي : إزاي؟؟؟ ، هأقولك ، أقولك أول ما النجوم دي نورت بأمر الله ، ظهر الضوء و لما ظهر الضوء بدأت تحصل إيه؟ تعاقب الليل و النهار على الكواكب مثلاً ، نتيجة دورانها حول نفسها ، حول النجوم ، حول نفسها و حول النجوم ، فالكوكب لما يدور حول نفسه ؛ يتعاقب فيه الليل و النهار ، فنقدر نحسب ساعات اليوم في الكوكب ، اللي هي : حركة الكوكب حول نفسه ، و كذلك لما يدور الكوكب حول الشمس أو حول أي نجم من المجموعات النجمية أو الشمسية ، نقدر نحدد السنة ، سنة الكوكب ده أو السنة ، تمام؟ ، كذلك المجرة بتدور حول نفسها فتكون حقبة و طور ، و الكون كله بيدور حول نفسه ، بيطوف ، تمام؟ ، فالزمن إزاي إنبثق و ظهر مع المكان بوجود الضوء ، الضوء لما ظهر ، الزمن ظهر معه ، قبل الضوء مكنش في حاجة إسمها زمن أصلاً ، و الله لا يحده مكان و لا زمان ، ليس كمثله شيء ، و في نفس الوقت هو في كل مكان و في كل زمان و في كل عالم ، و في كل عالم ، صح؟ ، إزاي؟؟ ماتعرفش ، هو كده ، تقولها كده ، ليس كمثله شيء ، يبقى إحنا عرفنا دلوقتي إن إنبثق النور هو اللي خلق الزمن ، يعني الزمن مكنش له قيمة أصلاً و مكنش معروف قبل النور ، النور ظهر ، ظهر الزمن ، ده البُعد الثاني ، البعد الثالث أو البعد الرابع ، يبقى المكان يبقى له؟ ثلاثة أبعاد : طول و عرض و ارتفاع ، صح؟ فالزمن هو البعد الرابع ، تمام؟ ، و كذلك دلوقتي إحنا بنقيس المجرات ، أطوالها و أبعاد النجوم عن بعضها البعض بالسنين الضوئية ، بالضوء ، بسرعة الضوء ، اللي هو الزمن ، سرعة الضوء بنقيس به الزمن في الكون ، هو الوحدة القياسية ، اللي بنقيس بها إيه؟ الزمن ، إذاً قبل الضوء مكنش في حاجة إسمها زمن أصلاً ، فاهتموا إزاي؟ ، يبقى ربنا خلق الزمن بخلق الضوء ، (و جعلنا الليل و النهار آيتين فمحونا آية الليل و جعلنا آية النهار مبصرة) محونا آية الليل يعني محونا استمرار الليل المستمر ، استمرار الليل محونا ، أدخلنا عليه الضوء ، (و جعلنا آية النهار مبصرة) فلما كان ضوء أصبح هناك ما يُسمى بالنهار ، تمام؟ ليكون هناك إبصار ، تمام؟ و بصيرة ، و الضوء هو تمثل مادي لحقيقة روحية ؛ النور الإلهي و الإبصار و البصيرة و الكشف و الوحي ، (لتبتغوا فضلاً من ربكم) فضل مادي و فضل روحاني ، (و لتعلموا عدد السنين و الحساب) بسبب الضوء عرفتموا عدد السنين و الحساب ، (و كل شيء فصلناه تفصيلاً) كل شيء خلقناه بتفصيل و بحكمة و بنظام .

{وَكُلَّ إِنْسَانٍ أَلْزَمْنَاهُ طَائِرَهُ فِي عُنُقِهِ وَنُخْرِجُ لَهُ يَوْمَ الْقِيَامَةِ كِتَابًا يَلْقَاهُ مَنشُورًا} :

(و كل إنسان ألزمناه طائره في عنقه) كل واحد هيكتب في الكتاب بتاعه الأعمال بتاعته ، كل واحد متعلق من عرقوبه ، (و نخرج له يوم القيامة كتاباً منشوراً) ظاهر ، هُيُحاسب عليه ، ده معنى (و كل إنسان ألزمناه طائره في عنقه) .

{اقْرَأْ كِتَابَكَ كَفَىٰ بِنَفْسِكَ الْيَوْمَ عَلَيْكَ حَسِيبًا} :

(اقرأ كتابك) اقرأ الكتاب بتاعك اللي إنت كتبتة ، (كفى بنفسك اليوم عليك حسيباً) إنت حاسب نفسك بنفسك بقى ، عندك أمانة و ضمير و إخلاص و خشية ، حاسب إنت نفسك و احكم على نفسك .

{مَنْ اهْتَدَىٰ فَإِنَّمَا يَهْتَدِي لِنَفْسِهِ وَمَنْ ضَلَّ فَإِنَّمَا يَضِلُّ عَلَيْهَا وَلَا تَزِرُ وَازِرَةٌ وِزْرَ أُخْرَىٰ وَمَا كُنَّا مُعَذِّبِينَ حَتَّىٰ نَبْعَثَ رَسُولًا} :

(من اهتدى فانما يهتدي لنفسه) إعمل لنفسك ، إعمل لآخرتك ، إعمل لإيه؟ لجننتك ، الجنة ، (و من ضل فانما يضل عليها) يضل على نفسه يعني يُثقل نفسه بالأنقال و بالذنوب و العياذ بالله ، (و لا تزر وازرة وزر أخرى) كل مكلف يُحاسب على أعماله ، تمام؟ ، (و ما كنا معذبين حتى نبعث رسولاً) دائماً كده ، بعث الرسول مُقيد بالعذاب و العياذ بالله ، إن لم تهتدي لإيه؟ القرى ، و إن لم ترتدع و تخشع و تتواضع و تستخر الله عز و جل و لذلك الرسول .

{وَإِذَا أَرَدْنَا أَنْ نُهْلِكَ قَرْيَةً أَمَرْنَا مُتْرَفِيهَا فَفَسَقُوا فِيهَا فَحَقَّ عَلَيْهَا الْقَوْلُ فَدَمَرْنَاهَا تَدْمِيرًا} :

طيب ، خلي بالك بقى ، هنا هنربط و هنفهم العلاقة ما بين (و لا تزر وازرة وزر أخرى) و ما بين إن الذنوب ممكن تجلب العذاب للقرى و العياذ بالله ، و يأتى عذاب لأناس لم يرتكبوا جريمة ، إنما ذلك كان بشؤم معاصي القوم أو معاصي بعض القوم ، ده يكون في الدنيا ، لكن في الآخرة كل واحد متعلق من عرقوبه (و لا تزر وازرة وزر أخرى) ، إزاي بقى؟؟ (و إذا أردنا أن نهلك قرية أمرنا مترفيها ففسقوا فيها فحق عليها القول فدمرناها تدميراً) ، القرى بتُعذب بشؤم معاصي قومها و بشؤم معاصي المترفين فيها أي الذين يبطرون و يكفرون بالنعيم و يألفون النعم و لا يشكرون النعم ، فأولئك هم المترفون ، الذين نسوا الله ، فيفسقون أي يخرجون عن الطاعة و يعصون الله عز و جل ، فيحق عليهم القول يعني كلمة العذاب ، (فحق عليها القول فدمرناها تدميراً) لأن الأمثلة كثيرة في التاريخ ، الأمثلة كثيرة في التاريخ ، و حديث منع القطر أي منع المطر عن قوم موسى بسبب ذنب خفي لشخص من أتباع موسى ، فربنا أوحى لموسى إنه في شخص يذنب ذنب خفي فيكم ، فبسببه بشؤم معصيته ، منعت القطر ، يبقى هنا كده إزاي بقى (و لا تزر وازرة وزر أخرى)؟؟ (و لا تزر وازرة وزر أخرى) ده يوم القيامة ، لكن ممكن الجماعة بشؤم ذنب واحد منها ، من فرد فيها ، ربنا يمنع عنها الخير أو المطر أو القطر أو الغيث ، فموسى قال لهم : ربنا أوحى لي إن في واحد فيكو عمل معصية

و ذنب خفي ، بسببه مُنِعَ القطر ، فالشخص ده عرف نفسه فتاب ، تاب توبة خفية قلبية بينه و بين ربه ، بينه و بين الله ، بعد كده ربنا قام منزل المطر ، فموسى سأل ربنا ، قال له : إنت نزلت المطر؟ ، قال (ربنا) : ما هو تاب ، قال له : طيب ممكن أعرف هو مين ، قال (ربنا) له : لا ، قال له : إزاي؟ قال (ربنا) : سترته و هو بيذنب ، هفضحه بعد ما تاب؟؟ ، شوفتوا بقى؟؟ ف ده مثال ببينلك/بيوضح لك إيه الفرق ما بين (و لا تزر وازرة وزر أخرى) من ناحية و من الناحية الثانية (و إذا أردنا أن نهلك قرية أمرنا مترفيها ففسقوا فيها فحق عليها القول فدمرناها تدميراً) ، يبقى إحنا فهمنا هنا إيه؟ الجناحين دول/هذين ، العلاقتين ، تمام؟؟ ، يبقى الواحد ما يستهينش/لا يستهين بالأمر بالمعروف و النهي عن المنكر ، لأنك لما بتأخذ على يد المذنب أو العاصي ، إنت كده بتحمي نفسك و بتحمي مجتمعتك ، عشان مايحلس/لا يحل العذاب على المجتمع ككل ، و إيه الأمة الإسلامية هي خير أمة؟ يأمرن بالمعروف و ينهون عن المنكر ، (كنتم خير أمة أخرجت للناس تأمرون بالمعروف و تنهون عن المنكر) دي خيرية الأمة ، إنتك تأمر بالمعروف و تنهى عن المنكر ، عشان إنت تنجو و العاصي ده ينجو برضو في الدنيا قبل الآخرة ، صح؟؟ ، لكن الأمم السابقة مكنتش عندهم إيه؟ إنكار للمنكر ، كانوا يشوفوا بعض كده ، يشوفوا مثلاً مذبذبين أو كده أو العصاة يسيبوهم/يتركونهم و إحنا مالنا/ما دخلنا بهم! ، لا ، لازم تأمر بالمعروف و تنهى عن المنكر ، تمام؟ .



{وَكَمْ أَهْلَكْنَا مِنَ الْقُرُونِ مِنْ بَعْدِ نُوحٍ وَكَفَىٰ بِرَبِّكَ بِذُنُوبِ عِبَادِهِ خَبِيرًا بَصِيرًا} :

(و كم أهلكنا من القرون من بعد نوح) ربنا عبر هنا عن الأمم و عن العذاب بالقرون ، لأن دائماً ربنا كده حاطط/واضع قاعدة : كل قرن لازم يكون في مبعوث ، قاعدة ، و القاعدة دي قالها سيدنا محمد ﷺ ، (و كم أهلكنا من القرون من بعد نوح) يعني أمم أذنبت و عصت الله عز و جل ، فأهلكت بذنوبها ، (و كفى بربك بذنوب عباده خبيراً بصيراً) ربما مطلع على الذنوب و خبير و عالم بمآلات تلك الذنوب و شؤمها و نحسها على الأمم ، (و كفى بربك بذنوب عباده خبيراً بصيراً) . حد عنده سؤال ثاني؟؟ .

و هناك دليل على استمرار البعث في المسلمين الى قيام الساعة اذ يقول تعالى في الاسراء (و ان من قرية الا نحن مهلكوها قبل يوم القيامة او معذبوها عذاباً شديداً كان ذلك في الكتاب مسطوراً) مسطوراً يعني شموعات فيصلة على الطريق معنونة يعني لازم هتحصل ، و اهلاك القرى مقرون ببعث النبيين في القرآن ، و هذا دليل استمرار البعث في امة الاسلام .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانه اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن
المسيح صلوات تلو صلوات طيبات مباركات ، و على أنبياء عهد محمد الآتين في مستقبل
قرون السنين أجمعين . آمين .  

درس القرآن و تفسير الوجه الثالث من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الوقف و السكت , ثم قام بقراءة الوجه الثالث من أوجه سورة الإسراء ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثالث من أوجه سورة الإسراء ، و نبدأ بأحكام التلاوة و أحمد :

الوقف :

ج (وقف جائز) , قلي (الوقف أفضل لكن الوصل جائز) , صلي (الوصل أفضل لكن الوقف جائز) ,

لا (ممنوع الوقف) , ما (وقف لازم) , وقف التعانق و هو لو وقفت عند العلامة الأولى فلا تقف عند العلامة الثانية و لو وقفت عند الثانية لا تقف عند الأولى) .

و السكت :

هو حرف السين ، و هو وقف لطيف دون أخذ النفس ، مثل : من راق ، بل ران .

و بعد أحمد قال الأحكام مروان ثم رفيده ثم أرسلان .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذا الوجه العظيم المبارك ، يتحدث سبحانه و تعالى في بدايته فيقول :

{مَنْ كَانَ يُرِيدُ الْعَاجِلَةَ عَجَّلْنَا لَهُ فِيهَا مَا نَشَاءُ لِمَنْ نُرِيدُ ثُمَّ جَعَلْنَا لَهُ جَهَنَّمَ يَصْلَاهَا مَذْمُومًا مَذْهُورًا}

{وَمَنْ أَرَادَ الْآخِرَةَ وَسَعَىٰ لَهَا سَعْيَهَا وَهُوَ مُؤْمِنٌ فَأُولَٰئِكَ كَانَ سَعْيُهُمْ مَشْكُورًا} :

ربنا سبحانه و تعالى بيخّير الناس ، بيديلهم/يُعطيهم الخيار ، أهو دليل إن الإنسان مُخَيَّر ، (من كان يريد العاجلة) اللي هي الدنيا يعني و متاع الدنيا ، و باع بها إيه؟ باع بها الآخرة ، (عجلنا له فيها ما نشاء لمن نريد) مش كل واحد عاوز الدنيا أدبها له/أعطيها له ، لا ، ربنا بيقول كده ، ههدي/سأعطي اللي أنا أريد إن أنا أدبه/أعطيته ، (ثم جعلنا له جَهَنَّمَ يَصْلَاهَا مَذْمُومًا مَّدْحُورًا) جهنم هتحيط به ، هتصله ، هتصلاه ، و هو في حالة من الذنب المذموم ، في حالة من الإندحار ، الإنهزام و الإنقهار . تمام .

(و من أراد الآخرة) اللي هو إيه؟ باع الدنيا و إشتري الآخرة ، يعني فَضَّلَ الآخرة يعني ، (و سعى لها سعيها) يعني اتبع الأنبياء و استقام و آمن و جدد إيمانه كل حين ، (و هو مؤمن) أهو ، (و سعى لها سعيها) يعني استقام على الطريقة أي طريق الأنبياء ، (و هو مؤمن) أي جدد إيمانه كل حين ، (فأولئك كان سعيهم مشكوراً) السعي ده ، ربنا إيه؟ بيشكره و سيجزيه الخير في الدنيا و الآخرة ، بس مش شرط إن الإنسان اللي هو عنده أموال كثيرة جداً في الدنيا ، يبقى ده ربنا راضي عنه ، مش شرط ، و كذلك مش شرط إن الإنسان الفقير أو المسكين يبقى ربنا مش راضي عنه ، لا ، مش قاعدة يعني ، تمام؟ ممكن يبقى الإنسان ربنا راضي عنه و عنده أموال كثيرة جداً ، و ممكن يبقى إنسان يكون ربنا ساخط عليه و فقير جداً ، فملهاش قاعدة ، دي حسب إرادة ربنا سبحانه و تعالى .

{كُلًّا نُمِدُّ هَؤُلَاءَ وَهَؤُلَاءَ مِنْ عَطَاءِ رَبِّكَ وَمَا كَانَ عَطَاءُ رَبِّكَ مَحْظُورًا} :

(كُلًّا نمد هؤلاء و هؤلاء من عطاء ربك) ربنا بيُعطي كل واحد حسب ما يرتأي سبحانه و تعالى ، تمام؟ ، (و ما كان عطاء ربك محظوراً) ربنا لا يحظر عطاءه ، إنما يُعطي حسب إرادته سبحانه و تعالى ، بالقدر الذي يريده سبحانه و تعالى ، لكنه لا يحظره بالكلية .

{انْظُرْ كَيْفَ فَضَّلْنَا بَعْضَهُمْ عَلَىٰ بَعْضٍ وَلِلْآخِرَةِ أَكْبَرُ دَرَجَاتٍ وَأَكْبَرُ تَفْضِيلًا} :

(انظر كيف فضلنا بعضهم على بعض) تفضيلات الدنيا بقى دي ، هي ليست بمقياس ، درجات الدنيا ليست بمقياس للإيمان أو لدرجات و معارج الروح ، (انظر كيف فضلنا بعضهم على بعض و للآخرة أكبر درجات و أكبر تفضيلاً) درجات الآخرة هي أفضل و أعظم و هي الحقيقة .

{لَا تَجْعَلْ مَعَ اللَّهِ إِلَهًا آخَرَ فَتَقْعُدَ مَذْمُومًا مَّخْذُولًا} :

(لا تجعل مع الله إلهاً آخر) دعوة للتوحيد و نبذ الشرك للنبي و لكل الأنبياء و لكل الأتباع ، (لا تجعل مع الله إلهاً آخر فتقعد مذمومًا مخذولاً) الإنسان المشرك مذموم مخذول ، تخذله الملائكة ، تتخلى عنه الملائكة ، و يأنف منه المؤمنون ، و يأنف منه المؤمنون ، تمام؟ ، فيُصاب بإيه؟ بالمذمة و الخذلان ، و العياذ بالله ، هذا هو حال المشرك .

{وَقَضَىٰ رَبُّكَ أَلَّا تَعْبُدُوا إِلَّا إِيَّاهُ وَبِالْوَالِدَيْنِ إِحْسَانًا إِمَّا يَبْلُغَنَّ عِندَكَ الْكِبَرَ أَحَدُهُمَا أَوْ كِلَاهُمَا فَلَا تَقُلْ لَهُمَا أُفٍّ وَلَا تَنْهَرْهُمَا وَقُلْ لَهُمَا قَوْلًا كَرِيمًا} :

و بعدين؟؟ ربنا بقى إيه ، يُعطي قواعد للتعامل مع الأقربين و الوالدين ، فتكلم في الأول لو كان الآباء كبار في السن و الإنسان إيه؟ كان جالس معهم و أصبح مسؤولية الأب و الأم الكبار في السن و المرضى دول/هؤلاء على الإنسان أو على الشخص ده ، يعمل إيه؟ و هم مخالفين لدينه؟ يعمل إيه؟؟ ، و كذلك إذا كان الأب و الأم مخالفين لدين الإنسان و لكن مش مرضى ، يستطيعوا إن هم يعولوا أنفسهم ، يعمل إيه برضو؟ في نهاية الوجه ، يقول تعالى : (و قضى ربك ألا تعبدوا إلا إياه و بالوالدين إحساناً) ربنا لما بيقرن الوالدين بالتوحيد او به سبحانه و تعالى علشان يُعطي إشارة خفية و غير مباشرة ؛ إن ربنا ده هو زي الأب و الأم بالنسبة للمؤمنين ، و بالنسبة للبشر ، و بالنسبة للمكلفين ، ربنا ده أحسن علينا من الأب و الأم ، خلي بالك ، (و قضى ربك ألا تعبدوا إلا إياه و بالوالدين إحساناً) و إشارة ثانية ؛ إن الإنسان يستشعر الغريزة الأبوية اللي فيه تجاه أبناءه ، كذلك الأم تستشعر غريزة الأمومة اللي جواها تجاه أبناءها ، تمام؟ ، و لما تستشعر أو هو يستشعر هذه الغريزة ، الأب و الأم ، يكون ده مجاز و مثال بسييط على حُب الله للبشر ، يعرف الإنسان أد إيه/قد إيه ربنا بيحب البشر ، بيحب عباده و خصوصاً المؤمنين ، شوف إنت بتحب إبنك أد إيه/قد إيه ، أو إنت بتحبى بنتك أو إبنك أد إيه؟ ، هتلاقي ربنا أعظم في حبه للمؤمنين من حُب الأب لابنه أو الأم لابنها أو لابنتها ، خلي بالك ، (و قضى ربك ألا تعبدوا إلا إياه و بالوالدين إحساناً) لأن ربنا دائماً بيأمرنا إن إحنا نتخلق بأخلاقه ، نتخلق بأخلاقه ، و أول المأمورين : الأنبياء ، ثم المؤمنين ، صح؟ ، (إمّا يبلغن عندك الكبر أحدهما أو كلاهما فلا تقل لهما أف و لا تنهرهما و قل لهما قولاً كريماً) يعني سايرهم في غير معصية الله ، إذا كانوا على غير إيمانك ؛ سايرهم على غير معصية الله ، إن لم يكونوا محاربين لك ، (فلا تقل لهما أف) حتى الأف ماتقولهاش ، فما بالك بقى بالأب و الأم المؤمنين ، تعمل إيه؟ خلي بالك ، (و لا تنهرهما) ماتكلمش معهم بضيق ، (و قل لهما قولاً كريماً) قول مش فظ ، قول كريم ، قول فيه فضل ، قول مصبوغ بالمحبة و الحنان و الرحمة ، تمام؟ .

{وَ اخْفِضْ لَهُمَا جَنَاحَ الذُّلِّ مِنَ الرَّحْمَةِ وَقُلْ رَبِّ ارْحَمْهُمَا كَمَا رَبَّيَانِي صَغِيرًا} :

(و اخفض لهما جناح الذل من الرحمة) كأن الإنسان عنده جناح ، كأن هو ملاك مثلاً يعني أو طائر ، تمام؟ ، طائر روحاني يعني عنده جناح ، بيخفض الجناح بذل بسبب شعور الرحمة اللي جواه ، أو الذي يجب أن يستشعره داخله في قلبه ، (و قل رب ارحمهما كما ربياني صغيراً) تربية الطفل و هو صغير كده ، إحساس الأب و الأم ده ، إحساس عظيم تجاهه ، ده مايجيش قطرة في بحر من إحساس ربنا تجاه المؤمنين ، خلي بالك ، دعاءك لهما بالرحمة ، تستشعر و أنت تدعو (كما ربياني صغيراً) لمجرد إنهم ربياني صغيراً و اهتمام بي و أرادا أن يُفنيا حياتهما لينقذا إبنهما أو بنتهما ، هكذا الأب و الأم .

{رَبُّكُمْ أَعْلَمُ بِمَا فِي نُفُوسِكُمْ إِن تَكُونُوا صَالِحِينَ فَإِنَّهُ كَانَ لِلأَوَّابِينَ غَفُورًا} :

(ربكم أعلم بما في نفوسكم) يعني يجب عليكم أن تخلصوا و أن تحسنوا ، الإحسان أن تعبد الله كأنك تراه ، فإن لم تكن تراه فإنه يراك ، و لذلك قال (و قضى ربك ألا تعبدوا إلا إياه و بالوالدين إحساناً) أي أن تراقب الله في تصرفاتك مع والديك ، (ربكم أعلم بما في نفوسكم) يبقى ربنا هنا إيه؟ بينصح و بيحفظ و بيهدد برضو ، (إن تكونوا صالحين فإنه كان للأوابين غفوراً) الأواب هو كثير التوبة ، الأواب هو كثير التوبة ، كلما أذنب تاب و أناب ، إن الله يحب التوابين و يحب المتطهرين ، (ربكم أعلم بما في نفوسكم إن تكونوا صالحين فإنه كان للأوابين غفوراً) يغفر دائماً للأوابين .

{وَاتِ ذَا الْقُرْبَىٰ حَقَّهُ وَالْمِسْكِينَ وَابْنَ السَّبِيلِ وَلَا تُبَذِّرْ تَبْذِيرًا} :

(و ات ذا القربى حقه و المسكين و ابن السبيل و لا تبذر تبذيراً) حقوق ، (و ات ذا القربى حقه) أول الأقربين هم المؤمنين ، كما قلنا ، أقرب الأقربين ؛ المؤمنين ، تمام؟ ، ثم إيه؟ الأمثل فالأمثل من أقارب الدم ، (و المسكين) اللي هو الفقير ، (و ابن السبيل) اللي هو الغريب المعدي في الطريق أو مسافر ، (و لا تبذر تبذيراً) ربنا نهى عن إيه؟ البطر و التبذير و الإسراف .

{إِنَّ الْمُبَذِّرِينَ كَانُوا إِخْوَانَ الشَّيَاطِينِ وَكَانَ الشَّيْطَانُ لِرَبِّهِ كَفُورًا} :



(إن المبذرين كانوا إخوان الشياطين) يعني فيهم من صفات الشياطين ، الشيطان دائماً صفته إيه؟ فوضوي مُبَذِّر و لا يشكر نعمة الله و هو بَطِر ، تمام؟ ، (و كان الشيطان لربه كفوراً) الشيطان مايشكرش نعمة ربنا ، فالإنسان مايقاش زي الشيطان ، لا يشكر نعمة الله و العياذ بالله .

{وَأِمَّا تُعْرِضَنَّ عَنْهُمْ ابْتِغَاءَ رَحْمَةٍ مِّن رَّبِّكَ تَرْجُوهَا فَقُلْ لَّهُمْ قَوْلًا مَّيْسُورًا} :

خلي بالك بقى ، (و إما تعرضن عنهم ابتغاء رحمة من ربك) يعني الوالدين إذا كانا كافرين أو يحاربان في دينك ، (و إما تعرضن عنهم ابتغاء رحمة من ربك) تمام؟ (ترجوها فقل لهم قولاً ميسوراً) يعني أعرض عنهم ، تمام؟ (و قل لهما قولاً ميسوراً) يعني بلغ إيمانك و بلغ العقيدة بتاعتك و اتركهم ، تمام؟ . حد عنده سؤال تاني؟؟؟ .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن
المسيح صلوات تلو صلوات طيبات مباركات ، و على أنبياء عهد محمد الآتين في مستقبل
قرون السنين أجمعين . آمين .  

درس القرآن و تفسير الوجه الرابع من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛
أحكام النون الساكنة و التنوين , ثم قام بقراءة الوجه الرابع من أوجه سورة الإسراء ، و أجاب
على أسئلتنا بهذا الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء
عهده و بعد ، لدينا اليوم الوجه الرابع من أوجه سورة الإسراء ، و نبدأ بأحكام التلاوة و
أرسلان :

من أحكام النون الساكنة و التنوين :

الإظهار : أي أنه إذا أتى بعد النون الساكنة أو التنوين الحروف من أوائل الكلمات (إن غاب
عني حبيبي همّني خبره) , و حروف الإظهار تجعل النون الساكنة أو التنوين تُظهر كما هي .

الإقلاب : إذا أتى بعد النون الساكنة أو التنوين حرف الباء يُقلب التنوين أو النون ميماً . ثم
يكون إخفاءً شفويًا . مثال : من بعد .

و ثم تابع نبي الله يوسف الثاني ﷺ الجلسة بشرح الوجه لنا فقال :

طيب ، هذا الوجه العظيم يُبين الله سبحانه و تعالى فيه بعض من أوامره التي تجلب الحكمة ،
الإمتثال إلى تلك الأوامر تجلب الحكمة .

قال تعالى : {وَلَا تَجْعَلْ يَدَكَ مَغْلُولَةً إِلَىٰ عُنُقِكَ وَلَا تَبْسُطْهَا كُلَّ الْبَسْطِ فَتَقْعُدَ مَلُومًا مَّحْسُورًا} :

(و لا تجعل يدك مغلولة إلى عنقك و لا تبسطها كل البسط فتقعد ملوماً محسوراً) هنا تعبير
مجازي عن الإنفاق و الإيه؟ و التقدير ، (و لا تجعل يدك مغلولة إلى عنقك) يعني ماتكونش/لا
تكون شحيح ، ماتكونش بخيل ، تمام ، كأن اليد مغلولة ، إيه؟ مقيدة إلى العنق ، فمحدث يقدر
إيه؟ ينفق و هو إيد كده ، و ده إيه؟ تصوير مجازي يعني ، (و لا تبسطها كل البسط) تفتحها
خالص كده ، و تنفق كل اللي معك ، كل اللي عندك و بعد كده مايبقاش معك حاجة تنفق بها
على أهلك ، (فتقعد ملوماً محسوراً) ملوماً من مين؟ من إيه؟ من كل من حولك ، تمام؟ ،

محسوراً أي متحسراً ، تمام؟ ، على إيه؟ على التبذير ، كذلك متحسراً على إيه؟ على الثواب الذي فاتته من عدم الإنفاق ، كذلك ملوماً على إيه؟ على عدم الإنفاق ، إذا اللوم يكون من عدم الإنفاق و كذلك من إيه؟ من الإسراف و ثم إيه؟ ثم إنقضاء المال نتيجة إيه؟ نتيجة السفه و التبذير ، إذا الملامة و الحسرة تأتي مع التعبيرين المجازيين الذين عبر عنهما الله سبحانه و تعالى في هذه الآية .

{إِنَّ رَبَّكَ يَبْسُطُ الرِّزْقَ لِمَنْ يَشَاءُ وَيَقْدِرُ إِنَّهُ كَانَ بِعِبَادِهِ خَبِيرًا بَصِيرًا} :

(إن ربك يبسط الرزق لمن يشاء و يقدر) تأكيد من الله عز و جل أنه هو الوحيد القادر ، و هو الوحيد المريد لبسط أو قدر الرزق لعباده ، و البسط أي إيه؟ الفتح بالكثير من الرزق ، و القدر (يقدر) هو إيه؟ قبض الرزق عن بعض الأناس و تقليله ، و عدم بسطه لهم ، لأن الله سبحانه و تعالى على حكمة و على علم و على دراية بخبايا النفوس و بخبايا الطبائع ، فيعلم من يُعطيه أكثر و لماذا يُعطيه ، و يعلم من يُعطيه أقل و لماذا يُعطيه أقل ، تمام؟ ، إيه؟؟ (إنه كان بعباده خبيراً بصيراً) ربنا (خبير) ؛ عنده الخبرة ، (بصير) يُبصر و يعلم ، عنده بصيرة ، عنده بصر و بصيرة ، بصر و بصيرة .

{وَلَا تَقْتُلُوا أَوْلَادَكُمْ خَشْيَةَ إِمْلَاقٍ نَحْنُ نَرْزُقُهُمْ وَإِيَّاكُمْ إِنَّ قَتْلَهُمْ كَانَ خِطْئًا كَبِيرًا} :

(و لا تقتلوا أولادكم خشية إملاق نحن نرزقهم و إياكم) زمان كان من شدة الفقر ، كان ممكن الإنسان إيه؟ ممكن يتخلى عن أبناءه أو إيه؟ لو جاتله بنت يئدها و العياذ بالله ، يعني يدفنها حية ، و ده كانت من طبائع إيه؟ الأقوام الوثنية ، (و لا تقتلوا أولادكم خشية إملاق) و الإملاق هو الفقر يعني ، (نحن نرزقهم و إياكم) ربنا سبحانه و تعالى هو المسؤول عن الرزق ، هو كفيل بالرزق سواء أكان ذلك الرزق مبسوطاً أم مقدوراً ، لكن الله سبحانه و تعالى هو الذي يرزق بحساب و بعلم و بسابق خبرة و بصيرة ، تمام؟ ، (خشية إملاق) هنا الإم/الميم : اللذة و إيه؟ الألم ، و الهمزة : أعماق ؛ أعماق اللذة و الألم و ملاقاتها يُخشى منها ، إزاي؟؟ الألم معروف الفقر مثلاً و آلام الفقر ، فإيه؟ ممكن الأب إيه؟ يخشى من الفقر فيتخلى عن أبناءه و العياذ بالله ، سواء بواد البنات قديماً أو إيه؟ بتخليه عن أبناءه ، تمام؟ ، كذلك إملاق : إم : لذة التي يلاقيها إيه؟ شخص آخر ، تمام؟ ، من خلال إيه؟ أبناء هذا الرجل أو بنات هذا الرجل ، هذا الرجل يخشى من هذا الأمر ، يعني يخشى من العار ، يخشى من العار على بناته فيئدهن(وَأد) ، يئديهن في إيه؟ أول حياتهن ، و هذا من طبائع الأقوام الوثنية ، إذا ملاقة اللذة و الألم يُخشى منها فتؤدي إلى إيه؟ قتل الأولاد ، و هذا أمر نهى عنه الله سبحانه و تعالى ، عشان تعرفوا ترايب القرآن و ألفاظه إيه؟ دقيقة جداً ، (نحن نرزقهم و إياكم إن قتلهم كان خطئاً كبيراً) قتل الأبناء خطء ، فعل قبيح و أثيم و كبيرة و جريمة عظيمة جداً ، (إن قتلهم كان خطئاً كبيراً) و خطء أي أنه إيه؟ خطء جالس يعني مقيم ، نحس مقيم و العياذ بالله ، هذه الجريمة العظيمة تفعل نحساً و شؤماً عظيماً مقيم و تجلب لعنة كبيرة و العياذ بالله ، لذلك ربنا عبر عنها بلفظ خطء ، و في رواية خطأ كبيراً ، لكن خطء يعني إيه؟ من شدة الخطأ ، تعبير عن شدة الخطأ ، أنه إيه؟ خطء أي جالس ، تمام؟ مقيم و العياذ بالله ، تمام؟ .

{وَلَا تَقْرُبُوا الزَّوْجَىٰ إِنَّهُ كَانَ فَاحِشَةً وَسَاءَ سَبِيلًا} :

(و لا تقربوا الزنى) أي لا تقربوا دواعي الفاحشة و الزنا ، بإيه؟ بغض البصر ، تمام؟ بالصيام ، بالتقرب إلى الله عز و جل و ذكره ، بأمر كثيرة ، (و لا تقربوا الزنى) أي لا تجعلوا بواعث العلاقات المحرمة تحدث ، تمام؟ ، (إنه كان فاحشة و ساء سبيلاً) و الزنا هو الشرك ، يعني الزنا في عالم الروح هو الشرك ، شبه الشرك في عالم الروح بالزنا ، و شُبِّهت القرية الآثمة التي تكفر بالأنبياء بأنها إيه؟ البلدة الزانية أي المُشركة ، لشدة فحش إيه؟ و جُرم ما فعلوا ، (إنه كان فاحشة و ساء سبيلاً) أي طريق سيء ، و ساء ، ساء إيه؟ بآثام و بنحس تلك المعصية الأثيمة .

{وَلَا تَقْتُلُوا النَّفْسَ الَّتِي حَرَّمَ اللَّهُ إِلَّا بِالْحَقِّ وَمَنْ قُتِلَ مَظْلُومًا فَقَدْ جَعَلْنَا لَوْلِيهِ سُلْطَانًا فَلَا يَسْرِفُ فِي الْقَتْلِ إِنَّهُ كَانَ مَنْصُورًا} :

(و لا تقتلوا النفس التي حرم الله إلا بالحق) نهى عام عن القتل إلا بالحق ، يعني إلا إيه؟ قتل قاتل الشخص ، (و من قتل مظلوماً فقد جعلنا لوليه سلطاناً) يعني سلطات معنوي ، (فلا يسرف في القتل إنه كان منصوراً) أي نصر معنوي ، عنده القوة ، معه الحق ، فهو قوي لأن الحق معه ، فلذلك كان منصوراً أي منصوراً نصراً معنوياً ، (فلا يسرف في القتل) أي لا يُمثل بجثة المقتول أو لا يقتل أحداً آخر غير القاتل ، طيب و القتل هنا إيه؟ بيد السلطان أو بيد الوالي ، تمام؟ و ليس لأي أحد ، كي لا تكون إيه؟ هرج و مرج ، و كي لا تكون فوضى ، تمام؟ .

{وَلَا تَقْرَبُوا مَالَ الْيَتِيمِ إِلَّا بِالَّتِي هِيَ أَحْسَنُ حَتَّىٰ يَبْلُغَ أَشُدَّهُ وَأَوْفُوا بِالْعَهْدِ إِنَّ الْعَهْدَ كَانَ مَسْئُولًا} :

(و لا تقربوا مال اليتيم إلا بالتي هي أحسن حتى يبلغ أشده) النهي عن سرقة أموال اليتامى لأنهم ضعفاء ، إلى أن إيه؟ يبلغوا الأشد ، أشدهم أي سن البلوغ ، فيسلم لهم الأموال ، (و أوفوا بالعهد إن العهد كان مسؤولاً) الإنسان يجب أن يكون وفيّ بعهدته مع الناس و مع الله ، ملتزم و متصل بالوفاء ، لماذا؟ لأن العهد سيتمثل يوم القيامة كشخص و يُسأل ، و يُسأل عن كل شخص ، هل هذا الشخص أوفى بعهدك أو أوفى بالعهد أو أوفى بك؟؟ ، تمام ، فيُسأل ، ثم يُجيب العهد ، (إن العهد كان مسؤولاً) .

{وَأَوْفُوا الْكَيْلَ إِذَا كُنْتُمْ وَزَنُوا بِالْقِسْطَاسِ الْمُسْتَقِيمِ ذَلِكَ خَيْرٌ وَأَحْسَنُ تَأْوِيلًا} :

(و أوفوا الكيل إذا كلتم و زنوا بالقسطاس المستقيم) نوع آخر من النهي ، عن نوع آخر من السرقات ، اللي هو السرقة في إيه؟ في التجارة و في البضائع و في الميزان و في المكييل ، و دي كانت فتنه قوم شُعيب ، (و أوفوا الكيل إذا كلتم و زنوا بالقسطاس المستقيم) يعني يكون عندكم ميزان العدل ، ميزان الإستقامة ، (ذلك خير و أحسن تأويلاً) لما تبقى صادق و أمين ،

هذا الأمر يجعلك إلى إيه؟ إلى المال الحسن ، و هذا الأمر يجعلك تدخر الحُسن إلى مالك في الآخرة ، لذلك قال تعالى (ذلك خير و أحسن تأويلاً) أي مرجعاً يوم القيامة ، أي مال هذا الأمر ، أي تلك الطاعة ، إن إنت تلتزم بالأمانة في الموازين ، مآلها حسناً و خير ، (ذلك خير و أحسن تأويلاً) أي مآلاً يوم القيامة .

{وَلَا تَقْفُ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا} :

(و لا تقف ما ليس لك به علم) يعني لا تتقفى ، لا تتبّع أي شيء أو أي لغو ، (إن السمع و البصر و الفؤاد كل أولئك كان عنه مسؤولاً) يعني لا تُضع حياتك في إيه؟ اللغو و الكلام الفاضي ، و اللت و العجن ، و الغيبة و النميمة ، تمام؟ ، لأن الأمور دي كلها بتضيع روحانيات الإنسان ، بتشتت طاقة الإنسان ، فلذلك أمرنا الله سبحانه و تعالى ألا نتقفى اللغو و القيل و القال ، (و لا تقف ما ليس لك به علم إن السمع و البصر و الفؤاد كل أولئك كان عنه مسؤولاً) سئسأل عن سمعك و عن بصرك و عن فؤادك ، و عن كيانك و عن وجدانك ، و عن عقلك و عن كافة حواسك ؛ كيف صرفتها؟ و كيف إيه؟ إستعملتها .

{وَلَا تَمْشِ فِي الْأَرْضِ مَرَحًا إِنَّكَ لَن تَخْرِقَ الْأَرْضَ وَلَن تَبْلُغَ الْجِبَالَ طُولًا} :

(و لا تمش في الأرض مرحاً) يعني ماتفرحش زيادة عن اللزوم ، و لا تحزن زيادة عن اللزوم ، خليك عندك إتزان عاطفي ، ليه بقى؟ (إنك لن تخرق الأرض و لن تبلغ الجبال طولاً) إمكانيات الإنسان العادية من غير أي معدات أو من غير أي آلات ، الإنسان بطوله كده ، مايقدرش يخرق الأرض و لا يبقى هو طول الجبال كده ، يعني ربنا بيذكر الإنسان إنه ضعيف ، إن الإنسان ده ضعيف ، فمايفرحش أوي و مايزعلش أوي ، يكون عنده إتزان عاطفي ، كده ، يتمنى الخير ، يتمنى إيه؟ الأشياء التي يظن أنها خير ، إن حدثت كان بها ، و إن لم تحدث فلا يحزن .

{كُلُّ ذَلِكَ كَانَ سَيِّئُهُ عِنْدَ رَبِّكَ مَكْرُوهًا} :



(كل ذلك كان سيئه عند ربك مكروهاً) كل الأمور اللي فاتت دي ، لو الأخطاء دي الإنسان وقع فيها ، تكون أمور سيئة جداً ، مكروهة جداً عند ربنا ، ربنا بيكره الآثام دي ، (كل ذلك كان سيئه عند ربك مكروهاً) ربنا بيكره تلك الآثام ، لأنه يكره للإنسان الشر ، و يُحب للإنسان الخير ، فلذلك يأمرنا الله و ينهانا ، و يجب علينا أن نمثّل .

{ذَلِكَ مِمَّا أَوْحَى إِلَيْكَ رَبُّكَ مِنَ الْحِكْمَةِ وَلَا تَجْعَلْ مَعَ اللَّهِ إِلَهًا آخَرَ فَتُنْقَلَى فِي جَهَنَّمَ مَلُومًا مَّدْحُورًا} :

(ذلك مما أوحى إليك ربك من الحكمة) الإمتثال بأوامر الله هي عين الحكمة ، (و لا تجعل مع الله إلهاً آخر) أمر من الله سبحانه و تعالى بنبذ الشرك ، (فتلقى في جهنم ملوماً مدحوراً) تحذير أن عاقبة الشرك هو أن يُلقى الإنسان و العياذ بالله في جهنم ، أي في نار جهنم ، ملوماً عليه اللوم ، مدحوراً أي مطروداً و العياذ بالله .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الخامس من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛
أحكام النون الساكنة و التنوين , ثم قام بقراءة الوجه الخامس من أوجه سورة الإسراء ، و
أجاب على أسئلتنا بهذا الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء
عهده و بعد ، لدينا اليوم الوجه الخامس من أوجه سورة الإسراء ، و نبدأ بأحكام التلاوة و
رفيدة :

من أحكام النون الساكنة و التنوين :

الإدغام و حروفه مجموعة في كلمة (يرملون) أي أنه إذا أتى بعد النون الساكنة أو التنوين
حرف من حروفها , و هو نوعان : إدغام بغنة و حروفه مجموعة في كلمة (ينمو) . و إدغام
بغير غنة و حروفه (ل ، ر) .

و الإخفاء الحقيقي حروفه في أوائل الكلمات من الجملة الآتية (صف ذا ثنا كم جاد شخص قد
سما دُم طيباً زد في تقي ضع ظالماً) .

و ثم تابع نبي الله يوسف الثاني ﷺ الجلسة بشرح الوجه لنا فقال :

هنا سبحانه و تعالى بدأ هذا الوجه المبارك بتساؤل من الكافرين .

{أَفَأَصْفَاكُمْ رَبُّكُم بِالْبَنِينَ وَاتَّخَذَ مِنَ الْمَلَائِكَةِ إِنَاثًا إِنَّكُمْ لَتَقُولُونَ قَوْلًا عَظِيمًا} :

(أفأصفاكم ربكم بالبنين و اتخذ من الملائكة إناثاً) يعني ربنا تسائل بحجة أو بتهمة من الكافرين
يتهمون بها الله و هي تهمة ظنية عندهم ، لأن الكافرين عنصريين ، يحبون إيه؟ الذكور و
يكرهون الإناث ، فينسبون إلى الله أنه إيه؟ صاحب البنات أو أبو البنات ، كأنهم يريدون أن
إيه؟ يهينوا الله عز و جل ، و حاشا لله أن يهينه كافر و مشرك ، فله الأسماء الحسنى ، و هو
سبحانه و تعالى مُنَزَّه ، (أفأصفاكم ربكم بالبنين) يعني إنتو تاخذوا الولاد ، و مخلصين/تاركين لي
الإناث؟! كما تدعون يعني ، ده مش معناها إن ربنا ما بيحبش الإناث أو بيحب الذكور أكثر من

الإنات ، لا ، مش صحيح ، لكن ربنا هنا يُلْزِمُهُم بِإِثْمِهِمُ الْبَاطِلَ لَهُ سُبْحَانَهُ ، (أفأصفاكم ربكم بالبنين و اتخذ من الملائكة إناثاً إنكم لتقولون قولاً عظيماً) هم كانوا يقولوا دول/هؤلاء الملائكة بنات الله من الجن ، كأن ربنا تزوج من الجن فجاب/أنجب الملائكة دول بنات ، طبعاً دي إتهامات فاجرة كاذبة يعني ، (إنكم لتقولون قولاً عظيماً) يعني رجم بالغيب و كذب و إفتراء على الله عز و جل ، طبعاً هنا الآية دي ربنا بيبكت الكافرين ، بيبكتهم ، تمام؟ لعلهم إيه؟ يرجعون إلى طريق المرسلين . طيب .

{وَلَقَدْ صَرَّفْنَا فِي هَذَا الْقُرْآنِ لِيَذَّكَّرُوا وَمَا يَزِيدُهُمْ إِلَّا نُفُورًا} :

(و لقد صرفنا في هذا القرآن ليذكروا و ما يزيدهم إلا نفوراً) ربنا سبحانه و تعالى ذكر من كل الأمثال و من كل الأحكام و من كل الحكم في هذا القرآن ، و أنزله مُنْجِماً أي على مُكْث ، بالراحة ، شوية بشوية ، تمام؟ ، و جعل إيه؟ يصرف إيه؟ جبريل إلى النبي و ثم ينصرف جبريل إلى الله ، هكذا يتلوه أو يُتْلِيهِ الْقُرْآنُ أو يرسل عليه القرآن ، مش جبريل يبيع القرآن بس من عند الله ، لا ، أيضاً الرؤى و المكالمات و المكاشفات ، و لكن ده كان وحي مخصوص للنبي ، القرآن ده كان وحي مخصوص للنبي ﷺ ، يعني جبريل شغال لغاية دلوقتي ، مش قاعد في الجنة يشرب شاي!! لا ، شغال ، هو إيه؟ ملاك الوحي ، عادي يعني ، و في ملايكة تانيين ، ممكن ربنا يخليهم يساعدوا جبريل برضو ، من آن لآخر ، تمام؟ ، و ممكن ربنا بنفسه هو اللي يتكلم في المكالمات ، خلي بالك ، ماشي؟ ، يبقى إيه؟ الأمر إيه؟ عظيم جداً و فوق الإستيعاب و فوق التخيل ، فإحنا بنحاول نفهم بس طبيعة الوحي ، (و لقد صرفنا في هذا القرآن ليذكروا) ليتذكروا يعني السبيل الأول ، طريق الفطرة ، (و ما يزيدهم إلا نفوراً) القرآن بيزيدهم نفور ، إيه؟ لأن هم نفوس خبيثة و العياذ بالله ، فتأنف من الصلاح و تأنف من الخير و الحق .

{قُلْ لَوْ كَانَ مَعَهُ آلِهَةٌ كَمَا يَقُولُونَ إِذَا لَابْتَغَوْا إِلَى ذِي الْعَرْشِ سَبِيلًا} :

(قل لو كان معه آلهة كما يقولون إذا لابتغوا إلى ذي العرش سبيلاً) يعني لو هو فعلاً في آلهة مع الله عز و جل كما يدعي الكافرون و المشركون ، ماكنش هيكون لهم سبيل إلا إنهم يسجدوا لرب العرش ، الله سبحانه و تعالى ، يعني يروحوا يتزلفوا و إيه؟ و يسجدوا لله عز و جل ، (قل لو كان معه آلهة كما يقولون إذا لابتغوا إلى ذي العرش سبيلاً) تمام؟ .

{سُبْحَانَهُ وَتَعَالَى عَمَّا يَقُولُونَ عُلُوًّا كَبِيرًا} :

(سبحانه و تعالى عما يقولون علواً كبيراً) ربنا بينزه نفسه عن هذا الشرك .

{تُسَبِّحُ لَهُ السَّمَاوَاتُ السَّبْعُ وَالْأَرْضُ وَمَنْ فِيهِنَّ وَإِنْ مِنْ شَيْءٍ إِلَّا يُسَبِّحُ بِحَمْدِهِ وَلَكِنْ لَا تَفْقَهُونَ تَسْبِيحَهُمْ إِنَّهُ كَانَ حَلِيمًا غَفُورًا} :

(تسبح له السماوات السبع و الأرض و من فيهن) كل شيء في الوجود يُسبح بحمد الله عز و جل و يُسبح بإسم الله عز و جل ، كل ما في السماوات و حتى السماوات ، و كل ما في الأرض و الأرض و من فيهن يُسبح الله عز و جل و يُنزهه ، (و إن من شيء إلا يسبح بحمده و لكن لا تفقهون تسبيحهم) كل شيء يُسبح بحمد الله عز و جل ، حتى الجماد يُسبح بحمد الله عز و جل ، و لكن لا تفقهون تسبيحهم ، (إنه كان حليماً غفوراً) من صفات الله عز و جل : الحليم ، يحلم عليكم حتى تعودوا إليه ، و يغفر لكم ذنوبكم ، فهو حليم غفور .

{وَإِذَا قَرَأْتَ الْقُرْآنَ جَعَلْنَا بَيْنَكَ وَبَيْنَ الَّذِينَ لَا يُؤْمِنُونَ بِالْآخِرَةِ حِجَابًا مَّسْتُورًا} :

(و إذا قرأت القرآن جعلنا بينك و بين الذين لا يؤمنون بالآخرة حجاباً مستوراً) الآية دي لها معنيين ، كلمة حجاب مستور لها معنيين ؛ يعني الذي لا يؤمن بالبعث و لا يتفكر في الغيب ، لن يفهم قراءة النبي ﷺ للقرآن ، لماذا؟ لأن القرآن ده لا يمسه إلا المطهرون ، يعني لا يمسه معانيه و يفهمها إلا أصحاب القلوب الطاهرة ، (و إذا قرأت القرآن جعلنا بينك و بين الذين لا يؤمنون بالآخرة حجاباً مستوراً) ده المعنى الأول ، المعنى الثاني ؛ حصلت مرتين : مرة كان النبي ﷺ عند الكعبة يتلو القرآن ، فهم أبو جهل إن هو يبطش بالنبي ، فما استطاع ، وجد إيه؟ أبو جهل ، عليه اللعائن ، كأن جمل كبير جداً كده من النار ، كان إيه؟ كان هيتخطف أبو جهل لو قرب/إقترب من النبي ﷺ ، ده حجاب مستور ، حجاب مش شايفينه ، حجاب مستور ، حجاب خفي يعني ، اللي هو الحرب الروحية ، خلاص؟ ، الكشف ده ، ربنا جعله دفاعاً عن النبي ﷺ ، فخاف أبو جهل و تراجع ، الرواية الثانية لما مرات/زوجة أبو لهب ، اللي هي حمالة الحطب ، سمعت سورة إيه؟ تبت يدا أبي لهب و تب ، فراحت تدور/تبحث عن النبي ، عشان إيه؟ تشتمه أو تؤذيه يعني ، فالنبي كان قاعد و ماشفتهوش ، إختفى ، يعني ربنا جعل كشف على عينيها ، ماتشوفش النبي ، ف ده برضو إيه أو أيضاً حجاب مستور ، ماشي؟ طيب .

{وَجَعَلْنَا عَلَى قُلُوبِهِمْ أَكِنَّةً أَنْ يَفْقَهُوهُ وَفِي آذَانِهِمْ وَقْرًا وَإِذَا ذُكِّرْتُ بِرَبِّكَ فِي الْقُرْآنِ وَحْدَهُ وَلَّوْا عَلَى أَدْبَارِهِمْ نُفُورًا} :

(و جعلنا على قلوبهم أكنة) أي أغطية و حُجب لا يفهموه ، لأنهم مشركين ، (و جعلنا على قلوبهم أكنة أن يفقهوه و في آذانهم وقراً) طبعاً عرفنا الوقر قبل كده ، تمام؟ ، أي في آذانهم وقاية من رؤية الحق أو من سماع الحق ، هذا هو الوقر ، و تلك هي الأكنة أي الحُجب المانعة من وصولهم للسبيل ، أي السبيل الروحي ، (و إذا ذكرت ربك في القرآن وحده) يعني إيه؟ وَحَدَّثَ اللهُ و نبذت الشرك ، ده معنى (و إذا ذكرت ربك في القرآن وحده) ، (ولوا على أدبارهم نفوراً) يعني نفروا من التوحيد ، لأنهم يحبون إيه؟ الشرك و طريق إبليس و العياذ بالله .

{ثُمَّ أَعْلَمُ بِمَا يَسْتَمِعُونَ بِهِ إِذْ يَسْتَمِعُونَ إِلَيْكَ وَإِذْ هُمْ نَجْوَى إِذْ يَقُولُ الظَّالِمُونَ إِن تَتَّبِعُونَ إِلَّا رَجُلًا مَّسْحُورًا} :

(نحن أعلم بما يستمعون به إذ يستمعون إليك) يعني إحنا عارفين ، ربنا يعرف إيه هم أو إيه هي الطريقة اللي يستمعوا بها للقرآن ، وإيه وجهة نظرهم لما يستمعوا للقرآن ، إيه اللي بينقده في صدورهم لما يستمعوا إليك ، ربنا بيقول للنبي بقى إيه؟ (و إذ هم نجوى) و هم ما بينهم و بين بعض بيقولوا أسرار و كلام سر ما بينهم و بين بعض ، مليء بالغيبة و النميمة ، تمام؟ ، هي دي النجوى ، (إذ يقول الظالمون إن تتبعون إلا رجلاً مسحوراً) الظالمين اللي هم المشركين ، (إن تتبعون إلا رجلاً مسحوراً) دائماً كده ، أقوام الأنبياء يظلمون النبي ، تمام؟ ، فأطلقوا عليه رجل إيه؟ مسحور ، إن ده مسحور ، و قبل كده قالوا عليه شاعر ، و قبل كده كاهن ، و قبل كده قالوا لا ، ده ساحر .

{انْظُرْ كَيْفَ ضَرَبُوا لَكَ الْأَمْثَالَ فَضَلُّوا فَلَا يَسْتَطِيعُونَ سَبِيلًا} :

(انظر كيف ضربوا لك الأمثال) ربنا بيقوله ، انظر ، شوف كانوا بيقولوا عليك إيه؟؟ مرة شاعر ، مرة كاهن ، مرة ساحر ، مرة مسحور ، (فضلوا) فضلوا ، المشركين ضلوا لما اتهموا النبي و أساءوا الظن فيه و لم يستخبروا الله فيه ، (فلا يستطيعون سبيلاً) مش هيقدرنا يوصلوا للسبيل الروحاني ، (فلا يستطيعون سبيلاً) سبيلاً إيه؟ إلى ذي العرش ، (لابتغوا إلى ذي العرش سبيلاً) مش إحنا قلنا كده؟ (لابتغوا إلى ذي العرش سبيلاً) ، إذا السبيل هو إيه؟ طريق الروح الموصل إلى الوصال بالله عز و جل ، (فلا يستطيعون سبيلاً) يعني مش هيقدرنا يخوضوا هذا السبيل ، و يذهبوا في هذا السبيل إلى الله عز و جل .

{وَقَالُوا أَإِذَا كُنَّا عِظَامًا وَرُفَاتًا أِنَّا لَمُبْعُوثُونَ خَلْقًا جَدِيدًا} :

(و قالوا أئذا كنا عظاماً و رفاتاً) أنا لمبعوثون خلقاً جديداً) هو معقول بعد ما نموت ، ربنا هحيينا تاني أو هيبقى في حياة ثانية زي ما إنت بتقول يا محمد؟؟ ، (و قالوا أئذا كنا عظاماً) معروفة عظاماً ، الجسم بيتحلل و يبقى عظام ، (و رفاتاً) اللي هو العظم المتفتت ، زي الآش اللي هو الرماد كده يعني ، مش في حكمة بتقول from ash to ash من التراب إلى التراب ، و دي تقريباً آية في الكتاب المقدس يعني ، (و قالوا أئذا كنا عظاماً و رفاتاً) أنا لمبعوثون خلقاً جديداً) .

{قُلْ كُونُوا حِجَارَةً أَوْ حَدِيدًا}

{أَوْ خَلْقًا مِّمَّا يَكْبُرُ فِي صُدُورِكُمْ فَسَيَقُولُونَ مَن يُعِيدُنَا قُلِ الَّذِي فَطَرَكُمْ أَوَّلَ مَرَّةٍ فَسَيُنْغِضُونَ إِلَيْكَ رُءُوسَهُمْ وَيَقُولُونَ مَتَى هُوَ قُلْ عَسَى أَنْ يَكُونَ قَرِيبًا} :

(قل كونوا حجارة أو حديداً) سواء كنتو بقى حجارة ، حديد ، (أو خلقاً مما يكبر في صدوركم) لو إنتم الموت نفسه ، (خلقاً مما يكبر في صدوركم) اللي هو الموت ، كل واحد بيخاف من الموت ، و إنتو بتخافوا من الموت ، و ربنا هيمثل الموت يوم القيامة بصورة كبش و يذبحه ، مش هو طبعاً ، يعني إيه؟ يأمر الملائكة بذبح هذا الكبش اللي هو الموت ، فيقول لهم خلاص ،



الموت مات ، الموت مات ، و أنا بعثتكم ، يبقى الموت مات و لا مامتش؟؟؟ ، مات ، (قل كونوا حجارة أو حديداً أو خلقاً مما يكبر في صدوركم) يعني لو إنتو الموت نفسه ، (فسيقولون من يعيدنا) مين اللي هيرجعنا تاني ، (قل الذي فطركم أول مرة) اللي خلقكم أول مرة ، يقدر يخلقكم تاني ، (فسينغضون إليك رؤوسهم) يعني هيهزوا رؤوسهم/رؤوسهم كده إستهزاء ، يعني كأن واحد بيتكلم و بيقول حاجة ، و اللي قاعد أمامه ده بيستهزأ به ، بيعمله كده ، بيهز رأسه كده يعني إيه؟ ماشي ماشي ، يعني بيقتله فارغة أو يعني بياخذه على أد/قد عقله ، كأنهم بياخذوا النبي على أد/قد عقله يعني ، بيعملوا كده براسهم ماشي ماشي ، (فسينغضون إليك رؤوسهم و يقولون متى هو) إمتى بقى؟؟ ، (قل عسى أن يكون قريباً) ، خلي بالك ، كل الأموات اللي هيذهبوا إلى عالم البرزخ ، هيكونوا إيه؟ أرواحهم تلبس إيه؟ أجساد نورانية إن كانوا مؤمنين ، و ظلماتية إن كانوا عاصين أو مشركين ، ف هم في حقيقة الأمر موجودين في هذا العالم ، و لكن هذا العالم مقيد ، البرزخ الإنسان فيه ، كأنه بيكون في خلوة ، كأنه بيكون في خلوة ، مقيد ، بيأتمر بأمر الله ، و الأرواح دي ربنا بيستعملها في إيه؟ في الكشف أحياناً ، بيعت بعض الأرواح الطيبة ، يعني بعض الأرواح سواء أكانوا من المؤمنين أو الكافرين في الرؤى أو الكشف ، يُسخرهم في ذلك ، و لكنهم مقيدين ، كأنهم في حالة من الخلوة ، تمام كده؟ طيب . و هذه هي الحال التي رايت فيها الاستاذ مصطفى ثابت في الكشف بعد وفاته كأنه في خلوة خلف قضبان زنزانية في سكرة الخشوع كأنه يشعر بالظلم الذي ظلمه له الاحمديون فسألته عن حالهم في مصر فقال لي ابحت عن الدكتور زياد فعلمت انني هو ذا الدكتور زياد اترقى في معارج الروح يوسف بن المسيح .

{يَوْمَ يَدْعُوكُمْ فَتَسْتَجِيبُونَ بِحَمْدِهِ وَتَظُنُّونَ إِن لَّبِثْتُمْ إِلَّا قَلِيلًا} :

(يوم يدعوكم فتستجيبون بحمده) أول ما ربنا يُقيم يوم القيامة الكبرى ، يدعوكم ، يلا/هيا ادخلوا إلى القيامة الكبرى ، (فتستجيبون بحمده) يعني إيه؟ تستجيبوا و تقولوا إيه؟ الحمد لله ، الحمد لله ، إنتوا تقولوا الحمد لله إن ربنا خرجنا من عالم إيه؟ الضيق ، اللي هو البرزخ ، عالم التقيد ، تلك الخلوة التي تكون طيبة للمؤمن و تكون مؤلمة للكافر ، تمام كده؟ ، طيب ، (و تظنون إن لبثتم إلا قليلاً) بالنسبة لهول القيامة و يوم البعث ، الدنيا و البرزخ كأنه شيء قليل جداً ، بالنسبة إيه؟ لهول موقف القيامة ، تمام؟ ، (يوم يدعوكم فتستجيبون بحمده و تظنون إن لبثتم إلا قليلاً) . حد عنده سؤال تاني؟ .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلِّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه السادس من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ أحكام الميم الساكنة ، ثم قام بقراءة الوجه السادس من أوجه سورة الإسراء ، و أجاب على أسئلتنا بهذا الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السادس من أوجه سورة الإسراء ، و نبدأ بأحكام التلاوة و أحمد :

أحكام الميم الساكنة :

إدغام متماتلين صغير و هو إذا أتى بعد الميم الساكنة ميم أخرى فتدغم الميم الأولى في الثانية و تنطق ميماً واحدة .

و الإخفاء الشفوي و هو إذا أتى بعد الميم الساكنة حرف الباء و الحُكم يقع على الميم أي الاخفاء يكون على الميم .

و الإظهار الشفوي و هو إذا أتى بعد الميم الساكنة جميع الحروف إلا الميم و الباء ، و الإظهار طبعاً سكون على الميم نفسها يعني الحُكم يقع على الميم .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذا الوجه العظيم فيه كثير من التفصيل الذي فصله الله سبحانه و تعالى ، و كثير من الحكمة التي أحكمها الله سبحانه و تعالى في وصاياه لنا .

{وَقُلْ لِعِبَادِي يَقُولُوا الَّتِي هِيَ أَحْسَنُ إِنَّ الشَّيْطَانَ يَنْزِعُ بَيْنَهُمْ إِنَّ الشَّيْطَانَ كَانَ لِلْإِنْسَانِ عَدُوًّا مُّبِينًا} :

(و قل لعبادي يقولوا التي هي أحسن) أمر للنبي و لكل نبي ، أمر للنبي محمد ﷺ و لكل نبي جاي/سيأتي بعد محمد ، على عهد محمد ، (و قل لعبادي يقولوا التي هي أحسن) يعني أوامر و وصي و عِظ كل من يستمع إليك أن يقول التي هي أحسن ، يعني إليه التي هي أحسن؟؟ أي الإحسان ، أوامر بالإحسان ، أوامر أتباعك و كل من يستمع إليك بالإحسان أي المراقبة ، أي

مراقبة الله عز و جل ، (و قل لعبادي يقولوا التي هي أحسن) يعني إيه الإحسان بقى؟ يعني قول الحق ، أنك تراقب الله عز و جل في كلامك ، تقول الحق ، قول الحق خير الجهاد ، (إن الشيطان ينزغ بينهم) الشيطان عاوز يغشب النعمة اللي ربنا إدهلهم/أعطاهم إياها ، و عاوز يفسد النعمة بالذنوب ، نزغ : النون نعمة ، الزين صوت الذنب في الرؤيا ، الغين صوت الغش و الضباب ، يبقى الشيطان عاوز يعمل إيه في النعمة؟؟ زين و غين ، عاوز يعمل فيها زين و غين ، (إن الشيطان ينزغ بينهم) من خلال إيه؟ من خلال شهادة الزور ، من خلال الحسد ، من خلال الكبر ، من خلال الطمع ، من خلال الغيبة و النميمة و اللغو ، كل ده بيخالف الإحسان ، يقول التي هي أحسن ، أحسن ، اللي هو كلمة الحق ، الذي يقول كلمة الحق يبقى براقب الله عز و جل ، يبقى هو يقول الكلمة لله ، مش خايف من حد/أحد ، و لا طالب حاجة ، يقولها مجردة ، و الذي قلبه فيه إحسان أي فيه كلمة الحق و إرادة الحق ، و إرادة قول الحق ، ده يبقى إنسان صادق و شريف ، و هذه هي إيه؟ تتمة و بغية وصية الأنبياء ، أن يكون الإنسان صادق و شريف و نصير كلمة الحق ، و قائل لكلمة الحق ، فهو مُحسن ، (و قل لعبادي يقولوا التي هي أحسن إن الشيطان ينزغ بينهم إن الشيطان كان للإنسان عدواً مبيناً) طبعاً لما بينزغ بيعمل العداوة ما بينهم ، ما بين الناس ، الشيطان لما بينزغ ، يعني يضع الزين و الغين في النعمة بيثير النار و بيثير الأحقاد ما بين البشر ، و دي بغية إبليس اللعين و أتباعه ، (إن الشيطان كان للإنسان عدواً مبيناً) الشيطان و أتباعه و منهجه عدو للبشر و للإيه؟ لأتباع الأنبياء و للناس كافة ، (إن الشيطان كان للإنسان عدواً مبيناً) العداوة دي مُبينة ، يعني ظاهرة و مُظهرة ، ظاهرة و بيّنة للمؤمنين ، و مُظهرة لطريق الحق من طريق الضلال ، لما إنت تشوف الشياطين و أفعالهم و فيضان نزغ الشيطان على أتباعه ، تعلم أن الشيطان عدو ، مُظهر لطريق الباطل الذي بقانون التدافع يتمايز و يبتعد عن طريق الحق ، فوجود الشيطان في الدنيا مفيد ، مفيد إفادة عكسية ، إزاي؟؟/كيف؟ مفيد بشكل غير مباشر ، إنك بتعرف طريق الخير ، لأنه لا تعرف الأمور إلا بأضدادها ، هكذا الشياطين و أتباعهم ، يكونوا في ألم و ضيق و غل و حقد و غيظ ، تمام؟ ، غير مطمئنين ، كالنار الهوجاء التي تطيش و لا يُذهبها إلا الماء ، ماء الإيمان و ماء الوحي .

{رَبُّكُمْ أَعْلَمُ بِكُمْ إِنَّ يَشَأْ يَرْحَمَكُمْ أَوْ إِنَّ يَشَأْ يُعَذِّبْكُمْ وَمَا أَرْسَلْنَاكَ عَلَيْهِمْ وَكِيلًا} :

(ربكم أعلم بكم) ربنا خبير بالنفوس و بالأنفس ، بنفسيات الناس ، بسيكولوجية البشر ، (ربكم أعلم بكم) طبعاً ، (إن يشأ يرحمكم أو إن يشأ يعذبكم) يعني بيقلبكم ما بين طلب الرجاء و طلب الخوف ، بيقلبكم ما بين الجناحين دول/هذين ، الرجاء و الخوف ، الرجاء : (إن يشأ يرحمكم) ، الخوف (إن يشأ يعذبكم) ، و كله في مصلحة الإنسان ، إذا رأى ربنا الموقف ده ، الأفضل لك إنه يرحمك هيرحمك ، إذا رأى ربنا الموقف ده ، الأفضل لك أنه يُعذبك يعني يؤلمك ، يؤلمك ، عشان مصلحتك ، لأن هو الرببي ، الرببي الأول ، اللي هو الرب ، الرب يعني إيه؟ مُربّي ، صح كده؟ ، و الرببي دايمياً إحنا بنبقى في حاجة إليه ، رب : راء رؤية ، باء إحتياج ، طلب الإحتياج ، من مين؟؟ نراه في الله ، أي نرى إيه؟ أننا نحتاج إلى الله ، فهو الرب الذي يُربّي ، (ربكم أعلم بكم إن يشأ يرحمكم أو إن يشأ يعذبكم) و ربنا له أسلوبه الخاص ، الخفي اللطيف ، الغير متوقع ، و بعد كده وصية للنبي (و ما أرسلناك عليهم وكيلاً) إنت جاي تقول كلمتين و تمشي ، ماتزعلش على اللي كفر ، و ماتزعلش على اللي عاداك ، ماتزعلش على اللي أساء فيك الظن و رفض يستخير ، إنت جاي تقول الكلمتين و تبينهم و خلاص ، و لا تأس على القوم الكافرين ، (و ما أرسلناك عليهم وكيلاً) يعني إنت مش مسيطر عليهم ، مش أمرينك/لم نأمرك إنك تسيطر ، إنت مش ملك من ملوك الدنيا ، لا ، إنت إيه؟ داعية ، داعية للهداية ، إنت كلمة حق ، النبي كلمة حق ، تمام؟ ، يعني إيه؟ يقول التي هي أحسن ، يعني مُحسن ، يعني يراقب الله عز و جل ، مايعرفش يكذب أبداً ، مايعرفش ، مايعرفش يقول خلاف الحق أبداً .

{وَرَبُّكَ أَعْلَمُ بِمَن فِي السَّمَاوَاتِ وَالْأَرْضِ وَلَقَدْ فَضَّلْنَا بَعْضَ النَّبِيِّينَ عَلَى بَعْضٍ وَآتَيْنَا دَاوُودَ زَبُورًا} :

(و ربك أعلم بمن في السماوات و الأرض) ربنا خبير بكل من ، يعني بكل مكلف في السماوات و الأرض ، يعني في الأكوان ، ده دليل في أكوان مكلفة أخرى غير البشر ، و أكوان مُسَيَّرَة ، مخلوقات مُسَيَّرَة زي الملائكة كده مثلاً مكلفة بمهمات ، (و لقد فضلنا بعض النبيين على بعض) من خلال درجات الوحي ، (و آتيننا داوود زبوراً) داوود كان نبي من أنبياء إيه؟ بني إسرائيل ، صح؟ ، ربنا إداله/أعطاه صحف و وحي و مكالمات و مكاشفات ، ربنا سماها زبور ، زبور أي تُذهب و تُبِير الذنب ، زبور : الزين صوت الذنب في الرؤيا ، بور أي بوار ، لأن وحي الله ، ماء الله ، غيث الله ، يُبِير الذنب يعني يمسح الذنب ، فلذلك سُمي زبور ، و كل الصحف هي زبور ، و القرآن يُسمى برضو زبور ، تمام؟ ، مش/أليس ربنا بيقول (و إنها لفي زُبر الأولين) زبر يعني كتب ، كتب إيه؟ سماوية ، كتب إيه؟ موحاة من الله عز و جل ، فيها الحكمة الإلهية و الحكمة النبوية .

{قُلِ ادْعُوا الَّذِينَ زَعَمْتُمْ مِّنْ دُونِهِ فَلَا يَمْلِكُونَ كَشْفَ الضُّرِّ عَنْكُمْ وَلَا تَحْوِيلًا} :

(قل ادعوا الذين زعمتم من دونه فلا يملكون كشف الضر عنكم و لا تحويلاً) ده خطاب تهديد للمشركين ، اللي بيشركوا مع الله عز و جل آلهة أخرى ، آلهة مزيفة ، آلهة باطلة ، ربنا بيهددهم ، بيقول لهم إيه؟ (قل ادعوا الذين زعمتم من دونه فلا يملكون كشف الضر عنكم و لا تحويلاً) أي مُشْرَك مع الله عز و جل ، أي مُشْرَك مع الله عز و جل ، لا يستطيع كشف الضر عن إيه؟ عن البشر ، (و لا تحويلاً) يعني لا يستطيع أن يحولهم من حال إلى حال إلا بأمر الله ، لأنهم تحت سيطرة الله عز و جل ، و الله مُحِيط بهم جميعاً ، (قل ادعوا الذين زعمتم من دونه فلا يملكون كشف الضر عنكم و لا تحويلاً) ، بعد كده في الآية الثانية بقى ، في ناس كتير فاهماها غلط ، أنا هقرأها و هقف عند كلمة تُبين المعنى .

{أُولَئِكَ الَّذِينَ يَدْعُونَ يَبْتَغُونَ إِلَىٰ رَبِّهِمُ الْوَسِيلَةَ أَيُّهُمْ أَقْرَبُ وَيَرْجُونَ رَحْمَتَهُ وَيَخَافُونَ عَذَابَهُ إِنَّ عَذَابَ رَبِّكَ كَانَ مَحْذُورًا} :

(أولئك الذين يدعون ... يبتغون إلى ربهم الوسيلة) بعد يدعون هنا المفروض في المصاحف ، يبقى في وقف إيه؟ قلبي ، يعني الوقف أولى ، عشان يتبين المعنى ، إزاي بقى هو المعنى الصحيح؟ ربنا ببقى بيبين الدعاء الصحيح بقى في الآية دي ، مش هو هدد المشركين و قال لهم : (قل ادعوا الذين زعمتم من دونه) يعني براحتكم إنتو مخيِّرين يعني ، (قل ادعوا الذين زعمتم من دونه فلا يملكون كشف الضر عنكم و لا تحويلاً) إحنا/نحن نصحناكم و بنهددكم بنفس الوقت ، تهديد إيه؟ مُبطن ، إن إنتو هتبذلوا جهودكم ، و ستكون في السراب ، و ستكون في الهباء ، ف هنا تهديد و في نفس الوقت نصيحة للمشركين ، بعد كده ربنا بيبين الدعاء الصحيح بقى ، (أولئك الذين يدعون) أي الذين يدعون الدعاء الصحيح بقى ، بيعملوا إيه؟ (يبتغون إلى ربهم الوسيلة) يعني يُقدموا وسائل قبول الدعاء ، زي إيه؟ تَخَيِّر أوقات الإجابة ، أوقات الدعاء

؛ جوف الليل ، دبر الصلوات ، في السجود ، وقت نزول الأمطار ، وقت المرض والألم ، تمام؟ ، والدعاء بظهر الغيب ، كل دي مواطن إجابة ، ف دي وسيلة ، كذلك التبرك بالعمل الصالح وسيلة ، كذلك التبرك بدعاء الرجل الصالح أو النبي وسيلة ، كذلك التصديق قبل الدعاء أو بعد الدعاء وسيلة ، كل دي وسائل ، وسيلة لإيه؟ توديك السبيل ، وسيلة عشان تروح السبيل ، (يبتغون إلى ربهم الوسيلة) عشان يروحوا السبيل ، الوجه اللي فات ، ربنا قال إيه؟ (إذاً لا بتغوا إلى ذي العرش سبيلاً) و بعد كده قال تاني (فضلوا فلا يستطيعون سبيلاً) إذاً اللي عاوز السبيل ، يبتغي الوسيلة في الدعاء أو للدعاء أو لله ، الوسائل كثيرة ، يبقى عشان الدعاء يُجاب يجب يكون معه حاجة تسنده ، وسيلة ، طب ممكن يكون إخلاصك وإحسانك و كلمة حق قلتها و قلبك الصافي ، دي وسيلة ، طهارة قلبك في حد ذاتها وسيلة ، خشوعك و دموعك وسيلة ، ف دي كلها وسائل ، صح؟ في منها المادي و في منها المعنوي ، و بعد كده ربنا بيقول لهم تنافسوا بقى في الوسائل دي ، عشان الدعاء يُجاب أو أنا أُجيب دعاءكم ، ربنا بيقول لهم كده ، و بيقول لهم إيه؟ (أيهم أقرب) مين اللي أقرب فيكم بقى للوسيلة؟ و إن أنا أُجيب دعاءه ، ف هنا ربنا سبحانه و تعالى بيعمل منافسة أو بيحفز على المنافسة في الدعاء ، لأن الدعاء مخ العبادة ، (أولئك الذين يدعون) يعني الدعاء الصحيح ، (يبتغون إلى ربهم الوسيلة أيهم أقرب) متنافسين يعني في الحق و الخير ، و بيعملوا إيه تاني؟ على جناحي الخوف و الرجاء ، (و يرجون رحمته) رجاء ، (و يخافون عذابه) دائماً كده ، بين الخوف و الرجاء ، العمل بتاعهم بين الرجاء و الخوف ، يرجو الرحمة و يخاف العذاب ، تمام؟ ، مايقاش خايف على طول خالص و يائس و قانط ، و لا يبقى إيه؟ مطمئن/مطمئن خالص ، لا ، زي كده الفرح و الحزن ، الإنسان مايفرحش أوي أوي أوي ، و لا يحزن أوي أوي أوي ، يبقى عنده إتران عاطفي ، و ده إيه؟ الإتران في الدعاء ، جناحي الدعاء ، الرحمة و العذاب ، يعني الرجاء و الخوف ، (إن عذاب ربك كان محذوراً) عذاب ربنا يجب أن يُحذر منه ، محذور ، تمام؟ يجب إن إحنا نحذر من هذا العذاب ، لأنه عذاب في حد ذاته محذور ، يُخاف منه ، يُحذر منه .

{وَإِنْ مِّن قَرْيَةٍ إِلَّا نَحْنُ مُهْلِكُوهَا قَبْلَ يَوْمِ الْقِيَامَةِ أَوْ مُعَذِّبُوهَا عَذَابًا شَدِيدًا كَانَ ذَلِكَ فِي الْكِتَابِ مَسْطُورًا} :

خلي بالك في الآية الجاية دي ، الآية الجاية دي دليل على استمرار البعث و النبوة في أمة الإسلام ، خلي بالك ، (و إن من قرية) يعني و كم من قرية ، (إلا نحن مهلكوها قبل يوم القيامة أو معذبوها عذاباً شديداً) يعني هيطبق عليها قانون الأنبياء ، اللي هو (و ما كنا معذبين حتى نبعث رسولاً) ده قانون الأنبياء ، قانون البعث ، (و إن من قرية) يعني و كم من قرية ، (إلا نحن مهلكوها قبل يوم القيامة أو معذبوها عذاباً شديداً) تمام ، بيخاطب هنا النبي و المؤمنين ، يعني في كم قرية كده جايين في السكة ، يعني في كم بعث كده جاي في السكة ، (كان ذلك في الكتاب مسطوراً) شمعات فيصلة على الطريق معنونة ، قدر مقدور لن يُرد ، قدر مقدور لن يُرد ، ربنا قرر كده خلاص في علمه ، زي قيام الساعة كده ، تمام؟ ، (و إن من قرية إلا نحن مهلكوها قبل يوم القيامة أو معذبوها عذاباً شديداً) يعني و كم من قرية سيُطبق عليها قانون إيه؟ البعث ، (كان ذلك في الكتاب مسطوراً) .

{وَمَا مَنَعَنَا أَنْ نُرْسِلَ بِالْآيَاتِ إِلَّا أَنْ كَذَّبَ بِهَا الْأَوَّلُونَ وَآتَيْنَا ثَمُودَ النَّاقَةَ مُبْصِرَةً فَظَلَمُوا بِهَا وَمَا نُرْسِلُ بِالْآيَاتِ إِلَّا تَخْوِيفًا} :



و بعدين؟ (و ما منعنا أن نرسل بالآيات إلا أن كذب بها الأولون) يعني الآيات المادية ، ربنا علم و جرب الأمم السابقة لما بعث لهم آيات مادية فكفروا و كذبوا برضو ، لم يؤمنوا ، مانفعتش معهم ، تمام؟ ، فربنا عزيز ، و الأمة اللي تؤمن بدون آية مادية ، دي خير الأمم و أفضل الأمم ، (و آتيناً ثمود الناقة مبصرة) الناقة دعوة النبي مبصرة بينة طاهرة مبيّنة مُفَصِّلَة ، تفصل ما بين الحق و الباطل و تظهر الحق و تزهق الباطل ، دي الناقة ، ناقة النبي ، كل نبي له ناقة ، يعني دعوة صبورة ، الناقة صبورة حَمُولَة ، كلها خير ، (و آتيناً ثمود الناقة مبصرة فظلموا بها) طبعاً ثمود قوم صالح ، و كل نبي هو صالح ، (و ما نرسل بالآيات إلا تخويفاً) الآيات المادية أو الروحية المعنوية ، ربنا بيرسلها عشان الناس تتقي الله عز و جل و تخاف ، تجعل بينها و بين عذاب الله وقاية ، تمام؟ .

{وَإِذْ قُلْنَا لَكَ إِنَّ رَبَّكَ أَحَاطَ بِالنَّاسِ وَمَا جَعَلْنَا الرُّؤْيَا الَّتِي أَرَيْنَاكَ إِلَّا فِتْنَةً لِلنَّاسِ وَالشَّجَرَةَ الْمَلْعُونَةَ فِي الْقُرْآنِ وَنُخَوِّفُهُمْ فَمَا يَزِيدُهُمْ إِلَّا طُغْيَانًا كَبِيرًا} :

(و إذ قلنا لك إن ربك أحاط بالناس) ربنا محيط و مسيطر ، (و ما جعلنا الرؤيا التي أريناك إلا فتنة للناس) الرؤيا يعني الإسراء ، السورة اللي إحنا فيها دي ، الإسراء الكشف اللي الرسول شافه ، فين؟ في الحطيم ، في قبلة الكعبة ، جوا/داخل قبلة الكعبة ، اللي هو الجزء اللي نص الدائرة ده ، اللي هي قبلة إتجاه إيه؟ فلسطين ، القبلة الأصلية ، الأولانية/الأولى ، (و إذ قلنا لك إن ربك أحاط بالناس و ما جعلنا الرؤيا التي أريناك إلا فتنة للناس) فيه/هناك اللي/الذي صدق و فيه/هناك اللي/الذي كذب ، الناس كلها ، و فتنة لمين/لمن أكثر؟؟؟ (و الشجرة ملعونة في القرآن) اللي هم إيه؟ الخبث و الخبائث ، اللي هم الناس الخبيثة الكافرة المشركة ، دول/هؤلاء ربنا سماهم الشجرة ملعونة ، شجرة خبيثة ، حتى و لو كانوا مش إيه؟ مش من ذرية بعض ، ذرية مادية ، هم من ذرية بعض ، ذرية إيه؟ معنوية ، لأن الشياطين يوحون إلى بعضهم البعض زخرف القول غروراً ، تمام؟ ف هم ذرية واحدة ، حتى إيه؟ إن لم تكن إيه؟ ذرية مادية يعني ، (و نخوفهم) بالبعث و بالآيات ، تمام؟ زي تحقق النبوءات و الرؤى و الكشف ، كل دي آيات ، مش شرط تكون الآية مادية ، تمام؟ ، و نخوفهم لعلمهم إيه؟ يرجعون ، (و نخوفهم فما يزيدهم إلا طغياناً كبيراً) الشجرة ملعونة لا تزيدها الآيات إلا طغياناً كبيراً أي تعدي على الحق ، لأن الطغيان و الطاغوت هو الذي يتعدى على الحق ، تمام؟ ، حد عنده أي سؤال؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه السابع من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ صفات الحروف , ثم قام بقراءة الوجه السابع من أوجه سورة الإسراء ، و أجاب على أسئلتنا بهذا الوجه ، و أنهى نبي الله الجلسة بأن صحح لنا تلاوتنا .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه السابع من أوجه سورة الإسراء ، و نبدأ بأحكام التلاوة و مروان :

صفات الحروف :

القلقلة : حروفها مجموعة في (قطب جد) .

الهمس : حروفه مجموعة في (حثة شخص فسكت) .

التفخيم : حروفه مجموعة في (خص ضغط قظ) .

اللام : تفخم و ترقق : إذا كان ما قبلها مفتوح و مضموم تفخم , و إذا كان ما قبلها مكسور ترقق , و كذلك الراء تفخم و ترقق و ممنوع التكرار .

التفشي : حرفه الشين .

الصفير : حروفه (الصاد , الزين , السين) .

النون و الميم المشدتين تمد بمقدار حركتين .

أنواع الهمزة : همزة وصل , همزة قطع , همزة المد .

الغنة : صوت يخرج من الأنف .

و ثم تابع نبي الله يوسف الثاني ﷺ الجلسة بشرح الوجه لنا فقال :

هذا الوجه العظيم المبارك ، بدأ الله سبحانه و تعالى فيه ، بقص بداية الاختبار في هذا الكون أو بغية خلق هذه النشأة الجديدة ، لأنه كما نعلم و علمنا أنه كانت هناك نشآت (طفرات في الخلقة و التطور) ، و كانت هناك نشآت (بداية و نشأة جديدة بالكلية) ، و ستكون هناك نشآت و ستكون هناك نشآت ، لأن صفات الله عز و جل أزلية أبدية لا تتعطل .

{وَإِذْ قُلْنَا لِلْمَلَائِكَةِ اسْجُدُوا لِآدَمَ فَسَجَدُوا إِلَّا إِبْلِيسَ قَالَ أَأَسْجُدُ لِمَنْ خَلَقْتَ طِينًا} :

(و إذ قلنا للملائكة اسجدوا لآدم فسجدوا إلا إبليس قال أسجد لمن خلقت طيناً) ربنا أمر الملائكة يسجدوا لآدم أول ما إصطفاه و اختاره من بين البشر اللي كانوا موجودين ، تمام؟ ، و السجود هنا سجود تكريم و ليس سجود عبادة ، الدليل إيه؟ إبليس نفسه لما قال (قال أرأيتك هذا الذي كرمت عليّ) إذا كان السجود سجود إيه؟ سجود تكريم ، و السجود هنا سجود ممتد ، من الملائكة الطائعين لبني البشر ، لبني آدم ، تمام؟ ، سجود تكريم لكل البشر المخلوقين ، لأن كل مخلوق يُخلق على الفطرة ، تمام؟ ، و يتعدى سجود التكريم إلى سجود إيه؟ التقديس للأنبياء و الأولياء عبر الزمان ، تمام؟ ، إذاً السجود مش لآدم بس ، السجود لآدم و لذريته كلها ، الذرية الروحية ، تمام ، و كذلك كل البشر بعد آدم ، كل مولود يولد على الفطرة ، السجود هنا سجود تكريم من الملائكة ، الملائكة تُكرم بني آدم و يتعدى هذا السجود إلى سجود التقديس للأنبياء و الأولياء ، أي سجود طاعة ، تمام؟ ، طاعة إيه؟ تكريم ، و طاعة إيه؟ أنه يُقدس هذا إيه؟ الإنسان الطاهر المقدس المبارك من الله عز و جل ، لأن فم الله ينطبق على فم النبي و المُحدث فيتقدس بكلمات الله عز و جل و بماء الوحي ، (و إذ قلنا للملائكة اسجدوا لآدم فسجدوا إلا إبليس قال أسجد لمن خلقت طيناً) هنا اللفظ هذا مجازي ، (طيناً) يعني مطيع ، الطين مطيع أي يُطوع في الأواني ، أما إبليس فمن نار فلا يُطوع في الأواني ، إنما هو إيه؟ طائش هائج غاضب بإستمرار ، يشعر بالإستعلاء المزيف ، لماذا؟ لأن شوية/قليل من مية/ماء تقدر تطفى النار دي ، لكن المية/الماء تُقوي الطين ، المية/الماء تقوي الطين و تجعلها أكثر تماسكاً ، أما الإيه؟ النار فإن الماء تطفئها من فورها ، تمام؟ طيب ، هذا من على الجانب الروحي أو الروحاني يعني ، تمام؟ ، أما بالنسبة للجانب المادي ف هم طبعاً أكثر تقدماً مِنَّا ، الجن و إبليس هم أكثر تقدماً من البشر من الناحية المادية ، لذلك أراد الله سبحانه و تعالى أن يسجد القوي للضعيف لكي يكون ذلك إختبار و إبتلاء و تطهير للنفس و إحسان ، إختبار إحسان ، و مراقبة لله عز و جل ، طيب ، و عرفنا يعني إيه السجدة الممتدة أو السجود الممتد عبر الزمن لكل المواليد ، مُكرّمين من الملائكة ، و من المقدسين فقط ؟ الأنبياء و الأولياء و الصالحين و المحدثين ، مقدسين بتقديس الوحي ، تمام؟ ، و الأنبياء معصومين بعصمة الوحي ، يعني النبي لما يغلط أو يفهم حاجة غلط ، ربنا يعصمه بالوحي ، يصحله بالوحي ، هي دي معنى العصمة يعني ، هو إنسان طاهر و مقدس ، تمام؟ طيب .

{قَالَ أَرَأَيْتَكَ هَذَا الَّذِي كَرَّمْتَ عَلَيَّ لِنِئْ أَخَّرْتَنِي إِلَى يَوْمِ الْقِيَامَةِ لِأَحْتَنِكَنَّ ذُرِّيَّتَهُ إِلَّا قَلِيلًا} :

(قال أرأيتك هذا الذي كرمت عليّ لنئ أخرتني إلى يوم القيامة لأحتنكن ذريته إلا قليلاً) يعني يا ربي ما تخلينيش/لا تتركني أموت ، لو ما خلتنيش أموت ليوم القيامة الكبرى (لأحتنكن ذريته إلا قليلاً) يعني هجعل ذرية آدم ده زي البهائم ، يُحط/يضع في فهم أو في حنكهم خطام ، إيه؟ أجرهم به كما تُجر البهائم ، أنظر إلى التحقير الذي يريد أن يُحقّره إبليس لبني آدم ، فهذا غيظ عظيم و تلك عداوة عظيمة ، فلازم إحنا نستشعر هذه العداوة علشان لا نقع في براثن ذلك الخبيث ، (قال أرأيتك هذا الذي كرمت عليّ لنئ أخرتني إلى يوم القيامة لأحتنكن ذريته إلا قليلاً) دائماً القليل كده/هكذا محمود ، لا تستقل جماعة المؤمنين ، جماعة المؤمنين لو بضعة بشر هم قليل و لكنهم النواة و الصفاة و النور المقدس و هي الشمعة التي تنير في الظالم ، تمام ، إذاً القليل محمود ، و دائماً و في معظم الأحيان الكثرة مذمومة ، الكثرة مذمومة في القرآن دائماً كده ، طبعاً دي ، كلمة قليلة دي يُعتبر دعم نفسي من ربنا ، لأن القليل هم اللي مش هيقدر عليهم إبليس لأنهم مُخلصين ، مُخلصين ، مُحسنين ، تمام كده/هكذا ؟ .

{قَالَ اذْهَبْ فَمَنْ تَبِعَكَ مِنْهُمْ فَإِنَّ جَهَنَّمَ جَزَاءُكُمْ جَزَاءً مَوْفُورًا} :

(قال اذهب) ربنا بقى ، (قال اذهب فمن تبعك منهم فإن جهنم جزاؤكم جزاء موفوراً) يبقى الاختبار ابتداءً هو ، قاله يا إبليس اذهب ، طبعاً ملعون مطرود ، اللي يسمع كلامك منهم ، إنت و هم في جهنم ، و جهنم إيه/ماذا؟ ستكون جزاءً لكم (موفوراً) أي إيه؟ وافراً متوفراً مُعَدّاً ، و ده رد على المجرمين الأغبياء اللي بيقولك الشياطين و إبليس مش هيخشوا/يدخلوا النار لأنهم من جنس النار ، لا طبعاً ، هيخشوا/يدخلوا النار و يتعذبوا و يُلاقوا الآلام و الصرخ ، و سيجدوا صرير الأسنان و الآلام ، تمام؟ ، الآية بتد أهي ، دايماً كده أي واحد يطلع علي بإختراع أو يطلع بإختراع أو فكرة من هواه ، إعرض كلامه على القرآن و على القواعد القرآنية ، صح كده؟ و ده الأمر اللي أمرنا به المسيح الموعود ﷺ أبي الحبيب ، صح؟ طيب ، عارفين طبعاً أن كتب التراث و كتب الأحاديث ، فيها الغث و فيها السمين ، يعني فيها المكذوب و فيها لا ، الصحيح ، صح كده؟ طيب نعرف إزاي؟ هل بعلم الرجال و الكلام الفاضلي ده؟؟ ده كلام فاضلي ، غيبة و نميمة و لغو ، ده آخر حاجة نبص فيها ، علم الرجال ده ، كلام فاضلي ، بدعة ، فيها غيبة و نميمة و لغو و كذب ، إيه الصحيح؟ إن إحنا نعرض الكلام و الروايات على القرآن الكريم ، على قواعد القرآن ، سهل جداً ، طيب إدينا/أعطينا مثال ، هديك/أعطيك مثال : مش الخبثاء المجرمين اتهموا النبي ﷺ إنه مسحور ، قعد فترة مسحور ، صح؟ هذا غير صحيح ، بدليل القرآن نفسه ، نعرض بقى الحديث اللي ورد في البخاري ده على القرآن ، نعرضه إزاي؟ نقولك : أول حاجة في آية بتقول إيه؟ (و الله يعصمك من الناس) يبقى محدش يقدر يسحره ، مفيش أي ساحر يقدر يسحر النبي ، صح كده؟ أهو ، طيب ، دليل ثاني : ربنا قال إيه في الوجه اللي قبل اللي فات أو اللي قبل اللي فات؟ {تَحْنُ أَعْلَمُ بِمَا يَسْتَمِعُونَ بِهِ إِذْ يَسْتَمِعُونَ إِلَيْكَ وَإِذْ هُمْ نَجْوَى إِذْ يَقُولُ الظَّالِمُونَ إِن تَتَّبِعُونَ إِلَّا رَجُلًا مَّسْحُورًا} انظُرْ كَيْفَ ضَرَبُوا لَكَ الْأَمْثَالَ} يعني قالوا عليك كاهن ، شاعر ، ساحر ، مسحور ، اللي يقول كده إيه بقى؟ {فَضَلُّوا فَلَا يَسْتَطِيعُونَ سَبِيلًا} يعني اللي يقول عن النبي ساحر أو مسحور أو إتسحر ده ضال ، أهو الكلام واضح أهو ، يبقى إزاي تفكري و تقول إن النبي إتسحر لمدة ٦ شهور ، يا خبثاء ، يا مجرمين ، يا قلايلات الأدب/قليلين الأدب ، يا اللي ملتوا/ملأتوا الأرض ظلم و جور و شرك ، فالمسيح الموعود أتى يرجع بقى الدين لإيه؟ للمحجة البيضاء اللي تركنا عليها النبي ﷺ ، رجوع يجدد الدين ، المسيح الموعود ﷺ تقدست كلماته و تقدست روحه ، الكتب اللي كتبها دي هي إنجيل المسلمين ، كلام مقدس ، أقدم من البخاري و مسلم ، ليه؟ لأن بخاري و مسلم فيه الغث و السمين ، و فيه المكذوب و الموضوع ، و فيه كذب على النبي ﷺ ، طيب نعرف إزاي الصح؟ نعرض الحديث على القواعد القرآنية ، زي ما عرضتلكوا/عرضت لكم دلوقتي ، زي ما إديتلكوا/أعطيتكم المثال ده ، طيب كُتب المسيح الموعود و كلماته مقدسة تقديساً عظيماً ، و هي تتلو القرآن في التقديس ، لأنها الدين الصحيح و هي الميزان الذي نعتبر به الأحاديث الصحيحة من الأحاديث الباطلة ، كتالوج الإسلام هو كُتب المسيح الموعود ﷺ ، لازم نقدسها تقديس جم و عظيم ، تمام؟ طيب .

{وَاسْتَغْفِرْ مَنْ اسْتَطَعَتْ مِنْهُمْ بِصَوْتِكَ وَأَجْلِبْ عَلَيْهِمْ بِخَيْلِكَ وَرَجِلِكَ وَشَارِكْهُمْ فِي الْأَمْوَالِ وَالْأَوْلَادِ وَعَدَّهُمْ وَمَا يَعِدُهُمُ الشَّيْطَانُ إِلَّا غُرُورًا} :

(و استغفر من استطعت منهم بصوتك) هنا بقى إيه؟ الاختبار ، ربنا هيحكي أو بيحكي ، ربنا سبحانه و تعالى بيحكي اللي هيحصل ، يعني ربنا لم يقل له إعمل كده ، لا ، هو ربنا عارف إن

المجرم الخبيث إبليس ده هيعمل كده ، (و استفز من استطعت منهم بصوتك) دائماً كده استفزهم ، إجعلهم في غضب دائم ، في صراع ، إعمل ما بينهم النزغ ، حظ/ضع الزين و الغين في النعمة بتاعتهم ، نزغ : نون : نعمة ، زين : صوت الذنب في الرؤيا ، الغين : الغش و الضباب و عدم إتضاح الطريق و التوهان و الشك ، و استفز ، إستفزاز : الفاء : تأفف ، و الزين : صوت الذنب ، إستفز يعني إيه؟ هيبذل فُصار جهده ، إبليس اللعين و أتباعه في بث التأفف و أصوات الذنب ما بين إيه؟ البشر ، استفز ، دائماً كده يريد أن يُنشئ إيه؟ العداوة و التأفف و البغضاء ما بين البشر ، (و استفز من استطعت منهم بصوتك) صوتك يعني وحيك ، لأن الصوت إيه؟ يُسمع ، و السمع هو إيه؟ إستقبال الوحي ، فالوحي الشيطاني يُسمى صوتك ، بصوتك ، (و استفز من استطعت منهم بصوتك) لأن الشياطين يوحى بعضهم إلى بعض زخرف القول غروراً ، في شياطين إنسية و شياطين جنية ، فبيوحون إلى بعضهم ، حتى الخبثاء شياطين البشر ممكن يوحوا إلى الشياطين الجن بأفكار شيطانية و العياذ بالله ، (و استفز من استطعت منهم بصوتك) خلي بالك في الكلمة اللي جاية دي (و أجب) (و أجب عليهم بخيلك و رجلك) هنا وصف مجازي لإيه؟ لجنود إبليس ، في منهم الفرسان يعني على الخيل ، و في منهم إيه؟ الراجلة اللي بيمشوا ، طبعاً دي أوصاف مجازية يعني لتقريب الصورة ، (أجب) بقى ، كلمة أجب دي من خلال أصوات الكلمات ، خلي بالك ، الهمزة أعماق ، أجب و الباء إحتياج ، أجب ، دائماً أجب لهم إحتياجاتهم ، أو إجعلهم يحتاجون دائماً إلى التأجيل يعني التسويف ، من سبل إبليس الكثيرة أو الكبيرة : التسويف ، أجب ، أجب و باء ، إجعلهم في حاجة دائماً إلى التأجيل ، إيه الدليل بقى؟ القرينة؟ القرينة طبعاً من أصوات الكلمات ، إنه معنى سائغ يمشي مع السياق ، كمان في قرينة ثانية ، (و أجب عليهم بخيلك و رجلك و شاركهم في الأموال و الأولاد و عدهم و ما يعدهم الشيطان إلا غروراً) عدهم ، دائماً خليهم إيه؟ ينظروا بتسويف إلى الأمور ، لا يقضونها تمام القضاء أو تمام الإنقضاء ، تمام؟ ، (و أجب عليهم بخيلك و رجلك) بيقى (أجب) إجعلهم يسوفون ، و كذلك (أجب) يعني إيه؟ إهجم عليهم بخيولك و بإيه؟ بالراجلة بتوعك ، إذاً (أجب) هات كل فتنك ، أو هو ربنا بيحكي عن حال إبليس ، هو ربنا مابيوثرش إبليس يعمل كده ، لا ، ده ربنا بيحكي عن حاله مع البشر في المستقبل ، لأن ربنا خبير ، (و أجب عليهم بخيلك و رجلك) يعني إيه؟ (أجب عليهم) يعني إهجم عليهم و كذلك (أجب) إجعلهم يحتاجون دائماً إلى التسويف ، يسوفون إيه؟ التوبة ، و يسوفون الإستقامة ، و يسوفون الإصلاح و العمل الصالح ، حتى تنقضي آجالهم و أعمارهم ، تمام؟ طيب ، إذاً هي حرب مستمرة ، لازم تستشعر الحرب الروحية الخفية دي ، خلي بالك ، لما تستشعرها صح؟ تؤمن صح ، خلي بالك ، (و أجب عليهم بخيلك و رجلك و شاركهم في الأموال و الأولاد) ، (و شاركهم في الأموال و الأولاد) إجعلهم مشركين بسبب الأموال و الأولاد ، تمام؟ و عدهم بسبب التسويف ، و كذلك (و شاركهم في الأموال) يعني إجعل لنفسك نصيباً ، أي أنك ستجعل لنفسك نصيباً أو أنه سيجعل لنفسه نصيباً ، ذلك إبليس اللعين و أتباعه في أموال البشر ، يعني يجعل فيها جزء حرام أو جزء يذهب إلى الحرام ، و كذلك و شاركهم في الأولاد ؛ إجعلهم يعصون إيه؟ الأباء و الأمهات ، إجعلهم يلغون في الفسوق و المعاصي ، دي مشاركة من الشيطان في الأولاد نتيجة شؤم المعاصي و العياذ بالله ، (و عدهم) دائماً كده خلي أمالهم تبقى كبيرة ، حبهم للدنيا كبير جداً لغاية ما يهلكوا بها عياداً بالله ، (عدهم) كل واحد عاوز يملك الدنيا كلها ، و بقى الناس كلها أنانيين ، في حالة كبيرة جداً من الانانية و التصارع و التوحش و التنافس في الدنيا الدنية ، حتى فسدت النفوس و فسدت القلوب و أصبح هناك نزغ بين البشر ، تمام؟ ، و خبث و العياذ بالله ، (و ما يعدهم الشيطان إلا غروراً) وعد الشيطان غرور أي غير واضح ، دائماً ، دائماً في تسويف ، مش حقيقي و ليس بيقيني ، غرور ، و كذلك الغرور من الكبر ، (و ما يعدهم الشيطان إلا غروراً) بسبب تكبره و بسبب فيضه بكبره على أتباعه ، فدايماً كده بتلاقي أتباع الشياطين و أولياء الشياطين في حالة من الكبر كده ، و هم و لا حاجة ، تمام ، (و ما يعدهم الشيطان إلا غروراً) تمام؟ .

{إِنَّ عِبَادِي لَيْسَ لَكَ عَلَيْهِمْ سُلْطَانٌ وَكَفَىٰ بِرَبِّكَ وَكِيلًا} :

(إن عبادي ليس لك عليهم سلطان) عبادي الذين حققوا مفهوم العبودية ، العبد بجد لله عز و جل ، الشيطان مايقاش له سلطان عليه أبداً ، لذلك قال الله بتأكيد (إنَّ عبادي ليس لك عليهم سلطان) ، ماتقدرش/لا تقدر تتحكم فيهم ، (و كفى بربك وكيلًا) ليه؟ ربنا حاميمهم ، كفى بربك حامياً لهم و وكيلًا ، لانهم محسنون .

{رَبُّكُمُ الَّذِي يُزْجِي لَكُمُ الْفُلْكَ فِي الْبَحْرِ لِتَبْتَغُوا مِنْ فَضْلِهِ إِنَّهُ كَانَ بِكُمْ رَحِيمًا} :

(ربكم الذي يزجي لكم الفلك في البحر لتبتغوا من فضله) ربنا بيدي/بيعطي هنا إيه؟ مثال لنعمة من نِعَمِه التي أنعم بها على البشر ، إن إدالهم/أعطاهم قانون الطفوف في البحار فأصبحوا يستطيعون أن يسافروا من خلال البحر و أن يجدوا ثروات البحار ، تمام؟ ، (ربكم الذي يزجي لكم الفلك) خليها تمشي بكثرة في البحر ، يُزجي ، (لتبتغوا من فضله) أي من نِعَمِه ، (إنه كان بكم رحيمًا) ربنا رحيم ، ف دي نعمة من ضمن نِعَم أنعم بها علينا . و يزجي أي زجّ بها للبحر لانها ليست من جنس البحر بل هي طارئة عليه فتلك هي الزجة و ذلك هو الزج لخير البشر .

{وَإِذَا مَسَّكُمُ الضُّرُّ فِي الْبَحْرِ ضَلَّ مَنْ تَدْعُونَ إِلَّا إِلَٰهَ فَلَمَّا نَجَّاکُمْ إِلَى الْبَرِّ أَعْرَضْتُمْ وَكَانَ الْإِنْسَانُ كَفُورًا} :

و بعد كده ربنا بيوصف حال الإنسان و حال البشر و نفسية البشر و سيكولوجية البشر ، (و إذا مسكم الضر في البحر) دخلتم في حالة إضطراب نتيجة مثلاً أمواج عالية ، عاصفة شديدة ، مشاركة على الغرق ، (ضل من تدعون إلا إياه) تاهت عنكم كل الآلهة المزيفة و الباطلة اللي بتصرفوا إليها العبادة ، (إلا إياه) إلا ربنا بس ، الإله الحقيقي ، إذا هنا خالات الإضطراب بتظهر المعادن ، (فلما نجاكم إلى البر أعرضتم) لما نجاكم و إستجاب لكم و رجعتوا للبر تاني ، لبر الأمان يعني ، أعرضتم عن عبادة الله وحده بتوحيد كامل ، (و كان الإنسان كفورًا) دائماً كده الإنسان كفور ، يكفر بالنعمة ، و بَطَر و العياذ بالله ، و لا يشكر النعمة حق الشكر أي لا يشكر الله على النعمة حق الشكر .

{أَفَأَمِنْتُمْ أَنْ يَخْسِفَ بِكُمْ جَانِبَ الْبَرِّ أَوْ يُرْسِلَ عَلَيْكُمْ حَاصِبًا ثُمَّ لَا تَجِدُوا لَكُمْ وَكِيلًا} :



ربنا هنا بقى بيسألهم و السؤال هنا من باب تعليمي : (أفأمنتم أن يخسف بكم جانب البر) يعني لما رجعتوا لبر الأمان إنتوا أصلاً ضامنين إن البر ده يفضل برضو ساكن كده ، طب ما ممكن يخسفه بكم ، (أو يرسل عليكم حاصبًا) يعني رجوم من السماء ، (ثم لا تجدوا لكم وكيلًا) لن تجدوا لكم حامياً من دون الله عز و جل .

{أَمْ أَمِنْتُمْ أَنْ يُعِيدَكُمْ فِيهِ تَارَةً أُخْرَى فَيُرْسِلَ عَلَيْكُمْ قَاصِفًا مِّنَ الرِّيحِ فَيُغْرِقَكُم بِمَا كَفَرْتُمْ ثُمَّ لَا تَجِدُوا لَكُمْ عَلَيْنَا بِهِ تَبِيعًا} :

(أَمْ أَمِنْتُمْ أَنْ يُعِيدَكُمْ فِيهِ تَارَةً أُخْرَى) لما ترجعوا ثاني في البحر في السفن ، (فيرسل عليكم قاصفاً من الريح) يعني عاصفة عظيمة جداً تقصف السفينة و تقضم ظهر السفينة ، (فيغرقكم بما كفرتم) بشؤم المعصية ، فتغرقون بشؤم معاصيكم و شرككم ، (ثم لا تجدوا لكم علينا به تبيعاً) ماتقدروش تُحاجوتنا يوم القيامة على هذا الأمر ، (تبيعاً) يعني تبعة أو حُجة ، تمام؟ ، أو دين ، لن تجدوا لكم ديناً علينا ، لأنه كان بشؤم معاصيكم ، (ثم لا تجدوا لكم علينا به تبيعاً) . حد عنده أي سؤال ثاني؟ .

و اختتم نبي الله الجلسة المباركة بقوله المبارك :

هذا و صلِّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلِّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الثامن من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه الثامن من أوجه سورة الإسراء ، و أجاب على أسئلتنا بهذا الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الثامن من أوجه سورة الإسراء ، و نبدأ بأحكام التلاوة و رفادة :

أحكام المد و نوعيه :

مد أصلي طبيعي و مد فرعي ، المد الأصلي يُمد بمقدار حركتين و حروفه (الألف ، الواو ، الياء) ، و المد الفرعي يكون بسبب الهمزة أو السكون .

أما الذي بسبب الهمزة فهو مد متصل واجب و مقداره ٤ إلى ٥ حركات ، و مد منفصل جائز مقداره ٤ إلى ٥ حركات ، و مد صلة كبرى مقداره ٤ إلى ٥ حركات جوازاً ، و مد صلة صغرى مقداره حركتان وجوباً .

و ثم تابع نبي الله يوسف الثاني ﷺ الجلسة بشرح الوجه لنا فقال :

{وَلَقَدْ كَرَّمْنَا بَنِي آدَمَ وَحَمَلْنَاهُمْ فِي الْبَرِّ وَالْبَحْرِ وَرَزَقْنَاهُمْ مِّنَ الطَّيِّبَاتِ وَفَضَّلْنَاهُمْ عَلَى كَثِيرٍ مِّمَّنْ خَلَقْنَا تَفْضِيلًا} :

(و لقد كرّمنا بني آدم) ربنا بيؤكد و يُحقق المعلومة لدينا و لدى الجميع أنه كَرَّمَ بني آدم أي أبناء آدم الروحانيين ، أي من بعد آدم ، أي من سلالة آدم و ما تلاه ، إزاي بقى؟ آدم -عليه السلام- كان من السلالة البشرية التي هي إيه؟ التي بنسبها هو موسابينوس التي هو المنتصب القائم ، منتصب القامة ، لأن الإنسان قبل كده كان في تطورات مرحلية ، في تطورات نشأته ، مكانش منتصب القامة ، تمام؟ فبداية التكوين البشري ده ، التي هو إبتدا ينتصب القامة ، تمام؟ ده التي ربنا إختار منه آدم -عليه السلام- ، أول رسول للبشرية ، ف ده تكريم ، إنتصاب القامة ده تكريم للإنسان ، كذلك أيضاً ربنا سبحانه و تعالى كَرَّمْنَا بأمر كثير ؛ العقل الذي هو مناط التكليف و التمييز ، إحنا بِنُمِّيْز ، تمام؟ و الفطرة السليمة ، فطرة الله التي فطر الناس

عليها ، ده من تكريم الله عز و جل لبني آدم ، تمام؟ و إيه تاني؟ سخر لنا الكائنات الحية و سخر لنا الأرض بثرواتها و بحارها و أنهارها ، التسخير ده تكريم لبني آدم ، كذلك جعل بيننا و بين الجن حجاب ، الجن إيه؟ لا يستطيعون أن ينالوا من البشر أبداً ، لأن في بيننا و بينهم حجاب ، الجن لا يستطيع أن يتطلع إلى عورات الإنسان و لا يستطيع أن يتطلع إلى كلمات السر بتاعة الإنسان ، و لا إلى خفاياه أبداً ، لا يستطيع ، و لا يستطيع أن يسرق ، كما يدعي المشايخ الكذبة من البشر ، أبداً ، ف ده تكريم لبني آدم ، كذلك من تكريم الله عز و جل لبني آدم : إصبع الإبهام ، صُباع/إصبع الإبهام ده ، شايفيه؟؟ ده ، الصُباع ده من أسرار تكريم الله للبشر ، من خلال الصُباع ده ، الإنسان بدأ يعمل الحرف الدقيقة ، الحرف التراثية اللي بتأخذوها في الدراسات ، الحرف الدقيقة دي أصل إيه؟ أو أصل من أصول حضارة البشر ، ماكانوش أبداً يقدروا يعملوها من غير إيه؟ صُباع الإبهام ده ، صباع الإبهام ده له إيه؟ فوائد كثيرة جداً ، و هو أصل من أصول حضارة البشر ، ده من تكريم الله عز و جل لبني آدم ، تمام كده؟ ، (و حملناهم في البر و البحر) يعني جعلنا فيهم قدرة إن هم يعملوا مراكب في البحر و يستخدموا قانون الطفو ، و إن هم يُروضُوا الأنعام و الخيول ، يُروضُوا الخيول و المراكب في البر و يستخدموها ، لأن هم إيه؟ ربنا إداهم/أعطاهم سيطرة و إداهم/أعطاهم سلطة على إيه؟ الكائنات المسخرة لهم ، (و رزقناهم من الطيبات) حاجات جميلة جداً ، ربنا رزقنا بها ، زي إيه؟ الألبان و اللحوم و السمن و العسل و الأعناب ، تمام؟ و الأزواج و الأبناء ، كل دي من طيبات الله عز و جل ، (و فضلناهم على كثير ممن خلقنا تفضيلاً) ربنا فضّل البشر و بني آدم على كثير ممن خلق من الكائنات المكلفة ، تكليف إيه؟ الاختيار ، تكليف الثواب والعقاب ، خلي بالك (و فضلناهم على كثير ممن خلقنا تفضيلاً) ماقش/لم يقل : و فضلناهم على كل ممن خلقنا تفضيلاً ، يبقى في كائنات مكلفة ، عندها ابتلاء الاختيار و الثواب والعقاب ، قد تأتي أفضل من البشر ، و قد تكون قد سبقتنا في نشآت أخرى كانت أفضل من البشر ، لا أدري و الله أعلم ، و لكن الآية تهمس إلينا و تشير إلينا إشارة باطنة بهذا المعنى ، تمام؟ .

{يَوْمَ نَدْعُو كُلَّ أُنَاسٍ بِإِمَامِهِمْ فَمَنْ أُوْتِيَ كِتَابَهُ بِيَمِينِهِ فَأُولَئِكَ يَقْرَءُونَ كِتَابَهُمْ وَلَا يُظْلَمُونَ فَتِيلًا} :

(يوم ندعو كل أناس بإمامهم) يوم القيامة ندعو كل أمة بإمامهم ، بإمامهم لها معنيين : إمامهم يعني نبيهم ، و كذلك إمامهم كتابهم ، الكتاب بتاعهم ، مش ربنا بيقول (و كل شيء أحصيناه في إمام مبين) تمام؟ ، الإمام معناها الكتاب ، كتاب الأمة ، الأمة تُدعى بهذا الكتاب ، و كذلك الإمام هو النبي أي المقتدى ، لأن الإمام هو الدليل ، الإمام الذي تأتم به لأن هو في حد ذاته دليل ، فالنبي دليل ، فالنبي دليل على صدق إيه؟ دليل على وجود الله ، و الكتاب و الوحي اللي ربنا بعثه إليه و سجله في الصحف ، ده يعتبر إمام و دليل أيضاً ، تمام؟ ، (فمن أوتي كتابه بيمينه) أخذ الكتاب باليمين ، يبقى عنده ثقة في النفس بقى و إفتخار ، (فأولئك يقرءون كتابهم) يقرأوه بعزة و إفتخار ، (و لا يظلمون فتيلًا) لن نظلمهم ، فتيلًا يعني و لو شيء قليل ، و لو شيء قليل ، و الفتيل هو إيه؟ في فرق بين الفتيل و القطمير و النقيير ، القطمير هو الغشاء المغلف للنواة ، النقيير هو إيه؟ لما النواة تنزل تحت الأرض و يطلع منها نقرة صغيرة كده ، برعم صغير ، ينزل إيه؟ يبقى جذر ، الفتيل اللي هو إيه؟ الخيط اللي البرعم لما يطول و يطلع فوق الأرض ، يعني تصوير مجازي إن هم لا يظلموا و لو بقدر فتيل ، حاجة بسيطة يعني .

{وَمَنْ كَانَ فِي هَذِهِ أَعْمَى فَهُوَ فِي الْآخِرَةِ أَعْمَى وَأَضَلُّ سَبِيلًا} :

(و من كان في هذه أعمى فهو في الآخرة أعمى و أضل سبيلاً) ده تصوير مجازي بلاغي ، إن اللي عنده عمى بصيرة في الدنيا ، ربنا هيحشره يوم القيامة أعمى ، (و أضل سبيلاً) أضل مما كان عليه ، لأن الجزاء من جنس العمل ، طبعاً إيه؟ (و من كان في هذه أعمى فهو في الآخرة أعمى و أضل سبيلاً) هنا الوصف ده من باب التحقير للعمى ، لأصحاب عمى البصيرة ، اللي ما عندهم بصيرة و لم يتفكروا و لم يتدبروا و لم يسألوا الله عز و جل و يتبصروا و ده فيها تهديد مبطن أيضاً الآية دي .

{وَإِنْ كَادُوا لَيَفْتِنُونَكَ عَنِ الَّذِي أُوحِيَإِلَيْكَ لِيَتَّقِيَ عَلَيْنَا غَيْرَهُ وَإِذَا لَا تَخْذُوكَ خَلِيلًا} :

(و إن كادوا ليفتنونك) يعني حاولوا يفتنوك ، تمام؟ عن القرآن الكريم و عن تعاليم التوحيد و القرآن ، علشان/من أجل أن تفتري على الله عز و جل غير ما في كتاب الله ، إزاي؟/كيف؟ كذا قصة ، مثلاً إيه؟ كانوا في وفد من ثقيف قابلوا النبي ﷺ ، و قالوا له أنت قریش مزعلينك ، طب ما إحنا عندنا أصنام برضو ، بس إئذن لنا سنة نجمع هدايا المشركين أو يعني الناس العباد اللي بيعبدوا الأصنام ، بيقدموها للأصنام دي ، ناخذ الهدايا و بعد كده نكسر الأصنام و نخلي الوادي بتاعنا وادي محرم زي وادي مكة كده ، و تبقى أنت النبي بتاعنا ، يعني دلوقتي هم بيعدوه بإيه؟ بأمر في المستقبل إن هم هيومنوا إيمان مشروط ، بس مشروط بشرك ، هل ده يجوز؟ لا يجوز ، أنت ماتشترطش على الله عز و جل ، هم حاولوا يفتنوك ، لكن لم يستطيعوا ، كذلك مجموعة من قریش أتوا النبي ﷺ و قالوا له إحنا نسمعك و نقعد معك بس تطرد السفهاء اللي حولك دول/هؤلاء ، عن المؤمنين ، ضعاف المؤمنين ، تطردهم و نقعد نسمعك و إيه؟ نفهم الكلام اللي أنت بتقوله ، طبعاً ده برضو إيه؟ إبتلاء ، و محاولة لفتنة النبي ﷺ عن المؤمنين ، النبي رفض ، إيه؟ لأن الفعل ده مخالف لأحكام القرآن الكريم و قواعد القرآن الكريم ، تمام كده؟ ، طيب ، (و إن كادوا ليفتنونك عن الذي أوحينا إليك لتفتري علينا غيره و إذا لاتخذوك خليلاً) ، حادثة تانية ؛ النبي ﷺ كان رايح يطوف بالكعبة في مكة ، و بعد كده راح يستلم الحجر الأسود يعني بيتدي الطواف من الحجر الأسود ، فالكفار قالوا له إيه؟ لا ، مش هنخليك تستلم الحجر الأسود أو تمسه إلا لما تمس الأصنام الموجودة حول الكعبة ، فالنبي رفض ، ف دي كلها محاولات لفتن المؤمن عن دينه و لإبعاده عن التوحيد ، و هنا بقى نشوف كلمة فتنة و كلمة إفتري من أصوات الكلمات ؛ فتنة : التاء قطع ، و النون نعمة أي تقطع النعمة و تجعل خلافها إيه؟ التأفف و الكآبة و الحزن و الألم ، فتنة ، فتن ، فتنة ، (ليفتنونك عن الذي أوحينا) يعني يقطعون نعمة الوحي التي أوحينا به إليك من خلال هذا الشرك ، تمام؟ و ثم تورث بعد ذلك إيه؟ الألم و الحزن و الكآبة و التأفف ، طيب إفتري؟ إفتري : التاء قطع برضو ، و الراء الرؤية ، تقطع ما ترى من الحق ، تمام؟ لترث بعد ذلك التأفف و الكآبة و الحزن ، لأن الكذب الشديد هو كده ، اللي يكذب يبقى خلاف ما أوحى الله عز و جل ، (و إن كادوا ليفتنونك عن الذي أوحينا إليك لتفتري علينا غيره) يعني لتقطع رؤيتك لوحي الله عز و جل ، لتقول لهم أو لتقول لغيرهم ما يرضيهم ، و هم بذلك يحاولون أن يفتنوك عن نعمة الله ، أي يبعدوك عن نعمة الله عز و جل و يقطعوها عنك ، (و إذا لاتخذوك خليلاً) لو جاوبتهم و سمعت كلامهم هيتخذوك خليل ، خليل لها معنيين : خليل من الخلّة يعني صاحب كده يحبوه ، و كذلك خليل الخلّة يعني فقير ، يعني إيه؟ يستعبدوك بقى ، يستقلوك ، يستذلوك لو سمعت كلامهم و أطعتهم في المعصية ، إذا خليل هنا تحتمل معنيين ، و هكذا القرآن هو أبطن .

{وَلَوْلَا أَنْ ثَبَّتْنَاكَ لَقَدْ كِدْتَ تَرْكُنُ إِلَيْهِمْ شَيْئًا قَلِيلًا} :

(و لولا أن ثبتناك لقد كدت تركن إليهم شيئاً قليلاً) لولا إن إحنا ثبتناك بالتوحيد و بعصمة الوحي ، تمام؟ ، لقالوا عليك بعد كده إن أنت ركنت إليهم ، (لقد كدت تركن إليهم شيئاً قليلاً) يعني لكنت إيه؟ قتلت نفسك بالفعل ده ، يعني قتلت نفسك روحياً و معنوياً يعني ، أو هم كانوا يقولوا عليك إيه؟ أنت ركنت إلينا و إن إحنا إستطعنا إن إحنا نستذلك و العياذ بالله ، لأن هكذا الشيطان يستذل بني آدم و يحاول بالخطوات إن هو يستذله إلى طريق المعصية و العياذ بالله ، ف هم شياطين إنسية حاولوا يعملوا مع النبي اللي بتعمله الشياطين الجنية ، و لكن لم يستطيعوا ، لماذا؟ لأن النبي معصوم بعصمة الوحي ، أول ما النبي يحاول ييدر منه ميل إلى شيء خاطئ ، ربنا يوحى إليه ، الوحي إيه؟ الذي يعصمه يرده إلى الصحيح ، إلى الطريق الصواب و إلى السبيل ، و هي دي معنى العصمة ، العصمة بالوحي يعني ربنا يوحى ، لما النبي يشارف إنه يقول قول خاطيء أو يعمل عمل خاطيء فيوحيله فيرجع ، هي دي العصمة . و من مظاهر عصمة النبي عصمة القضاء ، يعني أن الله يقضي قضاء مبرما كل حين لا يتراجع و لا يتوب و لا ينمحي من أجل صالح النبي فيعصمه بتلك أيضا مع الوحي .

{إِذَا لَأَذْنُكَ ضِعْفَ الْحَيَاةِ وَضِعْفَ الْمَمَاتِ ثُمَّ لَا تَجِدُ لَكَ عَلَيْنَا نَصِيرًا} :

(إذا لأذنك ضعف الحياة و ضعف الممات ثم لا تجد لك علينا نصيراً) لو سمعت كلامهم و ما استمعتش لعصمة الوحي ، ربنا هيذيقه ضعف عذاب الحياة و ضعف عذاب الممات ، يعني ضعف العذاب في الدنيا و ضعف العذاب في البرزخ ، (ثم لا تجد لك علينا نصيراً) في البرزخ و في يوم القيامة ، محدش يقدر ينصرك علينا .

{وَإِنْ كَادُوا لَيَسْتَفْزُونَكَ مِنَ الْأَرْضِ لِيُخْرِجُوكَ مِنْهَا وَإِذَا لَا يَلْبَثُونَ خِلَافَكَ إِلَّا قَلِيلًا} :

(و إن كادوا ليستفزونك من الأرض ليخرجوك منها) دي نبوءة ، نبوءة قرآنية إن هم كفار قريش في مكة هيخرجوا النبي ﷺ أو هيتسببوا في خروجه من إيه؟ من مكة ، (و إن كادوا ليستفزونك من الأرض) أي أنهم أوشكوا على أن يخرجوك من الأرض ، يستفزونك يعني إيه؟ يجعلوك غير ساكن ، غير مستقر في هذه الأرض ، يضطروك إلى الهجرة ، لأن النبي هاجر إضطراراً ، لأن هم حاولوا يقتلوه ، و هيفضل قاعد؟ لا ، فر بدينه هو و أصحابه ، (و إن كادوا ليستفزونك من الأرض ليخرجوك منها) و ده اللي حصل ، الرسول إضطر إنه يهاجر ، (و إذا لا يلبثون خلافاً إلا قليلاً) دي نبوءة ثانية بعد الهجرة ، بعد ما تخرج إضطراراً ، بعدها على طول هتهزمهم على يدك في موقعة إيه؟ بدر ، (و إذا لا يلبثون خلافاً إلا قليلاً) يعني هتقتل منهم صناديدهم... و رؤوسهم و كبارهم في غزوة بدر و ده اللي حصل ، يبقى دي النبوءة ، نبوءة إيه؟ نبوءة مزدوجة .

{سُنَّةَ مَنْ قَدْ أَرْسَلْنَا قَبْلَكَ مِنْ رُسُلِنَا وَلَا تَجِدُ لِسُنَّتِنَا تَحْوِيلًا} :

(سنة من قد أرسلنا قبلك من رسلنا) دي السنة الجارية بسبب بعث الأنبياء ، أن ربنا يبعث نبي و الأمة تكذب ، فبشؤم المعصية دي و بشؤم التكذيب ، ربنا يبعث عليهم العذاب و بعد كده ينصر النبي ، دي سنة ، (سنة من قد أرسلنا قبلك من رسلنا و لا تجد لسنتنا تحويلاً) دي سنة ثابتة لا تتحول من حال إلى حال ، إنما هي سنة ثابتة ، تمام؟ سنة بعث الأنبياء اللي هو قانون البعث ، قانون البعث النبوي اللي إحنا تكلمنا عنه قبل كده .

{أَقِمِ الصَّلَاةَ لِذُلُوكِ الشَّمْسِ إِلَى غَسَقِ اللَّيْلِ وَقُرْآنَ الْفَجْرِ إِنَّ قُرْآنَ الْفَجْرِ كَانَ مَشْهُودًا} :

(أقم الصلاة لدلوك الشمس إلى غسق الليل) هنا أمر للنبي و لأتباع النبي بأداء الصلوات المفروضة ، (لدلوك الشمس) يعني بعد ميلان الشمس ، الشمس بتبقى عامودية كده في السما في الظهر ، بعد ما تميل يبدأ صلاة الظهر ، (لدلوك الشمس) يعني صلاة الظهر و العصر و المغرب ، (إلى غسق الليل) يعني صلاة العشاء ، (و قرآن الفجر) صلاة الصبح ، كده خمس صلوات مفروضة ، (إن قرآن الفجر كان مشهوداً) فترة التماس ما بين قبل الشروق و الشروق ، اللي هي منطقة الإسفار ، وقت الإسفار ، دي أفضل وقت لصلاة الصبح ، ليه؟ لأن الفترة دي بتبقى مشهودة ، مشهودة بإيه؟ بالملايكة ، ملايكة النهار بيجمعوا ليروا ملايكة الليل و هم يُغادرون ، فالإثنين ؛ ملايكة النهار و ملايكة الليل بيجمعوا في الفترة دي ، في نقطة التماس دي أو في زمن التماس اللي هو الإسفار ، اللي هو أفضل وقت لصلاة الصبح ، و كذلك وقت المغرب ، وقت المغرب أيضاً هي نقطة تماس زمانياً فتجتمع فيها الملايكة ، ملايكة النهار و ملايكة الليل ، فيبقى وقت مبارك ، وقت المغرب و وقت الإسفار ، تمام؟ ، يبقى وقت مشهود ، أي مشهود بملايكة الليل و النهار .

{وَمِنَ اللَّيْلِ فَتَهَجَّدْ بِهِ نَافِلَةً لَّكَ عَسَىٰ أَن يَبْعَثَكَ رَبُّكَ مَقَامًا مَّحْمُودًا} :



(و من الليل فتهجد به نافلة لك) ربنا بيدعو أو بيندب النبي و المؤمنين إن هم يقيموا من الليل ما يستطيعون ، يصلوا صلاة الليل يعني ، (و من الليل فتهجد به نافلة لك) تهجد يعني إسهر و إستيقظ لصلاة الليل ، كذلك تهجد يعني نام ، فكلمة التهجد هي من معاني الأضداد ، لأن في كلمات في اللغة العربية تحتل المعنيين ، من ضمنها : تهجد أو هَجَدَ ، هجد يعني نام ، و كذلك هجد يعني إستيقظ ، لكن هنا أتت بمعنى إيه؟ (و من الليل فتهجد به) إستيقظ به ، (نافلة لك) يعني إيه؟ زيادة ، (عسى أن يبعثك ربك مقاماً محموداً) ببركة عملك ده و طهارة قلبك و قيام الليل و دعائك في السحر ، ربنا هيبعثك مقام محمود ، المقام المحمود اللي هو إيه؟ إن هو يجعلك شفيع لأمتك و يجعل في أمتك أنبياء على عهدك ، يتبعون لك و يتبعون لشريعتك و يؤيدون رسالتك ، فهو ده المقام المحمود في الدنيا و الآخرة ، في الدنيا و الآخرة ، تمام؟ طيب ، شفاعة النبي ليوم القيامة بس؟؟ أنا بقول إنها موجودة في الدنيا برضو ، إزاي؟ من خلال الوسيلة ، يعني إيه الوسيلة؟ يعني أقول و بحق وجه النبي محمد ﷺ وفقني ، فإنت كده إستشفعت إلى الله و توسلت إلى الله بوجه النبي و بحق إيه؟ طهارة قلب النبي محمد ، ف دي شفاعة ، نوع من أنواع الشفاعة ، صح كده؟ ، إذا المقام المحمود هو ربنا إداله/أعطاه الشفاعة في الدنيا و الآخرة ، و إداله/أعطاه إيه؟ ببركة ده ، أنبياء يؤيدونه إلى قيام الساعة .

{وَقُلْ رَبِّ ادْخُلْنِي مَدْخَلَ صِدْقٍ وَأَخْرِجْنِي مَخْرَجَ صِدْقٍ وَاجْعَلْ لِي مِنْ لَدُنْكَ سُلْطَانًا نَّصِيرًا} :

(و قل رب أدخلني مدخل صدق و أخرجني مخرج صدق) خلي بالك من المعنى الدقيق ده ، هنا ربنا بيقوله ادعوني أن يُدخلك الله في البرزخ دخول صدق ، و يُخرجك منه خروج صدق ، طيب إيه ربنا عبر عن مدخل بكلمة مُدخل ، و المخرج بكلمة مُخرج؟؟ مُدخل و مُخرج مبني للمجهول لأن البرزخ مجهول ، بعد الموت إيه؟ مش مجهول؟ ، طيب ، المجهول ده ربنا بيقوله إدعي إنه يكون صدق ، إن هو إيه؟ يكون فيه خير لك ، الدعاء طبعاً له و للأنبياء و لأتباعه و للمؤمنين ، فهو ربنا بيقول للنبي عشان يعلم المؤمنين ، لأن النبي قدوة ، (و قل رب أدخلني مدخل صدق) أدخلني مدخل البرزخ ، يكون إيه؟ صدق ، فيه صدق ، يعني فيه إيه؟ فيه جنة ، و فيه خير و فيه نعيم ، (و أخرجني مخرج صدق) و أخرجني من البرزخ ده إلى يوم القيامة ، مُخرج صدق ، لأن برضو يوم القيامة مجهول بالنسبة للإنسان ، فمُخرج مبني للمجهول و مُدخل مبني للمجهول ، تمام؟ ، يعني ممكن هي مبني للمجهول و هي أسماء ، هي أسماء و هي أيضاً إيه؟ أفعال مبنية للمجهول ، تحتل إيه؟ المعنيين ، (مُدخل) الواحد يقولك إيه ، هذا مُدخل ، هنا مبني للمجهول ، و هذا مُخرج ، مبني للمجهول ، كذلك أسماء ، مُدخل هو إسم و مُخرج هو إسم ، إذاً عبر عن اللحظة دي بإسم و فعل ينتمي إيه؟ للمجهول ، عشان يبين لنا إن البرزخ ده مجهول ، و يوم القيامة مجهول ، فإحنا نستشفع بالصدق ، نستشفع بإيه؟ بالصدق ، اللي هو إيه؟ الإحسان ، اللي هو المراقبة ، صح كده؟ ، (و اجعل لي من لدنك سلطاناً نصيراً) انصرني يا رب ، انصرني من عندك يا رب العالمين ، ربنا هنا بيعلم هنا النبي و المؤمنين الدعاء ، يبقى هنا ربنا بيعلمهم الدعاء و بيعلمهم الصلوات المفروضات و بيعلمهم صلاة الليل و يحفز النبي و بينشطه بالمقام المحمود ، تمام؟ الذي تحققت بوادره في الدنيا و سيتحقق بأمر الله عز و جل كامله في الآخرة . حد عنده سؤال تاني؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه التاسع من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه التاسع من أوجه سورة الإسراء ، و أجاب على أسئلتنا بهذا الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه التاسع من أوجه سورة الإسراء ، و نبدأ بأحكام التلاوة و إرسال :

مد فرعي بسبب السكون :

مد عارض للسكون و يكون غالباً في نهايات الآيات و يمد بمقدار ٤ إلى ٥ حركات .

و مد لازم حرفي أو كلمي : الحرفي هو في أوائل السور ، و الكلمي مثقل و يُمد بمقدار ٧ حركات مثل (و لا الضالين) .

و المد الحرفي له ثلاثة أنواع : حرف واحد يمد حركة واحدة و هو الألف في حروف المقطعات في بداية السور ، مجموعة من الحروف تمتد بمقدار حركتين و هي مجموعة في جملة (حي طهر) ، و حرف تمتد بمقدار ٦ حركات و هي مجموعة في جملة (نقص عسلكم) .

و ثم تابع نبي الله يوسف الثاني ﷺ الجلسة بشرح الوجه لنا فقال :

في هذا الوجه العظيم يقول تعالى :

{وَقُلْ جَاءَ الْحَقُّ وَزَهَقَ الْبَاطِلُ إِنَّ الْبَاطِلَ كَانَ زَهُوقًا} :

(و قل جاء الحق و زهق الباطل إن الباطل كان زهوقاً) هنا نبوءة عن إنتصار النبي ﷺ في فتح مكة ، و هذا ما حدث بالفعل ، عندما فتح مكة النبي ﷺ ، كان بيده إيه؟ عصا ، كان يضرب بها الأصنام و يقول (جاء الحق و زهق الباطل إن الباطل كان زهوقاً) أي إنتصار الحق على الباطل ، و إنتصار التوحيد على الشرك ، و إنتصار القرآن على ما غيره من إيه؟ الخزعات (و قل جاء الحق) الحق : قوة الراحة ، لأن قوة الراحة تكون إيه؟ في الصدق ، و الصدق هو الحق ؛ القاف قوة و الحاء راحة ، الحق هي قوة الراحة ، ترتاح أوي لما تقول الصدق ،

طيب . (و زهق الباطل) زهق الباطل يعني مات الباطل ، صح؟ بس شوف بقى أصوات الكلمات ، خلي بالك ، الباطل : اللام علة ، و الطاء قطع غليظ يؤدي إلى إنقطاع الحاجة أو الإحتياج ، يعني الذنب يقطع الرزق ، اللام علة ، علة قطع الحاجة و الإحتياج ، تمام؟ اللي هي إيه؟ الذنب و هو الباطل و هو الكذب ، صح؟ ، إذاً الباطل هو علة قطع الحاجة ، يعني إيه؟ حاجتك تنقطع ، إنتهى ، رزقك إيه؟ ينقطع بالذنب و العياذ بالله ، طيب ، زهق : القاف قوة ، الهاء تنبيه ، و الزاي صوت الذنب في الرؤيا ، تمام؟ ، إذاً قوة التنبيه أو قوة تنبيه آثار الذنب ، هذا هو إيه؟ زهق ، معنى زهق ، أي مات بشؤم المعصية ، لذلك تجد إيه؟ كلمة زهق و زهوقاً و تزهق ، دايماً ربنا يأتي بها في مناط الوعيد للكافرين ، صح؟ ، و لكن المؤمنين ، يقول : يتوفى ، تتوفى ، و وفيت ، (و قل جاء الحق و زهق الباطل إن الباطل كان زهوقاً) يعني الباطل دايماً لجلج ، ينتهي إلى الموت و لا يستقر ، هكذا الباطل هو ميت .

{وَنُزِّلَ مِنَ الْقُرْآنِ مَا هُوَ شِفَاءٌ وَرَحْمَةٌ لِّلْمُؤْمِنِينَ وَلَا يَزِيدُ الظَّالِمِينَ إِلَّا خَسَارًا} :

(و نزل من القرآن ما هو شفاء و رحمة للمؤمنين) القرآن في حد ذاته ، قرأته هي شفاء روحي و قد تتعدى إلى الشفاء المادي و الجسدي ببركة إيه؟ الأثر الروحي ، تمام؟ (و نزل من القرآن ما هو شفاء و رحمة للمؤمنين) و من ضمن أنواع و مظاهر الشفاء ده إيه؟ الرؤى و كلمات الرؤى التي تنطبق على كلمات القرآن ، تعابير الرؤى و كلمات الرؤى تنطبق على كلمات و أمثال القرآن ، و الرؤى في حد ذاتها هي شفاء ، شفاء عقلي و شفاء نفسي و شفاء روحي ، تمام؟ ، (و نزل من القرآن) أي من كلمات القرآن في الرؤى و تمثلاتها في الرؤى ما هو شفاء و رحمة للمؤمنين ، ده معنى ، (و لا يزيد الظالمين إلا خساراً) يعني لا يزيد الظالمين بعدهم عن القرآن إلا خساراً ، لأن الظالم بعيد عن القرآن ، لأن الظالم مشرك مش موحد ، فلا يزيده بعده عن القرآن إلا خسارة ، فلا يتمتع ببركات القرآن ، سواء أكانت بركات ظاهرة كده بالقراءة أو بركات باطنة ، في البركات و الرؤى ، في الرؤى مثلاً ، دي من ضمن البركات الباطنة الخفية .

{وَإِذَا أَنْعَمْنَا عَلَى الْإِنْسَانِ أَعْرَضَ وَنَأَىٰ بِجَانِبِهِ وَإِذَا مَسَّهُ الشَّرُّ كَانَ يَؤُوسًا} :

(و إذا أنعمنا على الإنسان أعرض و نأى بجانبه و إذا مسه الشر كان يؤوساً) ربنا بيحكي هنا عن طبيعة البشر الذين يخلدون إلى الأرض و يستسلمون إلى إغواء الشياطين ، إذا ربنا أنعم على الإنسان أعرض ، تكبر و نأى بجانبه ، عمل كده ، قام مسعر خده و إيه؟ متكبر ، و يمشي كده يقولك يا أرض اتهدّي ما عليك أي/قدي ، متكبر يعني ، (إذا مسه الشر كان يؤوساً) جاله/أتاه إيه؟ عذاب ، كان يؤوسا ، عنده يأس ، تمام؟ ، يعني يائس من رحمة الله و العياذ بالله ، لم يشكر نعمة الله عز و جل و لم يتذكر نعم الله عز و جل و رحماته عليه ، (و إذا أنعمنا على الإنسان أعرض و نأى بجانبه و إذا مسه الشر كان يؤوساً) يعني ربنا هنا بيوصف حال الإنسان المفلس ده ، علشان نجتنب هذا الفعل ، يعني المفروض إذا أنعم ربنا علينا نكون متواضعين و شاكرين لنعمة الله ، و اذا مسنا إبتلاء نكون حامدين لله عز و جل و صابرين ، ده المعنى ، ربنا بيصف الحالة المزريّة للإنسان اللي أخلد للأرض ده علشان نجتنب هذه الحال ، و من باب النصيحة و الموعظة .

{قُلْ كُلٌّ يَعْمَلُ عَلَى شَاكِلَتِهِ فَرَبُّكُمْ أَعْلَمُ بِمَنْ هُوَ أَهْدَى سَبِيلًا} :

(قل كل يعمل على شاكلته) يعني على شاكله نفسه التي تكونت نتيجة تفاعل العقل و الجسد و الوجدان مع الروح ، فإن كان تفاعل حميداً كانت نفساً حميدة مطمئنة ، و إن كان تفاعلاً سيئاً شريعراً كانت نفسه شريرة و العياذ بالله ، إذاً (قل كل يعمل على شاكلته) على شاكله نفسه التي تكونت نتيجة عمل الإنسان و تفاعله معها ، (فربكم أعلم بمن هو أهدى سبيلاً) ربنا أعلم باللي هو أقرب للسبيل ، (من هو أهدى) يعني أكثر هداية و إقتراباً من السبيل ، إيه هو السبيل؟ سبيل الروح ، (إذاً لا بتغوا إلى ذي العرش سبيلاً) ، تمام؟ ، عرفنا طبعاً كلمة السبيل معناها إيه؟ طريق الروح و معراج الروح و معارج القبول ... ، تمام؟ .

{وَيَسْأَلُونَكَ عَنِ الرُّوحِ قُلِ الرُّوحُ مِنْ أَمْرِ رَبِّي وَمَا أُوتِيتُمْ مِنَ الْعِلْمِ إِلَّا قَلِيلًا} :

(و يسألونك عن الروح) أهو ، كان بيتكلم عن سبيل الروح ، رينا قال بعدها إيه؟ (و يسألونك عن الروح) شفت المناسبة هنا ، (و يسألونك عن الروح قل الروح من أمر ربي) يعني الروح ده من شأن الله عز و جل ، و سر من أسرار الله يُطلع عليها أو يُطلع المؤمنين و الأولياء و المُحدثين على أجزاء منها ، على أجزاء من شأنها و أمرها ، رينا هنا بيقله خاطب الكفار و قول لهم إيه؟ (و ما أوتيتم من العلم إلا قليلاً) لم تُعطوا من الروح إلا قليلاً ، نتيجة إيه؟ شؤم معاصيكم و إبتعادكم عن التوحيد و عن النبي ، (و يسألونك عن الروح قل الروح من أمر ربي و ما أوتيتم من العلم إلا قليلاً) طبعاً هنا إيه؟ السؤال كان من اليهود للنبي ﷺ مع عدة أسئلة أخرى ، فربنا بيقول لهم على لسان النبي (و ما أوتيتم من العلم إلا قليلاً) ما أوتيتم من الروح إلا قليلاً ، فاسمعوا و أطيعوا لنبي الزمان ، محمد ﷺ .

{وَلَئِنْ شِئْنَا لَنَذْهَبَنَّ بِالَّذِي أَوْحَيْنَا إِلَيْكَ ثُمَّ لَا تَجِدُ لَكَ بِهِ عَلَيْنَا وَكِيلًا} :

(و لئن شئنا لنذهبن بالذي أوحينا إليك ثم لا تجد لك به علينا وكيلاً) لو شئنا لأذهبنا نعمة و بركة القرآن من الأرض ، و لم نجعل له تأثير في الرؤى و في بركات الله عز و جل التي تحل على البشر ، لو شئنا لنزعنا بركات القرآن من الأرض ، (و لئن شئنا لنذهبن بالذي أوحينا إليك ثم لا تجد لك به علينا وكيلاً) محدش يقدر ينصرك علينا ، نتيجة إن إحنا رفعنا بركة القرآن من الصدور و الرؤى و النفوس و من الإيه؟ و من الأرض و من السماء ، لكن ربنا أبقاه ، ليه؟ (إلا رحمة من ربك) .

{إِلَّا رَحْمَةً مِّن رَّبِّكَ إِنَّ فَضْلَهُ كَانَ عَلَيْكَ كَبِيرًا} :

لكن ربنا أبقاه ، ليه؟ (إلا رحمة من ربك) ربنا منزل القرآن في حد ذاته ده رحمة ، في حد ذاته هو رحمة ، (إن فضله كان عليك كبيراً) ده فضل عظيم جداً و نعمة عظيمة جداً ، يجب أن تشكرها أنت و المؤمنين .

{قُلْ لِّئِنْ اجْتَمَعَتِ الْإِنْسُ وَالْجِنُّ عَلَى أَنْ يَأْتُوا بِمِثْلِ هَذَا الْقُرْآنِ لَا يَأْتُونَ بِمِثْلِهِ وَلَوْ كَانَ بَعْضُهُمْ لِبَعْضٍ ظَهِيرًا} :

(قل لئن اجتمعت الإنس و الجن على أن يأتوا بمثل هذا القرآن لا يأتون بمثله و لو كان بعضهم لبعض ظهيراً) يعني لو كل الإنس و كل الجن اجتمعوا كده و عملوا مشروع نعمل كتاب كده زي القرآن ، مش هيعرفوا ، مش هيعرفوا إزاي؟ هم مش هيقدروا يحطوا/يضعوا كلمات جنب بعض كده بأي برنامج مثلاً كمبيوتر دلوقتي ، أو زمان يرسوا كلام جنب بعض كده مسجوع ، يقدر؟ لكن هنا يقصد إيه؟ المعنى الروحي ، يعني القرآن ده بترتيبه في حد ذاته ، فيه بركات ، و كلماته في حد ذاتها تتمثل في الرؤى ببركات و نعيم و نور ، هم بقى الإنس و الجن مايقدروش يعملوا التوليفة دي ، التوليفة دي بتاعت ربنا بس ، هو اللي يقدر يعملها ، و يقدر من خلال الكلمات دي ينشر البركات في الأرض و في الرؤى و في السماء ، تمام؟ ده المعنى يعني ، (قل لئن اجتمعت الإنس و الجن على أن يأتوا بمثل هذا القرآن لا يأتون بمثله و لو كان بعضهم لبعض ظهيراً) ظهيراً يعني مسانداً و معاضداً ... و ناصراً .

{وَلَقَدْ صَرَّفْنَا لِلنَّاسِ فِي هَذَا الْقُرْآنِ مِنْ كُلِّ مَثَلٍ فَأَبَى أَكْثَرُ النَّاسِ إِلَّا كُفُورًا} :

(و لقد صرفنا للناس في هذا القرآن من كل مثل فأبى أكثر الناس إلا كفوراً) ده برضو معناه تمثل إيه؟ كلمات القرآن في الرؤى ، لأن الأمثال هي إيه؟ هي الرؤى ، لأن الرؤى أمثال ، (و لقد صرفنا للناس في هذا القرآن من كل مثل فأبى أكثر الناس إلا كفوراً) إذا الأمثال في الرؤى و كلمات القرآن تنطبع إيه؟ في الرؤى ، و ربنا سبحانه و تعالى بيخلق مشاهد الرؤى ببركات القرآن ، و كذلك التأويل ، تأويل الرؤى تكون إيه؟ على مناط كلمات القرآن ، دي معنى ، و كذلك (و لقد صرفنا للناس في هذا القرآن من كل مثل) يعني ربنا ضرب الأمثال في القرآن على أمور حياتية كثيرة و أمور أخروية كثيرة ، لكي نستفيد و نأخذ العظة و العبرة ، (فأبى أكثر الناس إلا كفوراً) يعني أكثر الناس كافرين ، غير شاكرين لنعمة الله ، معرضين ، متكبرين ، أنانيين و العياذ بالله .

{وَقَالُوا لَنْ نُؤْمِنَ لَكَ حَتَّى تَفْجُرَ لَنَا مِنَ الْأَرْضِ يَنْبُوعًا} :

(و قالوا لن نؤمن لك حتى تفجر لنا من الأرض ينبوعاً) هنا بقى ربنا بيعبر و يفصل و بيحلل لنا نفسية إيه؟ الكفار ، إن هم بيحبوا الحاجات المادية ، يتبعوا الآيات المادية ، و يتبعوا الأموال و الثروات ، و يتبعوا الملوك اللي معهم القوة الباطشة المادية ، هم دول/هؤلاء ، خلي بالك ، فربنا هنا هيبين الفرق بين القوة المادية دي و الآيات الحقيقية ، إيه الآية الحقيقية؟ الآية الحقيقية هي إيه؟ أن تدعو الله فيستجيب لك و تحقق النبوءات و الكشوف و الروح ، هي دي الآيات الحقيقية ، اللي بتجييلك المؤمنين الأطهار ، بتجييلك النفوس الطاهرة المزكاة ، و بتبعد عنك المنافقين اللي هم عاوزين الدنيا بس ، و يهتمهم المظاهر بس ، و القوة المادية بس ، فبالتالي حمل النبي ببقى خفيف ، هنا بقى كده ، مهمته ببقى أسهل ، إن ربنا يجمع حوله المؤمنين الأطهار اللي هم عاوزين إيه؟ زكاة الروح و زكاة النفس و الإتصال بالله عز و جل في السبيل ، في سبيل الروح ، لكن لو تخيل بقى النبي معه أموال بقى كده و مُلك و مناصب ، كل الكذابين و المنافقين هيجوا/سيأتوا حوله ، و المؤمنين إيه؟ هيختفوا ، يبقى أصبحت مهمة النبي

صعبة ، فهي دي حكمة إن ربنا جعل الآيات الحقيقية هي في الآيات الروحية و إستجابة الدعاء و تحقق النبوءات ، هنعرف إزاي؟ هنعرفها إن شاء الله في آخر الوجه ، (و قالوا لن نؤمن لك حتى تفجر لنا من الأرض ينبوعاً) يعني مش هنحاول إيه ، نيجي/نأتي حولك كده و نحاول نؤمن بك إلا لما إيه؟ تفجر لنا الأرض ينبوع ، هنا في الأرض الصحرا دي ، ينبوع كده جميل ، مية/ماء ، مية/مياه نظيفة يعني ، ده كان أعظم آمال كفار قريش ساعتها يعني .

{أَوْ تَكُونَ لَكَ جَنَّةٌ مِّن نَّخِيلٍ وَعِنَبٍ فَتُفَجَّرَ الْأَنْهَارُ خِلَالَهَا تَفْجِيرًا} :

(أو تكون لك جنة من نخيل و عنب) يكون عندك بستان كبير جداً ، تخلق لنا إيه أو تأمر الأرض كده تطلع/تخرج نخيل و عنب ، (فتفجر الأنهار خلالها تَفْجِيرًا) يبقى في حولها أنهار كثير كده ، يبقى إنت كده إيه؟ راجل تمام ، كده إنت جيت/أتيت بمصلحة مفيدة لنا ، حاجة مفيدة ، دايماً كده المنافق و الكافر بيبقى عاوز السبوبة... ، عاوز حاجة تجيله فلوس ، دي أهم حاجة ، مش مهم عنده الأخلاق و لا القيم . و بمناسبة هذه الآية تذكرت رواية لأحد معارفي انه تقابل مع رجل من اهل السعودية في المدينة المنورة فقال له يا حظكم عندكم قبر الرسول فقال له ذلك الشقي : خذوه و اعطونا نهر النيل !!!!!!!!!!!!!!! فهذا مثال على تكرار الكفار على مر التاريخ و الزمان و تكرار نفسياتهم و عللهم و عللتهم الدنيئة السقيمة .

{أَوْ تُسْقِطَ السَّمَاءَ كَمَا زَعَمَتْ عَلَيْنَا كِسْفًا أَوْ تَأْتِيَ بَالَهُ وَالْمَلَائِكَةُ قَبِيلًا} :

(أو تسقط السماء كما زعمت علينا كسفا أو تأتي بالله و الملائكة قبيلًا) يعني تجيب لنا عذاب كده زي اللي إنت وعدنا به و هددتنا به ، لو حصل ، هنبدا نؤمن بك ، (أو تأتي بالله و الملائكة قبيلًا) يعني تظهر لنا الله اللي بتعبده ده ، و الملائكة اللي إنت بتتكلم عنهم ، ظهور مادي ، (قبيلًا) يعني قدامنا/أمامنا ، في مقابلنا يعني ، كل دي حاجات مادية ، أسئلة مادية لإيه؟ بيسألوها للنبي ، بيعبروا عن نفوسهم الخبرة و كذلك بيحاولوا يعجزوا النبي .

{أَوْ يَكُونَ لَكَ بَيْتٌ مِّن زُخْرَفٍ أَوْ تَرْقَى فِي السَّمَاءِ وَلَن نُّؤْمِنَ لِرُقِيِّكَ حَتَّى تُنْزِلَ عَلَيْنَا كِتَابًا نَّقْرُؤُهُ قُلْ سُبْحَانَ رَبِّي هَلْ كُنْتُ إِلَّا بَشَرًا رَسُولًا} :

(أو يكون لك بيت من زخرف) يكون عندك قصر كبير جداً مزخرف زي قصر كسرى أو قيصر مثلاً ، أهو شايف ، بيدوروا/بيبحثوا دايماً على الحاجات المادية ، (أو ترقى في السماء) يعني نشوفك كده و إنت طالع فيين ، عند الكواكب اللي هناك دي ، كأن معك سفينة فضائية مثلاً دلوقتي ، ما هي برضو حاجة مادية ، و برضو (و لن نؤمن لرقيك) حتى لو شفناك بترقى كده ، (لن نؤمن لرقيك حتى تنزل علينا كتاباً نقرأه) تجيب لنا أو تظهر لنا فجأة كتاب مكتوب لوحده كده ، فيه التعاليم إيه؟ اللي إنت بتدعي إنها من الإله ، مش إنت تُملي مثلاً أو إنت تكتب ، لا ، برضو دي حاجات كلها إيه؟ مادية أو سحرية ، تمام؟ ، (قل سبحان ربي هل كنت إلا بشراً رسولاً) ربنا بينصحه يقول لهم (قل سبحان ربي هل كنت إلا بشراً رسولاً) أنا مجرد بشر رسول ، مجرد بشر و رسول لكم من الله ، (سبحان ربي) هنا من باب إيه؟ الإستتكار ، من

باب التعجب ، سبحان الله ، سبحان ربي ، من باب إيه؟ تنزيه الله عز وجل و أيضاً إيه؟ إستنكار كلام الكفار ، تمام؟ .

{وَمَا مَنَعَ النَّاسَ أَنْ يُؤْمِنُوا إِذْ جَاءَهُمُ الْهُدَى إِلَّا أَنْ قَالُوا أَبَعَثَ اللَّهُ بَشَرًا رَسُولًا} :

(و ما منع الناس أن يؤمنوا إذ جاءهم الهدى إلا أن قالوا أبعث الله بشراً رسولاً) يعني ده مجرد واحد زينا زييه بشر ، هو ده يعني اللي هنتبعه؟ هو أحسن منّا في إيه؟؟ هو ده اللي منع الناس ، يعني الكبر ، يعني الكبر هو اللي منعهم ، تمام؟ ، طبعاً ربنا هنا بيتكلم عن نفسياتهم عشان نعرف نتعامل معهم و إيه؟ مانساش عليهم لما يكفروا .

{قُلْ لَوْ كَانَ فِي الْأَرْضِ مَلَائِكَةٌ يَمْشُونَ مُطْمَئِنِّينَ لَنَزَلْنَا عَلَيْهِمْ مِنَ السَّمَاءِ مَلَكًا رَسُولًا} :

خلي بالك في الآية اللي جاية دي ، الآية الجاية دي أنا بسميها لازم البعث ، النبي ﷺ قال إيه؟ "خير القرون قرني ((يعني الفترة اللي أنا عايش فيها و أصحابي)) ثم الذين يلونهم ، ثم الذين يلونهم ، ثم الذين يلونهم ((يعني قرنين بعدي ، هم دي خير القرون)) ، ثم يفشو الكذب ((يبقى إيه ، الكذب كثير أوي ها ، و الروايات المكذوبة كثير و الموضوعات كثير ، و الروايات الموضوعية كثير)) ، يعني أتباع محمد ﷺ مش هيبقوا ملايكة ، صح؟ مش هيبقوا إيه؟؟ ملايكة ، طيب بص الآية دي (قل لو كان في الأرض ملائكة يمشون مطمئنين لنزلنا عليهم من السماء ملكاً رسولاً) لو حتى الملايكة مابيعصوش هنزل لهم برضو رسول ، إذا سنة البعث دي ، سنة ثابتة ، جارية ، لا تتعطل عند الله عز وجل ، فإذا كان الملايكة اللي هم ماشيين على الصراط المستقيم ، ربنا هيبعث لهم ، العصاة بقى و الفساق و الذين كذبوا على النبي ﷺ و حرفوا دينه ، ربنا مش هيبعث لهم رسول؟؟ يبقى من باب أولى يبعث للفاسقين رسول ، إذا سنة البعث لا تنقضي و لا تنتهي ، يبقى ده دليل على استمرار البعث ، دليل إيه؟ غير مباشر على استمرار البعث ، أهو ، (قل لو كان في الأرض ملائكة يمشون مطمئنين لنزلنا عليهم من السماء ملكاً رسولاً) حتى لو ملايكة ماشيين على الصراط المستقيم يعني مكلفين تكليف إجباري مش تكليف إختيار ، يعني مجبولين على الطاعة ، مش مكلفين تكليف إختيار يا طاعة يا معصية زي البشر ، لا ، لو كانوا حتى ملايكة ، لبعث لهم رسول من آن إلى آن ، و من حين إلى حين ، يبقى من باب أولى الفساق و العصاة ، صح كده؟ ، ده شاهد من شواهد استمرار البعث في أمة محمد ﷺ .



{قُلْ كَفَى بِاللَّهِ شَهِيدًا بَيْنِي وَبَيْنَكُمْ إِنَّهُ كَانَ بِعِبَادِهِ خَبِيرًا بَصِيرًا} :

خلي بالك بقى ، الآية الكبيرة أهي ، هي دي الآية الحقيقية اللي ربنا بيقصدها و الأنبياء بيقصدها ، و اللي بتجيب الخُص من الناس ، حتى لو كانوا بضع نفر ، حتى لو كانوا قليلين ، يبقى هم دول/هؤلاء الزبدة ، هم دول/هؤلاء الخلاصة ، هم دول/هؤلاء الصفوة ، هم دول/هؤلاء الخُص ، (قل كفى بالله شهيداً بيني و بينكم) يعني إسألوا الشاهد ، مين الشاهد؟ الله ، إسألوه ، لو رد عليك و أعطاك الإجابة و حقق لك نبوءات في الرؤى ، يبقى إيه؟ النبي ﷺ أنت سألت عنه ده ، صادق ، ده مثال بسيط يعني ، يبقى إسألوا الشاهد ، هي دي الآية الحقيقية ، (قل كفى بالله شهيداً بيني و بينكم إنه كان بعباده خبيراً بصيراً) ربنا خبير بصير يعني عارف

إيه اللي يجيب الأطهار للنبي ، و إيه اللي يعد عنه الأشرار من المنافقين و الكافرين ، اللي يجيب الأشرار إيه؟ بيت من زخرف ، بستان كبير ، آية مادية ، فلوس ، أموال ، قوة ، دول اللي يجمع حولك الكذابين و المنافقين و الطبالين ، طيب و بعيدين ، و المؤمنين؟ كده كده المؤمنين إيه؟ عندهم عفة ، عندهم إيه؟ تقوى و أزكياء ، فيروحوا فين وسط المنافقين دول/هؤلاء؟ ، قربنا كده كده بيطهر الجماعة ، فيجعل الآيات إيه؟ روحية ، و تنبني على سؤال الله و الإستخارة و سؤال الشاهد الله عز و جل ، مين اللي يقدر على كده؟ الطاهر بس ، قربنا عاوز يجيب حول النبي الأطهار و يعد عنه الأشرار ، طبعاً العصمة النبوية قلناها المرة اللي فاتت ، نأكد عليها و هنزود عليها حاجة ، العصمة النبوية هي عبارة عن عصمة الوحي ، يعني النبي ماشي في دعوته ، لو قصر أو قال أو حاول أو بدّر منه مثلاً إيه ، خطأ أو سهو ، ربنا بيعصمه بالوحي ، ربنا بيبعث له رؤيا أو مكالمة ، وحي يعني أو درجة من درجات الوحي اللي إحنا عارفينها ، كذلك نوع من أنواع العصمة ، القضاء ، ربنا بيقضي قضاء مبرم لشيء معين في حياة النبي بيخليه يعصمه من أمر ما ، ف دي نوع من أنواع العصمة ، خلاص؟ ، يبقى كده فهمنا إيه هي العصمة النبوية ، و فهمنا إيه هي أهم آية ، و أهم الآيات هي الآيات الروحية التي إيه؟ تتلخص في إجابة الدعاء و تحقق النبوءات ، تمام كده؟ . حد عنده أي سؤال ثاني؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

درس القرآن و تفسير الوجه الأخير من الإسراء .

أسماء إبراهيم :

شرح لنا سيدي و حبيبي يوسف بن المسيح ﷺ أثناء جلسة التلاوة المباركة من أحكام التلاوة ؛ من أحكام المد ، ثم قام بقراءة الوجه الأخير من أوجه سورة الإسراء ، و أجاب على أسئلتنا بهذا الوجه .

بدأ نبي الله جلسة التلاوة المباركة بقوله :

الحمد لله ، الحمد لله وحده ، الحمد لله وحده و الصلاة و السلام على محمد و من تبعه من أنبياء عهده و بعد ، لدينا اليوم الوجه الأخير من سورة الإسراء ، و نبدأ بأحكام التلاوة و أحمد :

المدود الخاصة و تمد بمقدار حركتين ، و هي :

- مد لين مثل بيت ، خوف .
- مد عوض مثل أبدا ، أحدا
- مد بدل مثل آدم ، أزر .
- مد الفرق مثل الله ، الذكرين .

و ثم تابع نبي الله يوسف الثاني ﷺ الجلسة بشرح الوجه لنا فقال :

في هذا الوجه العظيم ، الوجه الأخير من سورة الإسراء ، يقول تعالى :

{وَمَنْ يَهْدِ اللَّهُ فَهُوَ الْمُهْتَدِ وَمَنْ يُضْلِلْ فَلَنْ تَجِدَ لَهُمْ أَوْلِيَاءَ مِنْ دُونِهِ وَنَحْشُرُهُمْ يَوْمَ الْقِيَامَةِ عَلَىٰ وُجُوهِهِمْ عُمًى وَبُكْمًا وَصُمًّا مَأْوَاهُمْ جَهَنَّمُ كُلَّمَا خَبَتْ زِدْنَاهُمْ سَعِيرًا} :

(و من يهد الله فهو المهتد) يعني اللي ربنا هيديه هو المهتدي حقيقة ، يعني اللي قبل ربنا في قلبه ، ربنا هيديه ، (و من يضل فلن تجد لهم أولياء من دونه) يعني اللي لم يقبل الله عز و جل و رسالات الأنبياء هو ده اللي ربنا هيضله ، تمام ، (فلن تجد لهم أولياء من دونه) محدش هيقدر ينصرهم من دون الله عز و جل ، (و نحشرهم يوم القيامة على وجوههم) يعني من باب الإهانة و التحقير ، ليه؟ لأن ربنا سبحانه و تعالى إيه ، قال (و لقد كرمنا بني آدم) الأصل إن ربنا كرم بني آدم ، طيب ، بني آدم إيه؟ أفسدوا فطرتهم السليمة و اتبعوا الشيطان الغوي المجرم الخبيث ، خلاص ، يبقى ربنا هيهيئهم ، يحشرهم حشر إهانة ، فعبر عن الحشر المهين لهم ده ، كأنهم إيه؟ على وجوههم ، كأن واحد ماشي على وجهه ، واحد كده حاطه على وجهه ، بتمسح البلاط بوجهه كده ، تمام؟ ، ف ده وصف مجازي للإهانة ، لأن أكرم شيء في

الإنسان إليه؟ الوجه ، لذلك هو في الأعلى و لذلك الإنسان منتصب مستقيم القائمة ، صح؟ مش إحنا قلنا كده؟ طيب ، (و نحشرهم يوم القيامة على وجوههم) من باب التحقير ، ده وصف مجازي للإهانة يعني ، (عمياً) أي كأنهم عمي ، (و بكماً) أي كأنهم لا يتكلمون ، (و صماً) أي كأنهم لا يسمعون ، يعني كأنهم مالهومش قيمة ، ده المعنى يعني ، (مأواهم جهنم) هي نهايتهم في يوم القيامة ؛ النار ، فتأوي إليهم و يأوون إليها ، (كلما خبت زدنهم سعيراً) كلما النار إليه تنضج جلودهم ، يُبدل الله سبحانه و تعالى جلودهم بجلود أخرى لكي يزدادوا عذاباً و ألماً ، و كذلك كلما خفت النار شيئاً ، الله سبحانه و تعالى يزيدها اشتعالاً و سعيراً حتى يقضي زمناً محدداً لكل إليه؟ لكل إنسان فيها ، حتى يُفنيها عن بكرة أبيها ، سبحانه و تعالى ، تمام؟ ، يبقى هنا أهو ، النار بتاعت جهنم ، في صفة من صفاتها خفية دقيقة ، مدحش أخذ باله منها (كلما خبت) أي أنها تخبو ، بتتطفئ يعني بالتدريج ، ربنا بيزدها سعير ، حتى يتم العد ، الذي وضعه الله سبحانه و تعالى لكل إليه؟ معذب في جهنم و العياذ بالله ، حتى يُفنيها عن بكرة أبيها .

{ذَلِكَ جَزَاؤُهُمْ بِأَنَّهُمْ كَفَرُوا بِآيَاتِنَا وَقَالُوا أَإِذَا كُنَّا عِظَامًا وَرُفَاتًا إِنَّا لَمَبْعُوثُونَ خَلْقًا جَدِيدًا} :

(ذلك جزاؤهم) ده جزاء الكفر ، و الإستهزاء بالأنبياء و سوء الظن و الكبر و الأنانية و البخل ، (ذلك جزاؤهم بأنهم كفروا بآياتنا) أي برسالاتنا ، (و قالوا أئذا كنا عظاماً و رفاتاً إِنَّا لَمَبْعُوثُونَ خَلْقًا جَدِيدًا) سواء أقالوا بقول اللسان أو بقول الفعل ، يعني كان فعلهم إليه؟ لازمه أنهم يكفرون باليوم الآخر أو أنهم قالوا ذلك صراحةً ، أنهم يكفرون بيوم الآخر ، هذا الأمر يُجازون عليه بجهنم في الآخرة .

{أَوَلَمْ يَرَوْا أَنَّ اللَّهَ الَّذِي خَلَقَ السَّمَاوَاتِ وَالْأَرْضَ قَادِرٌ عَلَى أَنْ يَخْلُقَ مِثْلَهُمْ وَجَعَلَ لَهُمْ أَجَلًا لَّا رَيْبَ فِيهِ فَأَبَى الظَّالِمُونَ إِلَّا كُفُورًا} :

(أولم يروا أن الله الذي خلق السماوات و الأرض قادر على أن يخلق مثلهم) ربنا خلق اللي أعظم منكم ، مش هيقدر يخلقكم مرة ثانية؟! ، (أولم يروا أن الله الذي خلق السماوات و الأرض قادر على أن يخلق مثلهم و جعل لهم أجلاً لا ريب فيه) ربنا حط/وضع أجل للدنيا أو لهذا الكون ، (لا ريب فيه) يعني بشكل مؤكد أنه سينتهي في الوقت الذي حدده الله سبحانه و تعالى ، (و جعل لهم أجلاً لا ريب فيه) أي لا شك فيه ، (فأبى الظالمون إلا كفوراً) يعني أصروا على الكفر و الاعتداء و محاربة الأنبياء .

{قُلْ لَوْ أَنُّكُمْ تَمْلِكُونَ خَزَائِنَ رَحْمَةِ رَبِّي إِذًا لَأَمْسَكْتُمْ خَشْيَةَ الْإِنْفَاقِ وَكَانَ الْإِنْسَانُ قَتُورًا} :

(قل لو أنتم تملكون خزائن رحمة ربي إذا لأمسكنكم خشية الإنفاق و كان الإنسان قتوراً) هنا ربنا بيبين صفة من صفات الإنسان الخفية ، و هي إليه؟ البخل و التقدير و الشح و حُب تخزين إليه؟ الأرزاق و الأموال و حبها عن الآخرين ، (قل لو أنتم تملكون خزائن رحمة ربي إذا لأمسكنكم) لمنعتم يعني ، (خشية الإنفاق) منعتم إليه؟ الإنفاق و الرحمات ، (و كان الإنسان قتوراً) فيه صفة البخل ، لذلك يجب الإنسان أن يُحارب صفة البخل و أن يُمانع صفة البخل ،

البخل في كل شيء ، البخل المادي و البخل المعنوي ، البخل في المشاعر ، ده بخل برضو ، خلي بالك ، و حُسن الظن خلاف البخل ، و سوء الظن هو بخل .

{وَلَقَدْ آتَيْنَا مُوسَى تِسْعَ آيَاتٍ بَيِّنَاتٍ فَاسْأَلْ بَنِي إِسْرَائِيلَ إِذْ جَاءَهُمْ فَقَالَ لَهُ فِرْعَوْنُ إِنِّي لَأَظُنُّكَ يَا مُوسَى مَسْحُورًا} :

(و لقد آتيناه موسى تسع آيات بينات) آيات عظيمة جداً هزت مصر و هزت فرعون و ملأه ، يعني زلزلتهم ، تمام؟ و هي بصائر ، (و لقد آتيناه موسى تسع آيات بينات فاسأل بني إسرائيل) يعني إيه؟ إسأل أهل الكتاب ، لأن هم توارثوا الروايات عن الآيات دي ، توارثوا الروايات عن هذه الآيات ، توارثوا الروايات عن هذه الآيات ، فاللي يريد أن يستزيد يسأل مين؟ أهل الذكر اللي هم بني إسرائيل ، (و لقد آتيناه موسى تسع آيات بينات فاسأل بني إسرائيل إذ جاءهم فقال له فرعون إني لأظنك يا موسى مسحوراً) يعني موسى لما راح لفرعون يدعوه و يقول له قولاً ليناً لعله إيه؟ يخشى ، لعله إيه؟ يتوب أو يؤمن بالله ، وفرعون رد عليه (إني لأظنك يا موسى مسحوراً) أنت شخص يعني إيه؟ أهبل أو عندك اضطراب عقلي ، تمام؟ أو بتسمع أصوات ، فأنت عندك إختلال نفسي ، عندك هلاوس ، فأنت شكك كده شبه المسحورين يعني ، أو إن السحرة بتوع مصر إيه؟ هم عملولك سحر ، فأنت جاي تهلفط ، بالكلام عندي في الإيه؟ في البهو في القصر بتاعي ، بيستهزأ بالنبي .

{قَالَ لَقَدْ عَلِمْتَ مَا أَنْزَلَ هَؤُلَاءِ إِلَّا رَبُّ السَّمَاوَاتِ وَالْأَرْضِ بَصَائِرَ وَإِنِّي لَأَظُنُّكَ يَا فِرْعَوْنُ مَثْبُورًا} :

بعد كده النبي قال له إيه بقى؟ (قال لقد علمت ما أنزل هؤلاء) أي الآيات دي مانزلتش إلا من رب السماوات ، أي اللي أنزلها رب السماوات و الأرض ، ربنا و رب آبائي و أجدادي ، (قال لقد علمت ما أنزل هؤلاء إلا رب السماوات و الأرض بصائر) بصائر يعني كي يكون كل إنسان على بصيرة ، و لكي يتبين الحق من الباطل ، تمام؟ ، (و إني لأظنك يا فرعون مثبورا) إداله/أعطاه نبوءة ، قال له لو فضلت على العناد بتاعك ده ، شكك كده هتتعذب عذاب أليم ، (مثبورا) يعني ستجد صوت الأفعى : الثاء و هو صوت الإندهاش أيضاً ، و كذلك ستجد إيه؟ البوار ، البوار ، أي إيه؟ النهاية و الإنتهاء و الفقر ، البوار ، مثبورا ، الثبور ، الثبور هو إيه؟ العذاب و صوت الأفعى و الإيه؟ البوار ، الآيات دي طبعاً عارفينها : العصا ، اليد يد موسى البيضاء ، القحط ، و الجراد ، و القمل ، و الضفادع ، و الدم ، نهر النيل لما إمتلا دم ، كان تقريباً بسبب الكبريت ، تمام؟ لم يكن إيه؟ يصلح للشرب لمدة إيه؟ بضعة أيام ، كذلك الأوبئة ، ماشي؟ اللي أصابت إيه؟ مصر ، تمام كده؟ ، و الفيضان ، فيضان نهر النيل اللي أغرقهم ، صح كده؟ طبعاً الأوبئة دي كانت آخر آية ، اللي هي موت أبكار إيه؟ المصريين ، سبحان الله ، كانت آية عظيمة من آيات إيه؟ الله سبحانه و تعالى التي ضربت مصر لكي إيه؟ تزلزل فرعون و ملأه ، و بعد كده تشاءموا من إيه؟ من موسى و قومه و جعلوهم يخرجون ، خلاص كده؟ طيب .

{فَأَرَادَ أَنْ يَسْتَفْزَهُمْ مِّنَ الْأَرْضِ فَأَغْرَقْنَاهُ وَمَنْ مَّعَهُ جَمِيعًا} :

(فأراد أن يستفزهم من الأرض) بعد ما خرجوا بقي عند البحر الأحمر ، بعد كده إيه؟ فرعون ندم ، أنا سبتهم كده يخرجوا و هم سبب البلاء اللي إحنا فيها دي ، قام خارج وراهم عشان يؤدبهم أو يقتلهم ، (فأراد أن يستفزهم من الأرض) يروح إيه؟ يخرجهم من المكان اللي استقروا فيه عند بحر الأحمر و يقتلهم أو يأسرهم مرة ثانية ، إيه اللي حصل بقي؟ مباشرة كده ، ربنا إيه؟ شق البحر لموسى و من معه ، كان في هناك إيه؟ ظرف ، ربنا سبحانه و تعالى مهدد إن ينشق لسان في البحر فيعبر فيه إيه؟ بني إسرائيل مع موسى ، من الضفة الغربية إلى الضفة الشرقية ، تمام ، اللي هي شبه جزيرة سيناء ، إيه اللي حصل؟ (فأراد أن يستفزهم من الأرض) فرعون يعني جري وراهم عشان ينتقم ، (فأغرقناه و من معه جميعاً) جنوده كلهم غرقوا و هو شاف و شاهد هذا الغرق ، تمام؟ ، و رجع مهزوم كالغريق ، لأن جيشه لما غرق هو إيه؟ كالغريق ، تمام؟ (فأغرقناه و من معه جميعاً) انتهوا ، انتهوا خلاص ، و رجع (اليوم ننجيك ببذنبك لتكون لمن خلفك آية) هترجع مهزوم لوحدهك ، إنت و كم نفر كده من حراسك ، فترجع بخيبتك الثقيلة ، ف ده غرق عظيم جداً و آية عظيمة جداً ، صح؟ .

{وَقُلْنَا مِّن بَعْدِهِ لِبَنِي إِسْرَائِيلَ اسْكُنُوا الْأَرْضَ فَإِذَا جَاءَ وَعْدُ الْآخِرَةِ جِئْنَا بِكُمْ لَفِيفًا} :

(و قلنا من بعده لبني إسرائيل) بعد الآية العظيمة دي ، قلنا لاتباع موسى (اسكنوا الأرض) يعني خشوا/ادخلوا فلسطين و اسكنوا الأرض المباركة دي ، (فإذا جاء وعد الآخرة) يعني يوم القيامة ، (جئنا بكم لفيفاً) جئنا/جئنا كل الأمم و من ضمنهم إنتم و فرعون و ملأه عشان نحكم ما بينكم ، تمام؟ ده المعنى .

{وَبِالْحَقِّ أَنزَلْنَاهُ وَبِالْحَقِّ نَزَلَ وَمَا أَرْسَلْنَاكَ إِلَّا مُبَشِّرًا وَنَذِيرًا} :

(و بالحق أنزلناه و بالحق نزل) القرآن الكريم ، (و ما أرسلناك إلا مبشراً و نذيراً) كل نبي هو مبشر و هو نذير .

{وَقُرْآنًا فَرَقْنَاهُ لِتَقْرَأَهُ عَلَى النَّاسِ عَلَى مُكْثٍ وَنَزَّلْنَاهُ تَنْزِيلًا} :

(و قرآنأ فرقناه لتقرأه على الناس) قرآن فرقناه يعني في صفته الفرقان ، في صفته إيه؟ الفرقان ، أي أنه يفرق بين الحق و الباطل ، لذلك سُمي عمر بالفاروق أي العادل ، الذي يفرق بين الحق و الباطل ، فصفا القرآن أنه إيه؟ فرقان ، فرينا قال إيه عنه؟ (و قرآنأ فرقناه) جعلنا فيه إيه؟ صفا الفرقان ، لذلك اللي يقرأ القرآن ده بإستمرار يبقى فاروق ، يعرف الحق من الباطل ، و يبقى كلمة حق ، (و قرآنأ فرقناه) علشان إيه؟ (لتقرأه على الناس على مكث) هنا بقى فلسفة المكث ، إنك تقرأ القرآن و تتدارسه بانتظام فترة زمنية طويلة ، ده بيحب خيرات كثيرة جداً ظاهرة و باطنة ، (و قرآنأ فرقناه لتقرأه على الناس على مكث) أي على فترة زمنية طويلة

بانتظام ، (و نزلناه تنزيلاً) أي نزلناه بقوة و بيقين و بشكل مصفا و واضح ، (و نزلناه تنزيلاً) فكان أعظم الوحي الإلهي للأنبياء .

{قُلْ آمِنُوا بِهِ أَوْ لَا تُؤْمِنُوا إِنَّ الَّذِينَ أُوتُوا الْعِلْمَ مِنْ قَبْلِهِ إِذَا يُتْلَى عَلَيْهِمْ يَخِرُّونَ لِلْأَذْقَانِ سُجَّدًا} :

(قل آمنوا به أو لا تؤمنوا) براحتكم ، لكم الاختيار ، هتؤمن ؛ تمام ، مش هتؤمن ؛ هتجد جزاءك ، (إن الذين أوتوا العلم من قبله إذا يتلى عليهم يخرون للأذقان سجداً) اللي هم مين؟ أهل الكتاب ، اللي عندهم إيه؟ خبرات مع إيه؟ مع الأنبياء و الوحي ، لما يقرأوا القرآن ده أو يسمعوه ، تمام؟ بخشوع (يخرون للأذقان سجداً) يعني إيه؟ يبكون و يخشعون لله عز و جل .

{وَيَقُولُونَ سُبْحَانَ رَبِّنَا إِنْ كَانَ وَعْدُ رَبِّنَا لَمَفْعُولًا} :

(و يقولون سبحان ربنا) تنزيهه لله ، (إن كان وعد ربنا لمفعولاً) يعني نبوءة الكتاب المقدس تحققت بالقرآن ده و بنبي القرآن ، اللي هو إيه؟ أخرج لهم من بين إخوتهن مثيلاً لك و أجعل كلامي في فمه ، اللي هي نبوءة عن سيدنا محمد ﷺ ، اللي هو شبه موسى و اللي هينزل بالشرعية إيه؟ مشابهة لشرعية التوراة ، لكن هتكون إيه؟ مختلفة عنها ، (و يقولون سبحان ربنا إن كان وعد ربنا لمفعولاً) النبوءة تحققت ؛ القرآن نزل و محمد اتبع ، بعث يعني .

{وَيَخِرُّونَ لِلْأَذْقَانِ يَبْكُونَ وَيَزِيدُهُمْ خُشُوعًا} :

(و يخرون للأذقان يبكون و يزيدهم خشوعاً) القرآن ده يزيدهم خشوعاً ، لأنهم أهل تجربة مع الوحي و أهل إيمان ، (و يخرون للأذقان) أي إيه؟ يسجدون ، يكثرون من السجود .

{قُلِ ادْعُوا اللَّهَ أَوْ ادْعُوا الرَّحْمَنَ أَيًّا مَا تَدْعُوا فَلَهُ الْأَسْمَاءُ الْحُسْنَى وَلَا تَجْهَرُ بِصَلَاتِكَ وَلَا تُخَافِتْ بِهَا وَابْتَغِ بَيْنَ ذَلِكَ سَبِيلًا} :



(قل ادعوا الله أو ادعوا الرحمن أيّاً ما تدعوا فله الأسماء الحسنی) ربنا له أسماء كثيرة جدا حسنى ، و هو مسمى في كافة الأديان بأسماء حسنى كثيرة و هو إله واحد فقط ، و بعد كده ربنا بينصح النبي و كل نبي (و لا تجهر بصلاتك و لا تخافت بها) يعني ماتزعقش أوي في الصلاة ، تعلي صوتك أوي و لا إيه؟ تسرها أوي ، (و ابتغ بين ذلك سبيلاً) خير الأمور الوسط ، إقرأ كده و سمع إيه؟ نفسك و اللي حولك بصوت إيه؟ طيب و حسن ، ماتزعقش أوي و لا إيه؟ تسكت خالص ، صوت تسمع نفسك و اللي حولك .

{وَقُلِ الْحَمْدُ لِلَّهِ الَّذِي لَمْ يَتَّخِذْ وَلَدًا وَلَمْ يَكُنْ لَهُ شَرِيكٌ فِي الْمُلْكِ وَلَمْ يَكُنْ لَهُ وَلِيٌّ مِّنَ الدُّلِّ وَكَبِّرْهُ تَكْبِيرًا} :

(و قل الحمد لله) سر الدين ، الحمد هو سر الدين ، (و قل الحمد لله الذي لم يتخذ ولداً) كويس أوي إن ربنا ماعندهوش ولد ، ده سر ربنا يعرفه ، (و لم يكن له شريك في الملك) مفيش شريك معه في هذا الملك العظيم ، (و لم يكن له ولي من الدل) عيسى اللي إتدل على الصليب و أغمي عليه ، أبداً مكنش إله معه ، مكنش شريكه في الملك ، (و كَبِّرْهُ تَكْبِيرًا) عظم ربنا و كَبِّرْهُ ، الله أكبر ، الله أكبر ، الله أكبر . حد عنده سؤال ثاني؟ .

و اختتم نبي الله الجلسة المباركة بقوله المبارك :

هذا و صلّ اللهم و سلم على نبينا محمد و على آله و صحبه و سلم ، سبحانك اللهم و بحمدك ، أشهد أن لا إله إلا أنت ، أستغفرك و أتوب إليك .

و الحمد لله رب العالمين . و صلّ يا ربي و سلم على أنبياءك الكرام محمد و أحمد و يوسف بن المسيح صلوات تلو صلوات طيبات مباركات ، و على أنبياء عهد محمد الآتين في مستقبل قرون السنين أجمعين . آمين .  

تم بحمد الله تعالى